

東方雜誌

第二卷 第四期



東方雜誌售例

- 一 本雜誌零售每冊大洋銀二角五分外埠增加郵費五分
 - 二 預定全年十二冊本埠大洋二元五角外埠加郵費洋陸角外國加郵費洋一元五角香港澳門青島三處與外國同日本與外埠同至未通郵政之處民局寄資閱者自給
 - 三 凡至總發行所定購者務請將資費送交總發行所收銀後當付收據惟報資未能照章寄足者祇可照零售例每冊以大洋銀二角五分計算寄足應得冊數為止
 - 四 在總發行所定購者本埠按期派送不取酒資
 - 五 凡一人定購五份寄送一處者照價九折十份者八折
 - 六 在總發行所定購者如遷徙他處務託妥人代收一面知照總發行所改寄惟已寄原處之冊不能複寄其在代售處定購者請自向代售處商辦總發行所不能接寄
 - 七 總發行所按期寄送以郵局民局回單為憑中途遺失閱者自理
 - 八 凡在代售處購報者報價郵費與總發行所一律其不用洋銀之處每圓合算制錢一千文由代售處逐月函寄總發行所清釐賬項照通例以八折核算餘二折作為酬勞惟至少以五份起碼代售至二百五十份者七五折五百份者七折七百五十份者六五折一千份者六折再折扣悉依原定全年報資核算如一千份者六折即每份以大洋一圓五角核算是也惟郵費分文不扣
 - 一 代售處收到資費即寄總發行所如定購者不將資費照章寄足照第三條辦理至代售處遣人送報不得另索酒資
- 一本雜誌總發行所在上海棋盤街中市商務印書館 本埠寄售處 各書坊 外埠代售處 北京 公慎書局
有正書局 保定府官書局 湖南長沙集益書社 常德啓智書局 湖北武昌文明書局 中東書社 新政書局 總派報處 漢口 商務印書館 江左漢記 廣東開新書報公司 聖教書樓 英文書莊 江西南昌廣智書莊 南京明達書莊 中西書局 杭州崇實齋 採辦書報處 史學齋 蘇州開智書室 日本東京金港堂書店

商 務 印 書 館 出 版

嚴 又 陵 先 生 新 譯

英 國 穆 勒 約 翰

群 己 權 界 論

John Stuart Mill's on Liberty.

是書發揮自繇精義勸清國羣小已二者權界平社會之凌犯振國民之精神大旨惡苟同而尚特操賤死法而尊公理平實地說實話無一毫放誕恣睢之氣而胸次之超眼界之闊真備狹自是者對證之聖藥原書風行字內久推傑作譯者精思妙筆更能相副自序有言學者必明乎己與羣之權界而後自由之說乃可用則是書之出其有功於今日世道豈淺鮮哉太史公謂有國者不可不知春秋為人臣子者不可不知春秋今吾亦謂為國民者不可不讀權界論也先生以版權特歸本館許以專印發售書凡五篇都八萬言洋裝一册價銀一元

英 倫 甄 克 思

社 會 通 詮

Ed. Jenks' A History of Politics.

民族主義源於泰西近十年來激動國難從其說者見有廣狹術有文野其排外則一也惟是世界大通種界泯彼都先覺獨標新義挾羣學天理發明宗法社會軍國社會之殊前勝蠻夷一等而我國今正進行後級漸進大同而彼族已經幾及彼方升堂我猶門外急起直追猶虞不及又安可抱持陳說以自域進步乎甄君掌教英國鄂斯福大學是書為三年前印本就社會已然之迹而推其所以致此之由補發陳言推倒衆說侯官嚴先生以其能裨我國社會遂譯數月書成以版權本館專印行世現已出版洋裝一册價銀一元二角五分

商務印書館出版
嚴又陵先生新譯

英 文 漢 語

十年以來吾國討論西字者日多有志之士慮其本或失其常欲從其文字之借音者或下其手而安其前之借音者或下其手而安其此可憐吾國學界深非也但師資難得而身不能說又非其力而於時日者不能說又非其力而年不辨則無官志未遠者多向而歎者矣侯官嚴幾道先生深於中西文字三昧年來譯者大抵於高文以爲衆人所不能者爲自足諸公謂先生必寡一書以爲海內諸文者向導函促乃以爲半年內力撰成是編由淺而深自音論至造句析辭點頓而用旁行式漢詩文可無不析無不條與凡號中國學者所難通者尤爲昭覆而明辨蓋作者不獨以己之教習人久昏也以此初學之所疑難故能心見結深悉誠西學之金針而學界之鴻寶也書成幸蒙先生不惜工費校勘精確洋裝印發售不惜工費校勘精確洋裝印以期耐久定價每部大洋一元二角編者於中英文字間其不開通者未之有也

孟 德 斯 鳩 法 意

法儒孟德斯鳩著原名 ESPRIT DES LOIS
成於一千七百四十八年爲十八世紀極有關繫之著作所論自君主民主之異制與其形質精神教育所因而殊兵刑財賦通商惠工風土禮俗獄訟宗教凡自希臘羅馬以來各國所頒行之法典莫不著其所由而亦窮其結果網羅宏富體大思精普拿破命軍中機密八種自隨而法意爲其一厥後爲法國造律遂成近世最善法典蓋是書聲價自此定矣而吾國朝野方言立憲行且大啓宏規蓋千里蓬可獲懼幸適者嚴幾道先生檢取原書重爲逐譯本館知海內諸公先親爲快因請援原書之例稿分四起陸續印行藉餉學界所冀於國家自強圖治之方不無小補至於譯家能事無待本館贅一辭矣首次印行凡十五卷價 元 角

商 務 印 書 館 出 版

御批歷代通鑑輯覽

每部二十四册
價洋三元

資治通鑑

每部六十册
價洋九圓

綱鑑易知錄

每部十六册
價洋一圓四角

王船山讀通鑑論 宋附論

每部十册
價洋一圓二角

十一朝東華錄肇要

每部二十八册
價洋六圓

李文忠公朋僚函稿

每部十二册
價洋五圓

奏定學堂章程

每部四大册定價洋一元二角

南皮張宮保會同總理學務大臣奏定各項學堂章程業經奉旨頒行本館覓得原板用大字鉛印紙張潔白校訂無訛

京師大學堂講義初編

每部四册定價洋一元二角

京師大學堂每日授課均各預撰講義分給諸生先行研習各省學者亟欲先睹願大學堂未有刊本咸以為憾本館覓得原書數種曰倫理曰經學曰心理曰中國史曰萬國史曰中國地理曰經濟雖非定本然要足以示海內學術之模楷矣

京師大學堂講義二編

每部四册定價洋一元二角

京師大學堂所出講義經本館覓得數種印行各學堂爭相購取奉為準則茲又覓得中國通史中國史萬國史中國地理經濟學堂故學心理學七種列為二編照初編式印行其萬國史心理學兩種皆與初編聯結者也

速成師範講義錄

每部二大册定價洋二元

日本山路一遊講義湘鄉顏可鑄編輯○是書係日本速成師範學校之講義為顏君留學時所記錄凡六種於教學之旨趣立國之大原蓋可考也○此書版權現已歸本館并此聲明

東方雜誌第四期目錄

波羅的海艦隊經過蘇彝士河

日本右翼軍隊進攻撫順

盤谷

盤谷載神符象

社說

選論附

物質進化論 本社撰稿 亞泉

利用中國之政教論 本社撰稿 毅生

論國權之關係 節錄乙巳二月二十一日匯報

論中國民族文明之起原 錄乙巳二月二十六日
至二十八日時報

論革除迷信鬼神之法 錄乙巳三月初五日中外日報

諭旨

內務

目錄

軍機處改制私議 節錄乙巳二月初四日時報

論俄國立憲之風潮及無政府黨主義 錄乙巳二月十
三日時報

政務處覆奏蘇省裁改職官摺

吏部奏遵議知縣參革遺缺變通叙補摺

吏部奏漢文武廕生請免考試摺

山東巡撫雇用德員司肯多福充當辦事隨員合同

各省內務彙誌

各國內務彙誌

軍事

續備俄論 錄乙巳二月十三日時報

練兵處奏再添練北洋常備軍二大鏡摺

欽差大臣兵部侍郎鐵奏陳查閱各省營伍礮臺武備
學堂情形摺

練兵處議定第一次陸軍退伍章程

陸軍目兵衣帽圖說

各省軍事紀要

日俄戰事紀要

二

乙巳

奉天附近戰
中立黨請
俄皇統將
日對軍港

各國軍事紀要

外交

論德皇頒給周制軍寶星事 錄乙巳二月初三日中外日報

論交際與交涉之界限 錄乙巳第七號外交報

閩浙總督魏奏辦理閩省交涉各案情形片

南洋大臣兩江總督周札飭江海關道袁核議上海會
審公堂修改章程文 章程附

美外部大臣創議保全中國致駐歐洲各國美使電

中外交涉彙誌

各國交涉彙誌

教育

論道體教育之關係 錄乙巳二月初八日新聞報

論報館之有益於國 報 錄乙巳二月二十三日及二十六日新聞

練兵處兵部會奏議出使美日總古墨大臣梁奏請
設陸軍大學省學並選王公子弟入堂肄習摺

練兵處兵部會奏陸軍小學堂章程摺 章程續登

出使日本大臣楊奏特設法政速成科學教授游學官
紳以急先務而求實效摺片

出使比國大臣楊奏比國學制大備學費較廉請 飭
各省分遣游學以儲成材摺

大學堂總監督張奏開辦豫科並招師範生摺

前署湖南巡撫陸奏湘紳建立嶽麓景賢堂片

日本早稻田大學中國留學生章程紀要

各省教育彙誌

各省報界彙誌

僑民與學

財政

論各省因捐滋事案 錄乙巳三月十二日漢口日報

直隸總督袁奏商請將鹽斤定價定秤設局緝私報
繳仍留餘價二成備抵虧課摺

署山東巡撫胡奏查明山東省各屬經征錢漕折征數
目摺

兩廣總督岑廣東巡撫張會奏第四屆開捐減餉招商
承辦摺

外務部咨行各省禁購銅餅文

兩江總督周准湖南巡撫陸咨送長沙關議訂報單章程轉飭江海關道遵照札文

前美國專使精銜詳報美外部籌議中國改變團法情形說帖

光緒二十九年部庫進出款項總數及細數清單

各省財政彙誌

各國財政彙誌

小說

雜俎

附錄商務印書館徵文

我國各地交通不便語言因以參差今汽車汽船既未
備通有何良策能使語言齊一歟 李惜霜

學堂用經傳宜以何時誦讀何法教授始能獲益 李惜霜

醫學與社會之關係 海 鱗

目錄

中日二國同在亞洲同為黃種又同時與歐美通商而
強弱懸殊至此其故何歟 丁達甲

三

222


期 四 第 誌 雜 方 東

目 錄



四


四 月



波羅的海艦隊經過蘇彝士河




順撫攻進隊軍翼右本日



谷 盤

日本神祇



盤谷載神符象

社說

選論附

物質進化論 本社撰稿

亞 泉

宇宙間事事物物。爲吾人所感所知者。紛紜萬狀。不可條理。吾於其間。爲類別之。爲總括之。類別之。爲三。曰物質。曰生命。曰心靈。總括之。則曰現象。

物質者。有重量。有立積。二者爲其特別之現象。次如光色。臭味之類。非普通所具。然宇宙內。感於吾人之官體者。大率爲物質現象。凡化學。物理學。所講論者。皆是也。惟生長。生殖二者。爲物質之所無。蓋二者乃生命之現象。以具此現象者。爲有生命之證據。凡生物學中所講論者。皆是也。心靈之現象。曰智。曰情。曰意。凡心理學中所講論者。皆是也。

何謂現象。現象者。對於實體而言。常人往往以實體爲可憑。而以現象爲未確。如云物質。則人以爲是有實體者。至云生命。云心靈。則覺此二者皆爲虛無幽渺之名詞。且覺心靈較生命更爲幽渺。彼蓋以二者爲無實體也。然就學術言之。則意殊不同。學者之言曰。物質。生命。心靈三者。皆祇有現象而已。非謂其無實體也。以吾人之可感可知者。乃皆現象也。非實體也。現象在覺性界中。實體不可覺。故在悟性界中。常人誤以物質爲可覺之實體。不過因目

社說

七十三

乙巳

見。其。返。光。耳。聞。其。顛。動。手。足。膚。體。能。覺。其。重。量。與。立。積。耳。茲。數。者。現。象。耶。實。體。耶。不。待。辨。以。現。象。之。直。接。於。感。官。者。為。實。體。非。直。接。於。感。官。者。為。虛。境。此。與。以。空。氣。所。在。之。處。為。空。處。無。異。苟。細。心。體。會。則。三。者。之。在。吾。人。覺。性。界。中。同。為。現。象。可。知。矣。

宇。宙。間。種。種。現。象。既。不。出。此。三。者。以。外。則。一。切。學。術。雖。科。目。甚。繁。皆。可。以。此。統。之。何。則。學。也。者。自。客。觀。言。乃。就。宇。宙。間。本。有。之。定。理。定。法。研。究。而。發。明。之。以。應。用。於。世。之。謂。自。主。觀。言。乃。由。所。感。所。知。者。進。於。演。繹。歸。納。之。謂。宇。宙。間。三。者。以。外。別。無。現。象。則。所。謂。定。理。定。法。者。即。在。此。現。象。之。中。所。感。所。知。者。亦。感。知。此。現。象。而。已。故。此。三。象。者。一。切。學。術。之。根。據。其。直。接。研。究。之。記。載。之。者。為。物。理。學。物。包。化。學。博。學。包。生。物。生。理。學。心。理。學。以。此。三。科。為。根。據。地。應。用。其。材。料。而。有。種。種。工。藝。航。海。機。械。之。學。醫。藥。衛。生。農。林。畜。牧。之。學。倫。理。論。理。宗。教。教。育。政。法。經。濟。之。學。又。統。合。三。科。研。究。其。具。此。現。象。之。實。體。而。有。哲。學。

以。上。所。言。乃。表。明。宇。宙。之。內。覺。性。之。中。無。非。三。象。然。此。三。象。者。雖。各。具。特。別。性。能。而。又。不。可。分。離。蓋。必。有。物。質。而。後。有。生。命。有。生。命。而。後。有。心。靈。有。無。生。命。無。心。靈。之。物。質。無。無。物。質。之。生。命。有。無。心。靈。之。生。命。無。無。生。命。無。物。質。之。心。靈。無。生。命。心。靈。之。物。質。鑛。物。質。及。生。物。之。遺。骸。是。也。無。心。靈。之。生。命。植。物。及。動。物。之。去。其。腦。者。是。也。無。物。質。之。生。命。則。為。佛。為。仙。無。生。命。

之心靈。則爲妖爲鬼。是皆初民之想像。宗教之寓言而已。

三象之不能分離。論證甚多。且其關係甚爲切密。如生命之保存。必賴物質之營養。且同一物質。有生命時。則不至酸化。生命一絕。卽有腐敗枯落之憂。此物質。生命之關係也。吾人壯健時。心思靈敏。老病則感覺記憶。思悟之力俱退。喜樂則爽快。憂鬱則病死。此生命。心靈之關係也。心理學中。論心物關係之理甚多。且以爲心物同元。而倡一元論。或多元一體論。多元一體者。猶言多象一體也。今既以諸種現象。別爲三類。則曰三象一體可也。

三象一體固已。而其中又有可異者在。生命不能離物質而存。而可離此物以附於彼物。無論何種生物。均有新陳代謝之能。則今日之生命。附此物質而存者。明日則又附他物質而存。而與此物質相離矣。而此物質。或爲他生物所吸收。則另爲他生命所附麗。心靈之於生命。亦然。心靈之單位。爲一觀念。蓋心靈界中。雖包藏無數之觀念。然不能同時並起於意識界。故僅有數觀念聯合。入意識界中。而爲念團。此念團之中。又有一念占主位。使他念服從而輔助之。此一念卽爲注意點。然又不免時時移換。以他念起而代之。一日之間。念之忽起忽落。於吾意識中者。轉變遷流。莫可踪跡。而我之所注意者。或不知不覺而入於他人意識中。如見人喜而亦喜。聞人憂而亦憂。此同情之事實。心理學中多證論之。由此以觀。則同一

生。命。其。心。靈。之。注。意。點。屢。移。而。此。注。意。點。轉。可。附。於。他。生。命。而。存。如。受。高。明。之。教。育。而。成。才。智。積。歷。代。之。知。識。而。啟。文。明。是。皆。他。人。之。心。靈。附。麗。於。他。人。之。生。命。者。則。其。間。若。可。分。離。若。不。可。分。離。者。其。現。象。不。亦。奇。歟。

近之學者論心靈之發達。皆推原於感覺。而感覺之能力。似與生命俱存。植物之中。有感覺者不少。由此而進化。即爲心靈之起原。是生命與心靈爲一體。可無異說。惟生命之起原。是否由物質之現象而進化者。近世學說。無以證之。據生物學中之所考。凡有細胞。必爲細胞所分生。非細胞不能生細胞。故化學家能以無機物質造有機物質。而不能以無生物造有生物。是生命物質截然兩途。生命之起原。固學界中之一大疑問也。

推想地球太古之時。斷不能爲生物所居住。至於今日。被於全球之皮層者。幾無非生物與生物之遺骸。則其間自無生物而爲有生物之原因如何耶。其第一生物。果如何出現耶。此種答案。雖達爾文猶難之。以爲不可思議。彼之進化論所發明者。乃從有原始生物以後。而論其遞次變遷繁殖之情形。故原始生物之何自而來。學界中無能言之。祇能以理論定其爲由無機物化成。卒無可以實驗。則生命之是否由物質而進化。尙難定論也。

但就已有生物之後而言。則無生命之物質。進化而爲有生命之物質者。幾無限量。據理以

推。則再經悠久之時日。必將盡地球之物質。而皆有生命。而皆有心靈。何以言之。試觀生物繁殖之多。長成之速。充其量。固必有盡全球。而悉為生物之時。雖其間生存競爭。得遂其生者。無幾。然其或生或滅。可置不計。但計其可以為生物之資料者。固已年多。一年其營造此資料者。即綠色植物之同化作用。是也。綠色植物藉太陽之光線。與葉綠質之功用。日變無機物質。為有機物質。此有機物質之增多。即為生物繁殖之總因。雖其增多之率。為數學級數。不能敵生物繁殖之幾何級數。然生物增多之率。亦即以數學級數推之。則悠久無極之時間。苟不盡此地球。而為生物不止。即地球之原質。有不為生物所含者。然皆少數之原質耳。盡地球之物質。而皆有生命。此就學理推之。固無甚不合者。既有生命。則依心理發達之理。必將皆有心靈。其說亦無可議也。

吾嘗疑此地球之各物質。終古營營擾擾。或體變。或化變。無一息之停。彼固抱如何之目的。將成如何之結果。耶。若以為自然而在地球。實為無意識之作用。此實非深於觀察者之所言。且即為無意識之作用。既有作用。亦安得不有結果。彼之結果。殆將使現在之塊然土石。一變而為燦爛美麗之花草。再變而為活潑靈敏之精神。綜其所歸。無非進化。然則進化者。固地球維一之特性也。或曰。地球之內。質與力。終古不能增損。既無增損。安有所謂進化。

者。然質無所增而質之能力日增。力無所增而日以其不規則之力爲有規則之力。此卽進化之旨矣。

利用中國之政教論 本社撰稿

穀生

東球之陸有國焉。處世界大潮流之中。當帝國主義軍國民主義橫行無忌之日。其朝野上下。紛飾塗附。奄奄然若無所於戚。無所於懼。世界文明人。指而目之曰。老大帝國。或相與諡之曰。東方病夫。重其辭則曰。行尸走肉。悲夫。我中國乃真無可望矣。雖然。匪自今始。夫以二萬方里膏腴之地。擁四萬萬雋秀之民。乃不能與西歐各邦競一日之短長。斯何故歟。說者曰。是政體之罪。西歐學者。近百年來。後先輩出。各以其專門之長。貢獻於社會。功業垂萬世而不朽。斯亦盛矣。我國學士仁人。肩背相望。於古人文之盛。遠在歐西開化以前。浸微浸歇。至於今不振。其儼然自命之流。拾他人唾餘。沾沾一得。要其指歸。無大影響於祖國。甚至縉紳之士。故步自封。不知國家爲何物。此又何歟。說者曰。無教育故。夫政與教相生相助。不可名其先後者也。以因果常例言之。國家政體必胎於箇人教育。政體之文野。視箇人之程度而定。非澳之土人。山林之蠻族。雖與以文明標本而不能用也。有英人之教育。始足以開全球立憲之幕。有法人之教育。始足以廢專制而伸民政。有美人之教育。始足以擬人道之

平和而漸除貴族。政體雖殊而其爲教育之結果則無可疑。我國論世之儒以國勢之危有如累卵。人民無識。邈若要荒。雖明知厲階於政體。要必先蔽罪於古聖賢之立教。孔子之名大矣。雖駢弛之子。或有所畏避而不敢譏。自茲以降。無不遭後人指摘者。而於宋代諸儒爲尤甚。一述及之。怒髮裂眦。不辯其人其書之美惡。然否。鷹擊毛鷲。體無完膚。若必欲摧燒其書。磨滅其名。而後快者。嗚呼。亦已甚矣。夫昔儒之所以得罪於今日者。亦以其出拘墟駟伏之言。爲天下立教以助專制。而縛人心已耳。雖然。我聞諸古人。知人必論其世。欲定古人之大獄。必先求其所生何時。所居何地。而後敢以爰書羅其罪狀。曰若者爲卮言。若者爲邪說。非然者。吾見其扞格無當。而重誣古人也。夫士人束髮受書。歎明王之不作。託政見於空文。斯亦窮矣。然卽此區區空言。或且不容於世。身沒名晦。故非常之士。不見用於時。而著書立說。不惜多方緣飾。以動當世觀聽。垂之來禩。傳之其人。而風煙磨滅。魚蟲剝蝕。其得傳亦僅矣。又況代遠年湮。見聞互異。雖以至聖之書。苟失其本真。轉不能下儕於凡俗。聰明之主。間世一出。搜羅遺籍。擇其近於吾政體者。稍稍表揚而出之。其有微文諷歎者。焚之裂之。以爲厲禁。故吾謂自秦以來。天下之教皆爲政體之附庸。無古無今。不能持一說爲公道之標準。與政府相抗衡。夫亦以海內一君大權專一。充塞於兩間者。惟政權爲本位。有人於此。非先

王。之。法。服。不。敢。服。非。先。王。之。法。言。不。敢。言。守。百。世。餘。緒。以。傳。好。學。深。思。之。士。可。謂。不。悖。於。聖。人。之。教。矣。然。使。其。一。言。一。行。或。不。合。於。時。君。之。令。則。小。而。放。詘。大。而。誅。夷。其。得。罪。於。世。彰。彰。矣。又。有。人。於。此。揣摩。時。尚。蹂躪。道。德。大。背。於。名。教。而。不。悔。然。能。奉。後。王。之。迹。苛。政。亂。法。猶。且。俯。首。帖。耳。以。從。之。斯。其。人。必。以。功。名。終。故。專。制。之。世。有。政。而。已。無。所。謂。教。有。之。則。必。阿。諛。委。靡。率。天。下。以。奉。承。專。制。者。也。雖。然。非。立。教。者。之。咎。也。

故。吾。中。國。之。政。教。可。以。一。語。蔽。之。曰。寡。人。專。制。近。今。以。來。國。勢。日。絀。歐。美。文。明。遞。相。輸。灌。魁。壘。之。士。率。以。激。切。之。言。辭。昌。言。於。衆。輒。曰。謀。多。數。治。安。立。共。和。政。體。等。而。下。之。則。曰。共。和。之。制。去。中。國。過。遠。宜。降。格。以。求。之。取。彼。開。明。破。吾。積。習。則。莫。如。立。憲。於。是。嚶。嚶。之。聲。徧。於。草。野。莫。不。曰。定。國。是。定。國。是。立。憲。而。後。中。國。可。興。也。吾。聞。其。言。吾。爲。之。捐。然。以。悲。悄。然。以。憂。吾。慮。其。說。之。必。不。能。行。卽。行。矣。亦。必。不。能。奏。效。歐。風。墨。雨。標。搖。吾。室。家。者。且。夕。且。至。矣。而。何。暇。於。從。容。立。憲。爲。然。則。奈。何。曰。吾。欲。以。一。言。易。之。謂。中。國。興。而。後。可。立。憲。興。之。奈。何。則。莫。如。卽。專。制。之。政。教。而。因。以。爲。功。其。最。初。之。術。則。以。專。制。之。力。行。強。迫。教。育。之。制。其。次。若。工。業。若。路。礦。若。官。制。若。服。色。其。不。適。於。生。存。者。一。以。專。制。之。力。剗。絕。之。其。有。合。於。強。國。者。一。以。專。制。之。力。提。倡。之。至。若。民。風。習。俗。萬。不。能。以。專。制。政。令。易。之。者。則。以。專。制。之。教。間。接。而。行。之。方。針。劃。然。

操之。自我自上而下。雷厲風行。不出十年。中國其庶乎可立憲矣。不然。緩急失宜。後先倒置。試問今之國民。有立憲資格者。能有幾人。無立憲國民。又將誰與立憲。夫教育本為緩劑。成功最晚。而又以今之放任主義。行於其間。不及百年。而吾國已墟矣。世人不察。徒詬厲專制之政。教欲舉一切蹂躪之。蓋亦炫於立憲之美名。而不知所處耳。烏可得哉。烏可得哉。

論國權之關係 節錄乙巳二月二十一日滙報

有國必有事。有事必有權。治內宜有權。對外亦宜有權。夫國之象一虛殼耳。權即所以實虛殼之物也。事之形亦一幻影耳。權即所以定幻影之具也。國不能離權而存。即事不能舍權而治。不見夫秦東西之此日增兵。彼日造艦乎。何爲也。曰張權也。又不見夫遺善買人。爭通商地乎。何爲也。曰植權也。更不見夫設領事於團團場。駐使臣於輦轂地。以監察財政稅政。與交涉之事乎。何爲也。曰保權也。保之不已。漸出於爭。爭之不已。遂出於抗。抗之不已。又欲伸己權。抑人權。噫嘻。殆已釀成一強權世界矣。強權之世界。成即弱權之國勢。盛吾不禁爲中國憂之。夫各國之競尙此強權者。謂無形之權。能制有形之物也。得鑛權而鑛之開採。可權自吾操。得路權而路之縱橫。可權自吾主。得審判罪犯權。而罪犯之或出或入。可權自吾轉移。橫覽二十年來。彼則竭心慮而權日強。吾則昧時勢而權日弱。故如開平鑛。粵漢路。

賄數十萬。某事受賄數百萬。人口悠悠。雖未可盡以爲實。然木腐蟲生。肉羶蠅集。物之情也。失權之原因。又其一。既有此兩大原因。遂來此一般結果。於此而欲挽吾國權要。貴從自重。其權着手。畏蒞而失權者。黜貪鄙而失權者。誅如是則權能自主。而所失於外人之權。亦漸漸可復。不然權失而土失。失而國將不能獨存。望印度之荒郊。歎噓欲淚。讀波蘭之逸史。嗚咽無聲。失權之慘。竟如是乎。幸勿使今人之痛。印度波蘭者。轉以痛吾也。

論中國民族文明之起原 錄二月二十六日至二十八日時敏報

自大草大木大鳥大獸。而過白堊紀。進石刀期。爲人類之始。其間所經歷。所變化。吾不知其幾千萬年也。春秋緯曰。自開闢至於獲麟。凡三百七十二萬六千歲。分爲十紀。泰西考古學者之言曰。地球生物之起原。在一萬萬年以前。人類之遺跡。在一萬年以至十萬年以前。選哉天地。肇始若是其邈邈乎。鴻濛初闢。溟滓無稽。書契未興。鑿言疇信。然以人羣進化之公理推之。人類之始。其必戰勝此怒生之草。交加之藤。獍怪猛惡之飛走動物。然後得安奠厥居。可知也。人類者有生機體者也。其生也合耳。目。口。鼻。心。肝。脾。肺。等部。而後成。故其聚也。亦必由一人而合一家。而合一族。而成一部落。但其成此部落。則人人各有獨立之權。有事則舉其強者。智者。以裁判而已。所謂酋長之政體者也。是爲天然民族之時期。丁此時期。一民

族所占之地不甚廣。或限之一山焉。或間之一水焉。即不相聞問也。但各居其平原。各安其土俗。臥則喏喏。起則吁吁。飢則求食。飽則棄餘。至老死不相往來。此太古原人之性質然也。然時之久則孳乳繁矣。地狹不足以居之。衣食溥矣。入寡不足以供之。於是不得不擴土。於是不得不竭力經營。一部落然。衆部落亦然。互相擴土。互相竭力經營。其勢必至於互相侵陵。互相爭競。已而優者勝。劣者敗矣。當斯時也。民族愈結愈大而競爭亦愈烈。乃不得不置君主。掌一族之大權。指揮羣下。而與他族戰爭。於是而中央集權之制萌芽矣。是爲天然民族。進於人文民族之時期。自此期而後。君主之權日大。而三綱六紀衣食器用之利亦日宏。民族皆俯首聽治於其下。沐其禮教。長育德性。守其法律。範圍人身。家族之制度完備。國家之團體結成。產業有著。交通漸開。儀文物數。彬彬郁郁。即間有謬種敗羣。破壞秩序者。亦無所逃於君主之刑。此唐虞夏商周開化之時期。所以稱極盛也。是爲人文民族初發達之時期。然而一人居上。萬人居下。政權既大。專制遂成。公理易。私意難。絕。秦漢以後。吾民族不進化而日退化者。抑有由也。嗟夫。民族之起原。非羣也。乎。非合小羣而成大羣也。乎。何以大羣既結。則離心離德。盤盤如散沙。疊疊如亂石。故由今而推。人文民族再發達之時期。則蓋上而溯諸文明發生之所自。

文明者。民族生存之物也。文明愈發達。則民族愈強盛。野蠻民族所以日即頹落者。惟文明窒塞之故。文明之主義。若何求之於吾國。易同人之卦曰。其德剛健而文明。應乎天而時行。是以元亨易之時義大矣哉。同人之卦。離下乾上。乾天也。其體剛健。離火也。其體文明。剛健主乎內。文明發乎外。故內剛健而後。外文明。則於天下之事理。無不燭照。天下之時勢。無不指掌。發之政治。焉發之學術。焉一一合乎天。一一應乎時。燦然爛然。如錦綉然。所謂文明也。物競天擇。適者生存。惟文明能適之也。故曰。應乎天而時行。是以元亨。文明之主義。蓋若斯哉。嗚呼。欲覘民族之強弱。必於是焉。覘之矣。

居今日而上溯文明早發達之民族。孰不曰中國乎。印度乎。埃及乎。墨西哥乎。亞西諸邦乎。然今試一游恆河口之名都。問二億八千餘萬之民族。能保其文明否乎。又試一游尼羅河之流域。問司馬女王巴拉王之盛業。今之民族能繼續其文明否乎。墨西哥能脫西班牙而獨立。而不能壓美利堅之東侵。蹙蹙太平洋之東濱。恐此二千二百萬之民族。無以光復其文明也。而更西望裏海黑海地中海紅海阿刺伯海波斯灣環抱之高原。又孰非歐洲白種殖民之地也邪。能嶄然獨立之民族。誰邪。嗚呼。太古之文明。今何在邪。是可為中國懼。是可為中國懼。嗟吾民族。母謂中國今猶完全。遂可恃也。母謂中國文明。繼續未絕。遂可恃也。文

明。早。發。達。之。民。族。五。今。已。亡。者。四。矣。若。吾。民。族。則。吾。尙。未。忍。遽。曰。亡。耳。亡。耳。
夫。吾。所。祝。者。吾。國。民。族。日。強。不。隨。之。而。淪。滅。耳。然。論。文。明。之。發。生。則。吾。中。國。與。印。度。埃。及。墨。
西。哥。亞。西。諸。邦。果。誰。先。此。吾。民。族。所。當。注。意。者。也。執。民。族。西。來。之。近。說。則。墨。西。埃。及。與。吾。族。
尙。無。密。切。之。關。係。惟。印。度。及。亞。西。諸。邦。爲。吾。民。族。西。來。所。經。由。之。地。域。以。此。較。彼。文。明。之。發。
生。孰。先。孰。後。此。吾。民。族。尤。不。可。不。注。意。者。也。

徵。諸。書。契。言。之。則。亞。西。文。明。之。發。生。實。當。中。國。虞。舜。時。代。西。歷。前。二。千。二。百。年。間。事。也。挪。亞。
裔。凝。叻。之。建。巴。比。倫。各。城。於。幼。發。拉。底。河。邊。時。代。亦。當。此。同。時。印。度。王。有。耶。提。雅。者。訓。人。民。
關。疆。土。文。學。禮。義。彬。彬。則。印。度。文。明。之。發。生。固。亦。同。此。時。代。然。則。亞。西。印。度。之。文。明。實。在。吾。
民。族。西。來。之。後。也。近。日。泰。西。考。古。學。者。有。謂。亞。西。諸。邦。之。建。設。當。在。紀。元。前。四。千。年。及。三。千。
年。前。則。又。在。中。國。堯。舜。以。前。時。代。包。羲。神。農。黃。帝。之。年。數。難。稽。攷。然。姑。據。緯。書。言。之。則。自。包。
羲。以。後。至。於。無。懷。凡。一。千。二。百。六。十。年。然。後。神。農。氏。起。自。神。農。至。榆。罔。凡。五。百。三。十。年。然。後。
黃。帝。起。自。黃。帝。至。帝。摯。凡。三。百。四。十。一。年。然。後。堯。起。堯。在。位。百。年。然。後。舜。立。則。由。舜。而。上。推。
之。至。於。包。羲。蓋。二。千。三。百。餘。年。亦。當。在。西。歷。紀。元。前。四。千。年。上。而。亞。西。諸。邦。之。建。設。亦。未。能。
古。於。中。國。也。嗚。呼。吾。族。之。文。明。其。必。自。西。來。始。發。生。可。知。也。僅。哉。吾。民。族。乎。偉。哉。吾。民。族。乎。

至於埃及文明之發生。亦當在亞西印度文明發生之時代。其王美內士教民稼穡。設職官。制文字。修法度。皆紀元前二千三百年間事也。近世泰西考古學者。謂在舍排斯古墳中。掘發古文書。乃紀元前三千年上物。其書多載道德格言。則埃及文明。又似不止發生在紀元前二千年止。然要其先後。亦不越中國包羲時代可信也。嗚呼。天地之運。不終樸魯。文明之生。必資地理。苟其民族。處乎溫帶之下。不爲大寒所傷。不爲大熱所饒。則其民族。必聽強得天然之文明。而人爲之文明。卽隨之發生。中國印度埃及墨西哥亞西諸邦。非皆地處溫帶者乎。其文明之發生。實天地使然也。嗚呼。今日條頓拉丁民族之文明。孰非原之希臘羅馬。而希臘羅馬之文明。又孰非原之亞西埃及者哉。西方歷史家。恆言曰。創造文明者。實東方之民族也。然而亞西埃及諸邦。則飄落無色矣。是豈創造文明者。不祥也耶。毋亦其民族。不求進步。既不能吸收外界之文明。復不能發達內界之文明。而遂日卽於淪滅耳。物競天擇。適者生存。慘哉。天演之淘汰也。吾願吾民族。深察乎文明所自來。而於內界思發達之。於外界思吸收之。母爲埃及諸邦之繼。則幸而已。則幸而已。

論革除迷信鬼神之法 錄乙巳二月初五日中外日報

中國之所以日卽於貧弱者。其原因非一端。而下流社會之迷信鬼神。實爲其一大影響。此

事原於宗教。成於社會。其來因至繁複而深遠。自古已然。於今尤甚。試一游中國全土。無論十室之邑。一廛之地。而歲必有迎神設醮之舉。糜巨資而不惜。經大亂而不改。且不特內地爲然也。海外各埠。但有華商僑居之地。亦必因仍故國之風。歷數十年如一日。近有胡君子春。特於吡叻壩羅埠會議。登壇演說。首倡停止迎神之議。並刊行其演說之詞。分寄各地。觀其所演之詞。謂欲去奴隸之根性。當先祛依賴之積習。探本窮源。抉摘弊害。所見信侷乎遠矣。雖然。一事之行。一俗之成。其初必與社會有密合之果。爲一世之所崇信。萬事之所根本。斯須而不可去。遂沿習以至於今。迨至世界進化而其民之程度不進。則大害立見。足以爲政教人心之慮。而愈以阻其進化之途。此卽中國迷信鬼神之現象也。今考其迷信之由。有原於政治者。有原於學術者。

中國上下之人。無不信術數者。而愚民尤甚。非術數之說。獨行於中國也。蓋世界之人。雖有智愚賢不肖之不齊。而欲富貴而惡貧賤。耽安樂而厭勞苦。固五洲萬國之人所同也。而一國之中。得保富貴而享安樂者。常居其少數。又五洲萬國之所同也。合天下之人心。以羣思。弋取其最少數之位置。而又適值此專制之政體。愚民之法律。任探圖之法。以取人才。憑穿窬之術。以覬祿位。天下之人。見夫同是人也。我則勞苦而彼則安樂。且此一人也。昔則貧賤。

而。今。則。富。貴。此。或。然。或。不。然。之。事。可。解。不。可。解。之。理。不。謂。之。命。運。不。得。也。且。術。數。與。鬼。神。在。古。固。分。爲。二。而。今。則。溝。合。爲。一。蓋。術。數。有。定。而。鬼。神。無。定。術。數。可。測。而。鬼。神。不。可。測。以。爲。無。定。與。不。可。測。由。是。禱。祀。之。說。起。崇。拜。之。心。生。遂。以。僞。爲。能。造。福。之。主。士。偶。爲。有。奪。命。之。權。此。其。信。之。有。素。持。之。最。堅。殆。非。筆。墨。口。舌。之。力。所。能。爭。也。

中。國。之。宗。教。行。於。上。而。不。行。於。下。故。至。今。日。惟。士。大。夫。間。有。學。術。而。農。工。商。賈。以。至。婦。女。則。無。之。所。謂。天。經。地。義。三。綱。五。常。之。大。法。惟。上。之。人。自。喻。之。而。下。之。人。初。不。瞭。然。也。此。無。量。數。不。學。無。術。之。人。其。智。識。極。短。其。生。計。極。艱。其。道。德。極。淺。薄。其。社。會。極。渙。散。使。無。術。以。靖。之。則。爭。奪。相。殺。之。事。日。起。而。天。下。將。不。能。一。日。安。靖。之。法。惟。恃。有。崇。奉。之。具。以。爲。依。歸。而。已。由。是。聽。天。由。命。之。說。起。而。鬼。神。遂。大。有。權。試。一。游。中。國。內。地。見。夫。窮。鄉。僻。壤。之。間。天。子。之。條。教。所。弗。喻。也。官。府。之。命。令。所。弗。及。也。而。惟。其。鄉。之。長。管。理。其。一。鄉。之。政。其。管。理。之。法。有。凶。荒。之。事。則。禱。之。神。求。神。之。庇。己。也。有。喜。慶。之。事。則。禱。之。神。謝。神。之。福。己。也。甚。至。有。關。繫。公。衆。之。事。則。請。於。神。而。決。之。有。得。罪。公。衆。之。人。則。誓。於。神。而。罰。之。蓋。儼。然。猶。一。神。權。世。界。之。時。代。焉。夫。如。是。則。封。神。傳。西。游。記。之。書。安。得。不。爲。下。流。社。會。之。聖。經。而。觀。世。音。姜。太。公。之。流。安。得。不。爲。下。流。社。會。之。教。主。也。

此第就其淺者而言之。而其從來之遠。沿習之深。已如此。今欲祛此數千年之積習。亦豈無術以處此乎。蓋今日之中國。其足爲全世界之主動力者。不外二種人。一曰下流社會。一曰兒童。而士大夫不與焉。下流社會者。現在世界占多數之人也。兒童者。將來世界可希望之人也。今欲爲天下之大事。惟有開通多數之人材。而培養此未來之人材。開通下流社會之法。演說之事。亦稍稍有功矣。而其尤要者。在全國中。普設蒙養學堂。使後來之人。去其依賴之根性。而免於爲奴隸之惡果。則我中國。其庶幾猶有希望乎。

商務印書館出版
歷史類教科書

學務大臣審定 **中國歷史教科書** 中學堂用

每部二册
價洋一元

本館編輯○學堂科目莫要於本國歷史此帙分爲七卷歷朝大事無不備載繁簡適當斷制謹嚴可爲現時中學教科善本

最新中國史教科書 高等小學堂用

每部二册
價洋四角

餘杭姚祖義編輯○上起五帝下迄兩宮回鑾下詔變法之日凡分兩册共二百四十課約十萬言文辭雅馴體例精當至敘述國朝事實立言得體無一毫時下靠張之習並附歷代圖表尤便檢查

國史初級教科書 高等小學堂用

每部一册
價洋三角

本館編輯○凡分三卷一上古史自太古至戰國一中古史自漢至隋一近古史自唐至今極要提綱有條不紊展讀一過可以瞭然於四千年來之大勢文詞亦簡潔名貴足稱史筆

學務大臣審定 **西洋歷史教科書**

每部一册
價洋五角

日本本多淺治郎著出洋學生編輯所譯○書凡六編首古代史二近代史三四五皆近代史六最近史條理井然首尾貫串每事皆摘舉綱要列爲款目尤便記憶地名人名均附注原文亦極查驗

商務印書館新編
初等小學教科書

最新

修身教科書

第一册
大洋一角

我國經傳多言修身祇以理境精深非幼童所能領會雖曰蒙養而實未嘗有所養也是書爲初等小學堂第一年前半年之用多取古人嘉言懿行之易於奉行者繪爲圖畫不著一字務令兒童見之不生厭倦教員就圖解釋涵養德性自能收效無形

最新

修身教科書教授法

第一册
大洋一角

依教科書編纂每課均註明出處詳列教法教員得此固便指示即家庭教育亦可採用較彼廿四孝陰隲文有益多矣

諭旨

二月二十二日至三月十二日

上諭長庚現在出差兵部尚書著鐵良署理欽此 上諭四川順慶府知府員缺著潘慶瀾補授欽此 旨誠全現在穿

孝所管正白旗蒙古副都統著黃永安兼署欽此 二月二十二日

上諭載澤等奏 景陵隆恩殿被災一摺 寢殿重地宜如何小心守護該大臣等疏於防範實屬咎有應得載澤壽

全壽陞阿均著交該衙門嚴加議處其因何失火情形著派趙爾巽鐵良敬謹查勘並將承值之官弁兵役人等提同嚴

訊從重懲辦欽此 旨內閣中書著文陞補授分發江淮道李國瑞廣東道周學淵直隸道張鎮芳江蘇道殷應庚浙江

道雷心仁浙江知府楊毓璋江西知府錢崑湖南知府周壽祺雲南知府謝宇俊吉林同知謝汝梅直隸直隸州知州厲

葆青山東直隸州知州吳員孫河南知州蔣懋熙奉天知州忠林浙江通判張祖陶江蘇通判黃熾祥安徽通判麟厚直

隸知縣銘彝姚晉中山東知縣承蔭王承業陳衍昂山西知縣戎良翰元愷河南知縣金治良王程麟江西知縣王善來

鄭式岐湖北知縣郭寶新湖南知縣董昌達馬瑞蘭四川知縣秦祖烈鄒鼎祺俱照例發往廩生魁登著以文職用麒麟

著以文員用惠芸著以旗員用瑞祥著以侍衛用截取刑部郎中丁體晉內閣中書馬士杰俱照例用特用直隸直隸州

知州葉嗣高著照例用擬補黑龍江通肯驛站官景昌著准其補授擬補長蘆批驗所大使陳應絳著照例用開復湖北

試用知縣麟瑞著准其開復原官仍發原省照例用戶部員外郎著慶奎補授盛京戶部主事著麟輪補授盛京刑部主

事著多倫布補授翰林院孔目著崑補授吏部額外主事石雲星著准其留部擬補吏部筆帖式文良清貴俱准

其補授欽此 二十三日

諭旨

十七

乙巳

上諭郭曾忻現在請假所署禮部右侍郎著李昭煒暫行兼署欽此 二十六日

上諭慶福奏假期屆滿病仍未痊懇請開缺一摺奏甯鎮總兵兼總管內務府大臣慶福著准其開缺欽此 三月初二日

上諭奏甯鎮總兵兼總管內務府大臣著希廉補授欽此 上諭直隸永定河道著毛慶蕃調補陳夔麟著調補湖北刑

宜道欽此 上諭誠勳奏特參庸劣不職各員一摺安徽縣知縣李有集庸闇無能罔知治理貴池縣知縣張炳耀不

知振作遇事顛預現署全椒縣知縣陳贊平審案糊塗辦事輕率欽縣知縣鄧瑜嗜好甚深委靡不振前署含山縣候補

知縣萬祖恕侵用公款取巧粉飾前署五河縣候補知縣陳宗謨與造學堂藉端浮冒均著即行革職本任蕪湖縣現署

旌德縣知縣沈祖懋才欠開展不勝煩劇著開缺另補候補知州葉國華特才任性辦事於張著仍留省以縣丞降補以

示懲儆該部知道欽此 初三日

上諭升允著調補陝甘總督閩浙總督著崧蕃調補欽此 初四日

旨本月初九日所有進內奏事當差之王公百官均著穿蟒袍補褂欽此 上諭江西南贛鎮總兵何明亮著即開缺蔣

雲龍著調補南贛鎮總兵浙江處州鎮總兵員缺著邱開浩補授欽此 初五日

旨廕生澤華著以文職用與需著內用黃元頤著外用斌魁著內用呂敬敷著外用朱方飴著外用楊蔚文著內用陳鴻

銓著外用張秉銳著外用于翰宸著內用國子監監丞著林棟補授陝西延安府知府著愛星阿補授浙江台州府知府

著張西園補授四川茂州直隸州知州著李文晉補授山東平度州知州著馬恩齊補授安徽太平府督運通判著者明

忠補授廣東茂名縣知縣著黃樹榮補授安徽五河縣知縣著徐日昌補授福建歸化縣知縣著羅駿聲補授河南林縣

知縣著廖學沂補授山西石樓縣知縣著周宗頤補授福建尤溪縣知縣著招起陞補授陝西沔縣知縣著王聲揚補授

截取舉人屈彥鈞著以知縣用鄭培放著以知縣用陳鍾蟠著以教職用鄭祖庚著以教職用俞秉文著以教職用陳鍾芬著以知縣用鄧起元著以知縣用楊梯青著以教職用宋肇常著以知縣用張啟元著以知縣用倬滿教職孫閱禱著以教職用戶部筆帖式著增續補授太僕寺筆帖式著延昌補授理藩院筆帖式著清霖補授截取工部郎中汪朝模著照例用保送直隸州知州戶部主事陳星庚著交部記名以直隸州知州用奏留吏部候補主事榮海關家麒俱准其留部分發安徽補用同知樂壽著照例發往保舉浙江候補知縣蔣蔭方著照例用開復同知銜前湖南補用知縣沈祖憲准其開復原官原銜仍留原省補用欽此 初六日

上諭四月初一日孟夏時享 太廟朕親詣行禮 後殿派廷杰行禮東廡西廡派延康黃永安各分獻欽此 上諭四月初七日常雩大祀 天於圓丘朕親詣行禮四從壇派銘勛德壽恩輝承蔭各分獻欽此 初七日

上諭前據載澤等奏 景陞隆恩殿被災當經諭令趙爾巽鐵良前往敬謹查勘茲據查明覆奏火起自上別無可疑形跡惟隆恩殿係敬謹供奉神牌重地無故被災覽奏實深悚惕各該員等職司守護殊非尋常疎忽可比章京奎連承緒均著即行革職從寬發往軍臺効力贖罪總管若麟翼長春林慶善均著即行革職內務府員外郎烏爾袞副管領博爾賀圖委副內管領濟爾福塔均著交該衙門嚴加議處郎中連璧主事博爾莊武奮不顧身將神牌全行請出著加恩免其議處員外郎慶齡內管領景星救護出力均著從寬交該衙門照例議處拜唐阿增福官倫領催志誠羣山均著斥革餘依議嗣後該大臣等務當督飭各員益加勤密防患未然以昭慎重所有應修各工著派鹿傳霖趙爾巽敬謹預備該衙門知道欽此 上諭御史阿查本奏稱山東商人李遇龍擬立公司建造京張鐵路願將餘利報効等語鐵路要政關係甚重該御史敢為商人具奏代請希圖漁利實屬荒謬膽大阿查本著交部議處原摺著擲還欽此 上諭浙江湖

諭旨

二十

四月

州府知府員缺著李念茲補授欽此 上諭前因籌辦捐款迭經諭令不准巧立名目苛細病民近聞各省辦理學堂工廠諸事仍多苛擾甚至捐及方外殊屬不成事體著各該督撫飭令地方官凡有大小寺院及一切僧業產業一律由官保護不准刁紳蠶役藉端滋擾至地方要政不得勒捐廟產以端政體欽此 初八日

上諭昨據趙爾巽鐵良面奏 景陵隆恩殿工程業已勘估大概並請將各陵守護章程酌量變通及歲修工程亦須擇要早辦以昭鄭重等語此次隆恩殿要工即著責成趙爾巽鐵良敬謹承修所有變通東西陵守護章程及歲修工程並著趙爾巽鐵良妥議具奏庶傳霖即著毋庸估脩崇壽李紱漢並著毋庸查勘欽此 十一日

上諭毓朗著補授內閣學士兼禮部侍郎銜欽此 旨連魁著賞給副都統銜作為科布多參贊大臣照例馳驛前往欽此 旨續紅旗漢軍副都統著壽勳補授欽此 十二日

商務印書館出版
格致類教科書

最新中學生理學教科書

洋裝布面每册
售價大洋一元

委定中學堂章程第三年第四年課程均有生理學一門本館覓得美國史砥爾新著原本淺顯易明切於實用條目清晰圖畫精良特倩名手譯為漢文全書二百七十餘頁共附圖八十五幅內有彩色圖三幅尤為精

最新中學物理學教科書

洋裝布面每部一册
售價大洋二元

英儒巴克爾謂進化之功蓋學居十之九而政教之力不與冒哉是言今欲開吾國民智非人人稍通格致之理斷無實益是書為美國最新教科之本本館特聘素精格致之謝洪賓先生譯為漢文理明辭達得未曾有全書共五百餘葉為圖四百八十有八誠格致書中之大觀也各省書莊均有發兌

中學物理學

力學一册 價洋一元
熱學一册 價洋七角

我國所譯物理學以製造局所譯之物理學上中下三編為最詳然專門科學之書非教科之本是書為新會伍昭展先生編輯先生留學美國大學有年稍通理化蒐羅西國名家著作纂譯成編陸續付印圖畫精美為學堂教科善本而搜羅宏富就解詳明尤為專門家參考所必備○磁學現已付印不日出書

商務印書館新編
算學類教科書

洋裝布面
共兩大册

中學
代數
堂用

每部定價
二圓四角

代數一術為格致底理中學要科舊有譯本非缺而不全即繁而寡要且閱時已久其法未免陳舊本館特請山陰謝君洪資取美國最新中學教科之本纂譯是書綜其專長凡有三事簡要不煩完備無缺一也起手合法引人入勝二也設題新穎習之多趣三也刷印鮮明洋裝精緻猶其餘事各處學堂及有志獨修者試取用之

高等學堂用

微積學

微分積分術為算學上乘吾國習算之士久已講肄嘗苦書籍之寡不足以資研究美國績學士潘慎文先生前著八線備旨代形合參二書久受學界歡迎今復纂譯此編付本館印行以備高等學堂教科之用其書價值無待贅述卷首論微積學源流可補嗜人傳之遺末卷以微積推科學要題為最新最捷之法各學堂及自修之士均當奉為寶笈也精印西裝布面金標全部一册定價一圓六角

商務印書館出版
算學類教科書

學務大臣審定
普通珠算課本

無錫薛芬室主人編輯○珠算在尋常日用中最為便捷但歸除之法亦頗奧妙不善學者往往徒勞無功是編彙集各種口訣詳細解釋無論何人一閱便悉誠珠算之津梁也

每部一册
價洋一角

初等
筆算教科書

全部五册

本館編輯學堂教科書次第出版以國文及算學尤為小學堂所注重故亟印備用是書由陽湖徐君雋彙集經日本教育家小谷重君長尾橫太郎君校訂其程度按照 奏定小學章程并東西各國成法按年分級全書五册備小學五年之用書中前二册兼實物各圖以引起兒童興味

定價

一册 洋一角五分
二册 洋一角五分
三册 洋二角
四册 洋二角
五册 洋

初等
算科教科書教授法

全部五册

是書專為教習者實際教授時所用無此則教授時必枯寂無味亦與前書相輔而行

定價

一册 洋二角五分
二册 洋二角五分
三册 洋三角五分
四册 洋三角五分
五册 洋

新出
數學教科書

每部兩册
價洋三角

小學校數學教科書向無善本間有一二非失之繁冗即嫌於徒觀教育家憾焉本書館按照小學程度精心編輯庶有盡有最便實用

商務印書館出版
地理類教科書

學務大臣
大瀛寰全志
中學用

洋裝每部一冊附瀛寰全圖一冊
價洋一元八角

全英學館編輯○輿地之學向矣而足備學堂教科之需者尚未之見本館特聘名宿搜集東西輿地學大家所著地理佳本精心翻譯竭一年之力始成此書以備中等教科之用文筆條暢校對精詳末附中西合璧名表洵屬完全無憾並向日本定製銅版圖畫數百幅插印卷內精緻美觀尤彰照人 總理學務大臣 審定評語曰蒐輯精審詳略得當可為是書真評

萬國地理新編
高等小學用

每部一冊
價洋四角

懷甯陳乾生編輯○凡分六編首全球總論次亞洲次歐洲次非洲次澳洲次美洲凡疆域氣候政教風俗民情物產紀載明晰綱舉目張文詞雅雅簡易解選用地名皆沿舊稱絕無近日譯本新奇駭怪之弊以供小學教授最為合宜

日本政治地理

每部一冊
價洋七角五分

日本矢津昌永著秀水陶銘譯○凡分七編一國土二人民三邦制四經濟五交通六生業物產七外交別具組織新義獨標專限於日本然可以為新學之指南也

內務

軍機處改制私議 節錄乙巳二月初四日時報

政府者。一國出治之本原。而政治機關之樞紐也。今地球各國。組織政府。大抵命一首相。而分置司法財政兵農等各大臣。相助爲理。原其命意。蓋知天下之事。宜有專屬。然後能處置精詳。而以首相總其大綱。則君主更可不勞而理。所謂君主無責任。君主神聖不可侵犯。互見爲義。立憲之精義。固如是也。中國自古相沿。多立首相。而六部之職。亦能獨立。不爲政府把持。自明廢首相。權歸閣宦。本朝因之。天子總攬大權。國初之內閣。已如贅疣。稍得參預政務者。乃在南書房翰林之類。實亦供繕校之役而已。逮雍正時立軍機處。始稍有政權。然世廟英明。初不授柄臣下。張鄂專政數十年。劊劊如畏。亦不能有所獻替。純廟時得專政柄者。亦三數滿人而已。如汪文端之流。乃至以工書充數。其不足重輕可想。然自兵燹以後。政府之權突重。時適重用漢人。故遂有以漢人而專政柄者。亦時勢變遷之一大關捩也。惟軍機處大臣。例雖設四五。而實權常在一。人轉與古之立首相者相類。且六部之職。亦常聽其指揮。雖權力未必果專。而聲勢轉形增大。自是論事者。遂不得不歸本於政府。措注之善。

內務

四十九

乙巳

否。以。爲。功。過。之。衡。而。內。政。外。交。皆。常。爲。指。摘。之。的。矣。吾。嘗。考。諸。大。臣。辦。事。之。情。狀。天。下。機。務。無。不。受。成。於。軍。機。處。諸。事。叢。集。應。接。不。暇。大。抵。遇。有。一。事。衆。人。例。略。商。議。而。必。惟。主。權。者。是。從。其。定。議。也。俄。頃。之。間。其。奏。對。也。倉。皇。之。際。於。事。理。未。必。協。也。處。置。未。必。當。也。幸。而。俞。允。則。鹵。莽。滅。裂。人。不。得。以。議。其。非。不。幸。而。上。不。以。爲。然。又。從。而。敷。衍。遷。就。之。則。歧。而。又。歧。往。往。有。流。毒。天。下。貽。笑。全。球。而。不。覺。者。夫。以。天。下。事。務。之。繁。曠。卽。使。聰。強。睿。智。亦。或。容。有。失。宜。況。中。國。貴。賤。之。差。幾。與。愚。智。之。差。爲。反。比。例。又。安。怪。其。動。輒。得。咎。哉。是。政。府。之。失。職。固。由。不。得。其。人。亦。組。織。之。不。善。有。以。致。之。也。位。高。情。隔。助。寡。權。專。君。子。難。以。有。爲。小。人。必。致。敗。事。方。今。時。局。日。棘。誠。欲。變。政。則。不。得。不。於。此。至。要。之。樞。紐。先。謀。改。良。夫。政。府。猶。綱。領。也。綱。領。旣。順。然。後。可。振。綱。挈。裘。獨。怪。今。日。政。論。紛。紛。曾。未。有。研。究。及。此。者。是。以。不。揣。固。陋。條。其。所。見。如。左。

一。正。名。軍。機。處。實。中。國。之。內。閣。也。軍。機。大。臣。卽。大。學。士。也。旣。有。軍。機。又。有。內。閣。於。名。爲。重。旣。爲。內。閣。而。稱。軍。機。於。義。爲。悖。按。軍。機。處。之。名。起。於。雍。正。用。兵。西。北。時。沿。今。未。廢。宜。卽。併。歸。內。閣。更。正。其。名。嗣。後。不。得。視。若。閒。曹。凡。聲。望。才。調。足。以。勝。軍。機。之。任。者。卽。授。爲。大。學。士。入。閣。辦。事。

一。辟。屬。軍。機。處。所。有。章。京。初。時。本。由。大。臣。私。攜。隨。從。以。供。撰。繕。其。後。始。奏。聞。增。置。員。數。近

年續增至四班之多。然凡以書寫論稿奔走承諾而已。政事不得與議。與政界毫無影響。夫以軍機贊襄萬幾之地。乃無一僚屬參佐其間。獨斷獨行。甯非異事。考各國內閣之下。多立局屬。官佐甚繁。既便咨詢。又資補助。故官無廢事。事無失機。今內閣官制。誠欲改良。必先多置屬員。略定總綱。分爲數局。遇有關於某局之事。先令屬員詳議。由諸大臣決定。奏聞其屬員之長。須以學術優裕。素有名譽者充之。官職不必拘定。每局之內。另置員屬若干。承局長之命令。分任調查檢察各務。其俸給須視現在之章京。概從加厚。此種職員。有評議之責。而無實行之權。其職任較現在之章京爲尊。至現在之章京。仍應留存。以供撰繕之用。惟皆應補爲實職。方與歸併內閣之事。不相違背。所有各局員屬。並應由 上特簡。不得沿前考試之例。專取文藝以杜濫竽。

一優禮 古之三公。坐而論道。軍機尊視三公。而乃長跪奏事。何古今之相逾越耶。夫恆人精力。日僅可勞動八小時。而休息睡眠各八小時。今軍機大臣。例以寅正入值。天寒雨雪。已非中年以上者所能堪。加以徒步長途。一至殿廷。卽行長跪。動逾一二時之久。當此之時。精神奮亂。筋力拘攣。卽有嗜吝。何能從容論對。及乎下值返寓。酬應紛繁。又安得優游澄澈。一思社會之情狀。國家之預計者乎。於天下事。既靡有定見。於是每遇一事。摘埴冥行。否則伺

上之意旨以爲否決。其顛倒錯亂。夫復奚疑。夫政府重任。天下人民所託爲命者也。而其情狀如此。雖大抵不肖。亦有逼之使不得不然者矣。故欲政府之稱職。必當令其從容鎮定。平素能研求天下之利弊。然後可因應咸宜。奏對時意氣可以發舒。然後條辯詳明。獻替皆能曲當。雖古道不能遽復。然不妨令諸大臣皆爲立談。並將入值之期改爲午前八九時。頃庶精力不虞困乏。而餘力可以有爲。諸大臣不必震越。天威亦得暢所欲言。天下事可以從容商榷。夫軍機處古之相也。古之於相。何等優禮。豈有寄以天下事而辱之如此者。亟宜改正以示天下。況有如上之極大關係在耶。

一增俸。軍機大臣年受一品之俸。才數十兩。養廝僕且不足。欲勵其廉恥。不可得也。比來收受餽遺。已成慣例。然非加增俸給。則責之無辭。如改定官制。則此舉亦誠要著。

以上四條。不過舉其樞略。軍機爲行政之總筭。千條萬貫。悉與關連。欲改軍機。又有他項不得不先改者。即變甲必先變乙之說也。應改之事。一爲六部權限。宜明如出入款項。宜統歸戶部。他處不得干涉。舉措人才。統歸吏部。他處不得干涉。然後秩序顯明。可以專責成而資助治。不然。如今日所爲。萬緒千端。悉歸政府。決無此才力可以整理也。一爲整頓政務處。政務處宜改爲監察政府行政之所。另派大員司之。如行政有失。准其封駁。此大員之職位。應

與軍機大臣相當。庶以防政府之過專。而補其闕失。如是則政府責雖重而易勝。事雖繁而易效。非甚不肖。將不至有流毒天下。貽笑全球之事也。蓋假以自由及互相箝制之效。然也。此事條理甚多。限於篇幅。未能具陳。撮其大略於此。

論俄國立憲之風潮及無政府黨主義 錄乙巳二月十三日時敏報

拿破崙遺言。真正共和政體。將自俄羅斯創之。今其言將驗矣。俄國民黨。要求立憲問題。凡有國家思想者。無不望其勝利。雖然。吾爲俄國前途。祝則立憲問題之不必成。而尤祝俄政府之虐待民黨。

夫吾之爲是言也。可謂駭人聽聞。而失大衆之同欲者矣。雖然。舊政府不仆。則新政府不立。專制之君主不去。則民立之憲政不成。故雖如英國之察德使黨。日本之立憲改進黨。其主義皆願和平改革。然皆乘威廉第四之去位。德川幕府之既覆。而後憲政之機乃始萌芽。非奔走駭汗。要求於專制鞏固之君主而得之者也。俄民之要求立憲。不自今始矣。一千八百五十四年。苦利米亞之戰。兵敗地亡。納葛拉發憤以死。全國騷動。於是自由愛國兩黨並起。要求政府立憲。欲得裁制官府之權。亞力山大第二順其潮流。於一千八百六十一年。略改舊政之不利於國者。凡五端。一審判之權。不得屬於行政各官。設法院。設律官。設陪審員。二

立地方行政部。使邑民農人選舉會員。爲自治辦理而免政府之阻抑。三撤彼得堡莫斯科書報檢稿局。他處則否。而仍禁抗論朝事。犯成憲者。四立公學校。以新法教育。五采普魯士軍制。人人當兵。而減二十五年之限爲短期。亞力山大第二之變法。其許於民者如此。而俄民之要求於上而得之者。其成效亦如此。雖然。未幾而波蘭之事起。國家統一之論興。專制政體復完。而新政遂煙銷迹滅矣。嗚呼。此俄國。民黨要求於政府。調停許可之前事。其明效大驗如此。其昭著者也。然則俄民亦何樂而蹈昔日之覆轍而成今日之舉動也。

去年陽歷十一月十九日。俄國新內務大臣。以皇帝之命。召集全國三十四省地方議會之議長。於聖彼得堡。將對於地方行政問題。有所諮決。各議會遂利用此時機。開一聯合會議。決定法案十二條。建議於政府。且謀以實力行之。其大略云。朝廷命吏。所有過舉。當使之負民事上及刑事上之責任。平民之身體及家宅。有神聖不可侵犯之權。政府當認之。不能任意闖入逮捕。信仰自由。結社自由。出版自由。集會自由。政府當認之。且爲實際的保障。凡俄國全國人民。其所享公權私權。悉皆平等。改革地方議會。擴張其權限。且立一堅定遠大之基礎。又以此決議。當得保證。以期實行。於是乃要求開設國會。其決議文曰。本會願一國之主權者。案即指皇帝以國民代表者之贊翼。決定國是而革新之。務使主權者與國民互相協力。

以共圖國家之發達。以此之故。故切望主權者予國民以自由選舉之權。使出代表者。而每年召集之。以確定立法之基礎。

自有此決議。而俄國全國人民。奔走於此問題者。洵洵不止。其後自由黨決議三條。莫斯科市會決議四條。大率皆表同情而已。乃未幾而聚眾至十八萬五千餘人。同叩俄皇冬宮。要求變政。則其勢始大矣。又未幾而槍擊民黨。下詔搜捕矣。雖然。邇者又聞俄皇允許整頓政務。而釋放諸黨人矣。夫以俄羅斯之現象。觀之立憲問題。無論要求而不得。即得矣。其究異於亞力山大第二之變法。幾何。吾蓋敢決其無以異也。

俄民不幸而有彼得之變法。改服色。更制度。興海陸軍。以鞏固其專制之基礎。又不幸而有亞力山大第二之變法。改田制。釋農奴。平戢民氣。而復行專制之手段。俄民憔悴於虐政。灑血糜肉。乃迫而有今日之要求。則視其舉動。何如耳。夫俄之專制。達於極點。一反手間。便當傾覆。今海軍大挫。旅順已降。其失利於日本。比之苦利米亞之敗於三國。喪氣殆萬萬。俄之民何愛於政府。而要其立憲。俄之政府亦何懼於民。而不姑予以立憲。則方用其擊龍搏虎之故技。或予之。或奪之。或捕之。或釋之。或殺之。或生之。摧抑民力。解散黨與。少示改革。徐而保其無上之威權。為俄政府計。孰有便於此者。為俄之民計。亦孰有失於此者。故吾懼其

內務

五十五

乙巳

立憲之請願成而專制之政體益固也。日者俄皇撥國帑五千鎊恤孤兒寡婦爲所以弭亂市恩之舉以嘗試民黨嗚呼願俄之民黨舉動何如耳願俄之民黨舉動何如耳。

吾極不解立意問題之忽起於俄國忽起於俄國之多數之民黨是真匪吾所料矣何以故俄之民無大無小無貴無賤無老無幼無男無女其醉心於那愛翁利德德譯音居大多數故故專制之與無政府乃一反比例於反比例之兩端而生一比例差則今日之要求立憲是也夫天下事物相反則易相成吾嘗謂必由專制之階級而達於無政府之地位而後共和政體之真相乃出而世界乃真太平故俄之無政府黨必不樂有立憲以爲之障礙而反樂有專制以爲之鼓吹蓋理論然也。

今日俄民要求立憲吾敢決其非俄民大多數之目的所在實無政府主義之第三級而爲公然破壞之舉動耳何以故無政府主義進化之次第其第一級則一千八百六十九年爲自由之評駁第二級則一千八百七十五年爲均產之紛擾自此以降爲第三級而構一恐怖之變革今日適丁其時故。

危哉俄民殺機愈構而愈急壯哉俄民太平愈卽而愈近也亞力山大第二變法中止其時國民絕望於政府之改革結密會以圖維新而尙不願爲流血作亂之舉也迨政府之壓力

日重。則民力之潛勢日深。乃共爲厭世論之學。都固內甫箸書。名其派曰那愛翁利德。持破壞之論。以虛無爲宗旨。譏宗教。侮政府。誚愛戀室家之人。當時言論風尚。爲自由之評駁。未幾而恰臘古索刺俄皇。全國震動。政府頒諭禁絕有害國家之言論。而民黨紛紛去國矣。是爲無政府黨之第一期。

流亡異國之士。心醉均產之說。輸入俄國。有賴武羅甫者。欲獎勵國人。爲財政中和平之改革。以教育入手。爲書勸英。推力勤齊阿。譯音下伍齊民。於是學生少年女子。各結會黨。密布於勞工農民之間。日光蘸面。松脂塗手。熬黑膚體。以匿其狀。與羣氓談話。暗刷書籍。遍布教之。蔓延數省。政府既有所聞。迅起掩捕。死者七百七十人。監禁者二百六十五人。事在八千八百七十九年密會以和平計策之無效也。又復設法激動農民。起求平分田土。於是農民蜂起爭擾。政府下令搜捕。受罰者又一百九十三人。事在八千八百七十八年而均產之紛擾卒無效。是爲無政府黨之第二期。

民黨屢謀不成。且遭囚殺。知專制政府之下。非平民得而置議。於是棄其均產之說。而爲暗殺之舉動。自一千八百八十年。至一千八百八十四年。擊顯官者六。擊警察長者四。殺偵吏者九。而民黨之被逐者三十一人。斃於獄者八人。自戕者三人。而其最大之目的。則謀刺俄

皇亞力山大第二事在八十一千八凡四舉而後得達。蓋至於今。則爲恐怖之變革矣。是爲無政府黨之第三期。

由是觀之。其第一期。則無政府之言論時代也。其第二期。則無政府之運動時代也。其第三期。則無政府之暗殺時代也。其風潮所激。愈趨愈大。其願望所極。愈推愈遠。故由其狹義言之。則無俄國之政府。由其廣義言之。則並無世界之政府。其主義之結果。今尙未知成敗如何。然足以奪暴君汚吏頑錮無恥之流之魄。則固可信也。今日俄民欲求達其目的者。狹義的主義。其必不肯有所要求。亦必不願止於立憲。有斷然者。雖然。世界之進化也。必有無窮阻力焉。而有阻力。卽有動機。專制政體者。製造無政府黨之動機者也。

日人幸德秋水曰。吾今且不必論無政府主義之是非與利害也。但不解彼等何以忽主張此激烈主義。伸縱此暴惡手段。是必有一大有力之動機焉。驅之推之。而後然也。有力之動機者何。則彼等對於今日之國家社會。絕望焉故也。噫哉其言。眞無政府主義之知己矣。今世界專制之國。以俄爲最完備。而無政府卽其產兒。往者虛無黨在聖彼得堡附近。夜開大會。討論政府之方策。決議案共有十條。其第四條曰。對於政府之暴戾官吏。以暗殺處分之。嗚呼。幸德秋水又有言。全球大陸之人民。無政府黨殆居六七。而彼俄羅斯國民之投身於

其黨者。不啻全國人民十之四五矣。使彼十之四五之無政府黨。發此宏願。以對待於其暴戾之政府。吾不知政府何以禦之。又使全球大陸人民十之六七之無政府黨。發此宏願。以對待於其暴戾之政府。吾不知政府又何以禦之。嗚呼。彼無政府黨人始亦一言論耳。言論而無效。則運動耳。運動而亦無效。則遂迫而爲暗殺矣。吾繹其夜會決議之第四條曰。對於政府之暴戾官吏。以暗殺處分之。則既明明別官吏與政府而二之矣。則既明明別官吏之爲暴戾者而後暗殺之矣。悲夫。無政府黨之舉動。則作亂流血之舉動也。無政府黨之用心。則固非作亂流血之用心也。以彼對於暴戾之政府之官吏如此。則其於政治界上進化之動機。不得謂無巨力焉。嗚呼。二十世紀之斯拉夫民族。其真可畏者哉。其真可畏者哉。

雖然。今日俄國立憲風潮。其影響及於亞東。則聞戴侍郎條請臣工議政矣。則聞四川留學生入京運動立憲矣。嗚呼。吾國之自視也。無甯視人俄國立憲問題。與無政府黨其結果。何如吾敢決之曰。立憲必不可要求而得。則固然也。俄皇將行亞力山大第二之政策。則固然也。無政府黨必不肯要求立憲。則固然也。雖然。其結果將何如。吾敢直決之曰。俄國有此民黨。終創一真正共和政體於二十世紀之斯拉夫民族。則固然也。嗚呼。吾爲俄國前途。幸則吾正爲我國前途。望爾。

政務處覆奏蘇省裁改職官摺

光緒三十年十一月十八日准軍機處抄交署兩江總督端方等議裁官職籌議辦法一摺奉 硃批政務處吏部議奏欽此查原奏內稱江安糧道已無辦運之責衛所屯糧亦經裁歸各州縣清查征收所事尤爲清簡查河南省即以鹽法道兼管糧務江甯現有鹽道似可援照裁併擬將江安糧道一缺卽行裁撤所有該糧道管轄漕務一律併歸鹽法道兼管糧道庫大使一缺應併改隸鹽糧道管轄毋庸裁撤此外同通各缺均請一律免予裁撤至應行更置各缺不能不與時變通分別移駐廉俸自可照例支給毋庸更張其移駐後一切事宜容再督飭司道悉心經理各等語臣等查該署督因江安河運停辦屯衛全裁糧道事務簡少遂爲裁併之議惟查該道向同兩江總督駐紮江甯省城所有重要局差近年多委該道經理不僅專管運衛現在時艱孔亟交涉日繁該督兼綜洋務鹽務練兵籌餉諸大政亦須多有實缺大員遇事籌商用資贊助陝西湖北湖南糧道先後裁撤以同城司道較多事務之煩亦均非兩江可比今若遽將江安糧道裁併則該省城實缺司道僅有兩員藩司本統治地方鹽道又兼理關務管領均煩是各局所皆將委之候補各員資望過輕殊不足以資表率該糧道一缺自應仍舊設立以重地方該署督所請裁併之處應毋庸議至原奏內

所請將蘇州府海防同知一缺移駐太平洲改爲太平廳撫民同知蘇州府管糧通判一缺移駐洞庭西山改爲靖湖廳撫民通判係因該兩處距所轄縣治較遠戶口繁庶匪徒出沒征糧緝捕均多不便須設專員撫治青浦縣主簿移駐黃渡鎮荆溪縣主簿移駐梧桐山亦爲因地制宜起見擬請照准廉俸等項仍舊支給其餘一切未盡事宜應由該省督撫查明奏咨辦理謹 奏奉 旨依議欽此

吏部奏遵議知縣參革遺缺變通敘補摺

內閣抄出調署江蘇巡撫端方等奏稱知縣參革一項定例專用軍功候補人員歷經循照辦理迄今軍營著有勞績人員現已無多近年到省者尤屬寥寥無幾蓋精明強幹之員大半敘補殆盡其未經補缺者或年力漸就衰頹或才具不甚開展若不設法變通誠恐無裨治理嗣後遇有缺出先儘軍功勞績候補人員補用如其人地不宜卽於進士卽用進士截取舉人大挑三項人員酌量抵補似於例章無甚出入而人才藉以奮興等因光緒三十年九月二十日奉 硃批吏部議奏欽此欽遵抄出到部查定例各省知縣如遇參革遺缺係專用軍功候補人員應將軍功候補班人員與軍功候補報捐本班儘先及報捐本班儘先人員合爲一班由該督撫酌量請補今據該撫奏請設法變通係因爲地擇人起見自應

准如所請嗣後該省遇有參革遺缺出時先儘軍功勞績候補人員補用如其人地實在不宜卽於進士卽用進士截取舉人大挑三項人員內酌量抵補到任後仍令該督撫隨時察看如不勝任再行撤回更補如此量爲變通與各項班次均無窒礙如蒙 俞允應由臣部通行各省以奉 旨後第五日行文按該各省照限減半計算以接到此次咨覆奏奉 旨後下月所出之缺卽照此次奏定章程辦理謹 奏奉 旨依議欽此

吏部奏漢文武廕生請免考試摺

查定例漢文武廕生廕監生年二十歲以上文職查照題廕年月武職咨查兵部題廕年月有無事故吏部彙齊二三人奏請 欽點大臣考試以古論時務等策秉公閱卷定其甲乙恭呈 御覽其文理優通議論明暢者交吏部帶領引 見照伊等銜缺分別錄用若文理荒謬者發回本籍讀書三年後再行考試等語臣等詳繹例意原以此項人員旣荷 朝廷恩施予以出身又必詢事考驗其才學立法本甚善也惟相沿日久此項考試已成具文及帶領引 見時仍按品級大小照例辦理並不以擬取等第先後爲衡且查宗室滿洲蒙古各廕生年二十歲以上者咨送臣部帶領引 見恭候 欽定錄用並無考試之例同一廕生而滿漢辦法不一似宜量爲變通以歸簡易臣等公同商酌擬請嗣後漢文武廕生

年二十歲以上者文結到部臣部即比照滿蒙廢生之例免其考試隨時帶領引 見分別
內用外用照例擬 旨恭候 欽定錄用其例不引 見各員文到之後分別掣簽註冊悉
照定例辦理謹 奏奉 旨依議欽此

山東巡撫雇用德員司肯多福充當辦事隨員合同

大清總辦山東洋務局遇缺題奏道潘奉山東巡撫部院之命雇訂德員司肯多福充當辦
事隨員所有合同條款開列於左 第一款現在東省舉辦路鑛巡警洋務商務等要政撫
帥以司肯多福堪以雇充辦事隨員司肯多福情願受雇一切照合同辦理 第二款所辦
之事以路鑛巡警洋務商務為最要如此外遇有司肯多福力能辦到之事一經撫帥委派
即當盡心竭力為之不得故意推託 第三款辦事隨員受撫帥節制並受總辦大員節制
如辦路鑛以撫帥所委路鑛總辦為上司辦巡警以撫帥所委巡警總辦為上司辦洋務商
務以撫帥所委洋務商務總辦為上司其總辦以下各員均係平行遇事和衷商榷如遇撫
帥及總辦派與司肯多福會同辦事之委員尤應和衷商榷凡因查辦第一款內所開舉辦
各事至外府州縣所見地方官無論官職大小均不得稍涉傲慢 第四款司肯多福既為
山東辦事隨員遇有派辦前項事件即應在中國國體上利益上悉心籌畫不得有絲毫損

失如有欺飾應由撫帥及總辦大員隨時撤退 第五款自訂立合同之日起每月薪水銀元二百元並發夫馬銀元五十元以爲出差川資均在西歷每月第一號發給不得提前預支亦不得別有需索 第六款此合同以一年爲限如彼此願意再留卽照此續訂合同如經撫帥及總辦大員辭退或該員自願回國應給川資銀元五百元倘司肯多福有不妥之處由撫帥及總辦大員撤退卽不給川資或該員另就他事不回國亦不給川資 第七款如司肯多福患有病證由學成西醫之華官爲之診治無須司肯多福出資若欲告假就醫則醫藥盤川均應司肯多福自備其往返在三箇月內薪水夫馬暫不停支以示體恤倘逾三箇月卽行停支 第八款司肯多福旣爲撫帥辦事隨員應在省城內外自租住房一所每月付租價三十元交司肯多福自行租屋至住房內一切家具一切陳設及飯食僕役等項均應該員自備 第九款司肯多福旣歸中國雇用無論何國遇有軍務不得託故告假凡中國一切機宜並秘密軍情及有關緊要者均不得洩洩 第十款此係彼此訂明兩相情願非國家交涉公事可比如有意見不合不得向本國政府及駐京公使或領事處訴求干預 第十一款訂立合同同時繕就華文兩分呈撫帥批定後彼此蓋印畫押各執一分以後如有爭辯以此華文合同爲證 二品頂戴總辦山東洋務局遇缺題奏道潘 德國男

爵山東撫院辦事隨員司 欽命頭品頂戴署理山東巡撫部院胡 大清光緒三十年十
二月二十七日 大德一千九百零五年二月一號

各省內務彙誌

京師 商部前奏調留學日本卒業生章宗元祝懌元張奎夏循愷四人入署辦事分通藝保惠平均會計四司行走近
復奏請將該四員作為本部學習主事已奉 旨著照所請

江蘇 江淮改設行省經蘇省京官迭次奏請收回成命軍機大臣面奉 上諭著兩江總督周馥會同商部顧問官張
鑒察看情形速議電奏欽此軍機處遵即電寄江督聞玉帥接到 廷寄後業經擬就電稿與張殿撰酌議大致謂江淮
改設行省既不移駐徐州又不將安徽之潁亳河南之歸德山東之曹州改隸管轄僅分割江蘇四府一州未免有名無
實擬請收回成命另行簡放提督副都統各一員駐紮徐州足以控馭南北所有漕運事務改歸淮揚道兼理庶政治既
免紛更而於地方亦有裨益云云

江西 贛屬信豐縣向大令步瀛創設議局倣泰西各國下議院之制參酌章程頒發各鄉舉凡地方興革選充議紳遇
事到局會議以開風氣而維新政

湖北 鄂督張香帥近聘用軍事製造顧問官幕僚日本陸軍砲兵大佐栗山勝山本莊道山由漢領吉田舉薦限以二
年歸鄂督節制如有不合之處可以隨時辭退並訂約十三條以資遵守

各國內務彙誌

日本 東報載距暴癡斯約二百英里之處近突漲出火成石質之島周圍寬三百英里高處離海面四百八十尺稍北

則有寬八百四十碼之濶池該地屬於日本取名曰依仁島

英國 英廷簡柯多爾伯爵為海軍省督辦大臣以繼西爾包恩伯爵之任蓋西爾包恩伯爵已簡充特蘭斯哇爾總督也

俄國 倫敦日日報云俄皇前有旨特派數員編纂立憲規制為實行憲法之豫備乃未幾守舊黨復邀寵任而俄皇詔令中又有令全國人民同心協力外掃敵氛內靖國難以鞏固皇帝獨裁之權等語於是曩者承命編纂憲法各員相率散去俄之立憲遂成畫餅 新簡滿洲軍參謀長薩喀勞夫為兵部大臣 有著名之文學家谷甘為作革命書被人告發業已定案

德國 白蘭墩堡總督盤司門爾爾槐博士已簡為普魯士內務大臣以繼哈麥斯丁子爵之任

意國 意國更定新內閣以福梯為首相

荷蘭 外務大臣林頓辭職由海軍大臣愛奧利斯暫行代理

商 務 印 書 館 出 版
戰 史 類

義大利獨立戰史

每部一册
價洋四角

美國獨立戰史

每部一册
價洋四角

普 奧 戰 史

每部一册
價洋五角

尼羅海戰史

附溫聖脫
哥品杭戰史

每部一册
價洋二角五分

法 國 戰 史

每部一册
價洋四角

飛獵濱獨立戰史

每部一册
價洋三角

處此物競世界戰爭
爲不容已之事於以
衛國於以保種舍是
蓋未有能自存者也
歐人尙武戰術日精
陳述具在足資取法
京師大學堂新定章
程高等學堂至第三
年卽習兵學專以戰
史教授 朝廷重武
具有深意有志之士
異日欲効命疆場以
衛吾國以保吾種亦
安可不鑑古證今而
預爲研究耶

商務印書館出版
日俄戰紀

日俄戰事於東亞大局之關係甚鉅而於我國爲尤甚是以歐亞人士咸注目於茲役中外新聞雜誌記載甚多惟頭緒既繁尋繹匪易日本金港堂博文館育英舍富山房皆有日俄戰紀之刻爰仿其例輯爲是編自開戰以來迄於今日凡海陸戰事及關係於戰事之政策邦交無不備錄區分門類凡十餘種記錄詳盡斷制謹嚴每册首列寫真圖畫若干幅皆關涉戰事之人物狀況及戰爭樞要之地理每足一册即付手民陸續發行不預定期以戰局終結之日爲止

定價 每册

大洋二角五分

日俄戰紀之圖目

- 第一册 ● 日俄陸戰地圖(平壤義州鴨綠江鳳凰城地方) ○ 日本國皇帝 ○ 俄國皇帝 ○ 俄關東總督(亞力喀塞夫) ○ 俄陸軍大臣(苦魯巴金)
- 第二册 ● 旅順港地圖 ○ 日本軍事參議官(寺內、奧、大山、黑木、山縣、井上、伊東、山本、野津) ○ 日本艦隊司令長官(東鄉平八郎、上村彥之丞、片岡七郎) ○ 日本三司令官(瓜生外吉、出羽重遠、三須宗太郎) ○ 日本七師團長(長谷川好道、小川又次、貞愛親王、山口素臣、井上光、西寬二郎、大久保春野) ○ 俄太平洋艦隊司

商 務 印 書 館 出 版
日 俄 戰 紀

令長官(馬克羅甫)○俄旅順艦隊司令官(斯他司爾)○俄國哥薩克騎兵

第三册 ● 鴨綠江戰地圖○日本旅順海戰司令官(梨羽時起、細谷資民、東郷正

路)○日本艦隊在佐世保軍港啟行圖○日本魚雷艇隊第二次攻擊旅順圖

○日兵放魚雷攻擊俄艦圖○俄太平洋海軍司令長官(司廓理羅甫)○俄陸

軍大臣(塞喀羅甫)

第四册 ● 日本三艦長(中尾雄、加藤友三郎、山田彥八)○日本步兵戰圖○日本

砲兵戰圖○俄將斯他率兵渡貝加爾湖圖○俄國貝加爾之哥薩克兵隊渡冰

圖○俄兵旅順砲臺禦敵圖○

第五册 ● 日本三親王(依仁親王、菊麿王、博恭王)○日本砲兵鴨綠江激戰圖○

日本堵塞旅順沈船情形○俄將苦魯巴金巡視旅順砲臺圖○俄將苦魯巴金

巡視海參崴砲臺圖○俄戰艦彼得羅帕阿司克艦長(察科威烈夫)○旅順第

七戰被毀之俄戰艦彼得羅帕阿司克○俄戰艦彼得羅帕阿司克中雷沈沒圖

第六册 ● 日本第十二師團長(井上光)○第二十三旅團長(末越少將)○第十

二旅團長(佐佐木少將)○日本接應陸軍艦隊司令官(細谷少將)○裝砲汽

艇司令官(關少將)○摩耶艦及艦長中川中佐○日本堵塞旅順口船員移乘

小艇圖○日本堵塞旅順隊歸陣圖○俄國海軍大臣(柯韋蘭)○俄國道路大

臣(喜勒廓甫)

第七册 ● 日本皇太子○日本威仁親王○日本載仁親王○日本騎兵斥候乘

商務印書館出版
日俄戰紀

夜偵察敵狀圖○俄國苦魯巴金晤吉林將軍圖○俄國關東軍團司令本部○
俄國旅順守備兵第十一聯隊兵營並海兵團○俄屬西伯利亞布拉郭什臣斯
克曉景

第八册●日本上村中將瞭望海參崴俄艦圖○俄將司廓理羅甫出海探敵圖

○俄司廓理羅甫艦隊攻擊日本商船圖○俄艦長與日本大尉在烟臺互毆落
水圖○海參崴港俄艦停泊情形○停泊海參崴俄艦一播漫禿艦格朗保艦露
西亞艦路利克艦

第九册●日俄兩軍金州大戰圖○其二○其三○俄軍自九連城退入鳳凰城

圖○俄內務大臣(柏來維)小像○柏來維被殺時所乘車圖○瓦稍旅邸前柏
來維被殺情形

第十册●日本看護婦會長錫島侯爵夫人小像○日本婦團隊歡迎麥基夫人

圖○日本紅十字看護婦會員練習帶圖○俄苦魯巴金率衆臨陣圖○俄逃
艦阿斯哥及格羅蘇堡○俄逃艦阿斯哥左右舷損傷圖

第十一册●老鐵山圖○黃金角圖○日本東鄉司令官督兵備攻旅順圖○旅

順新舊市街中間之孫家溝○日本前駐俄國公使(栗野慎一郎)○俄國前駐
日本公使(羅善)○俄太弟(密喀爾)

第十二册●奉天鐵嶺附近詳圖○日軍登山進攻遼陽圖○日本橫須賀船塢

○旅順全景○貝加爾湖○松花江岸○齊齊哈爾○俄國旅順船塢

軍事

續備俄論 錄乙巳二月十三日時報

奉天失矣。日俄之戰局將終矣。我中國之中立。其可以長此終古乎。無論俄人曾以違背條規相陷。以縱容馬賊相誣。有意藉端以爲口實也。更以近事求之。則俄皇之與太后。宮庭之內。夙有間言。今者主戰之意出於俄皇。而阿列塞夫又爲俄皇所用。債事至此。何以自解。故非別取相當之利益以相抵。則俄皇將欲罷不能。且工人之聚衆方酣。波蘭之革命復起。豈迫於內。而兵敗於外。不別措一策以恢復國威。則內亂亦愈不可遏。以遠因證之。則俄人之心堅忍。其政策既定。雖百挫而不回。故不得之於韃靼海峽。則更注意於波斯灣。失之於巴幹半島。則又轉向於中亞細亞。今以其數十年來之經營。一旦而挫於此。役則以其雄志大略。必不甘一蹶。遽衰桑榆之收。將有所在此。皆著於事實。昭晰無疑者也。記者不敢必俄人之肇釁。而能料俄人之狡謀。於此時。於彼時。在俄人蓄念既殷。終有發之之一日。曲突徙薪之計。在我可不防之於早乎。且今日伊犁邊境警報頻來。又聞俄人有駐兵哈薩克之舉。則是事機之逼。亦甚危矣。語曰。無恃人之不來。恃我有以待之。記者曾有備俄論之作。以事

之急也。今者機緘愈露。因更廣前義。而籌所以措置之策焉。

一內蒙古各旗宜改設行省也。東三省之糜爛。其病在於沿用部落政治。而一切布置皆疏。西藏之失機。其弊由於自玩主權。有羈縻而無干涉。說者追咎前失。皆謂往時不建行省。有以致之。噬臍之悔。今已無及。蒙古事同一律。正當視此殷鑒。而及早圖之者也。外蒙古之地。或猶以荒漠爲憂。不能視同內地。若以內蒙古而言。則改建行省。其事固有甚便者。蓋今日電線已經張家口庫倫而達恰克圖。蒙地之與中原氣脈已相通貫一也。自光緒二十七年特派貽侍郎毅。辦理蒙古墾務。數年以來。設法開墾。邊利漸興。規模略具。日外氣象已視昔日爲殷繁二也。蒙部諸藩近多通曉世變。而如喀喇沁王之躬歷外國。尤爲明敏之才。形迹之間不至扞格三也。有此三便。事勢甚順。設疆分吏。籌措非難。此亦不可失之機會矣。且嘗聞蒙部諸藩多以貧困之故。自鬻其地。而輾轉以入俄人之手。其事誠確。則非改建省治。未易清查龍脈剪荒。事殊可慮。釐而理之。必不容緩。前此漢民罕至邊外。故蒙地雖瘠。不能倚漢人以爲耕。今者墾務既開。若竟改爲行省。一切規制悉與內地無殊。則北方之民。負糶而至。意中事耳。從此蒙藩有地。可以佃之於漢民。一反手間。而蒙藩得其善價。漢民資其沃土。既爲實邊之計。亦免覬覦之憂。事無便於此者。此猶改建行省利益之大端也。頗聞近日廷

議已及此事。而反對者皆以蒙古建省。經費支絀爲言。夫興鉅利者。不當惜小用。今日邊地。本有將軍都統參贊及辦事大臣等官。因其俸廉。移其衙署。改建開府。尙易爲功。且蒙古例。貢駝馬等項。不急之需。不妨蠲免之。而改爲建置一切之用也。彼反對者。不必以承平之例。例今日。但視今日之蒙古。爲烽燧告警之區。則雖有浩大之費。亦豈得不竭力以措之乎。夫當無事之日。而爲有事之備。此當國者之責也。況今日之蒙古。正未可必其無事耶。至於改設行省。自當以庫倫爲省會。以較近口內轉輸。尤便而又可控禦。恰克圖也。俄人之互市

一新疆籌備。宜早定政策也。近日議者。皆以俄兵逼近伊犁。議移新疆巡撫。駐紮伊犁。以資守備。然伊犁太逼俄境。且爲俄人兵力所會到之區。我之勢力。既較他人懸絕。而反欲移省治於此。以當其衝。不幸一有挫失。則新疆危而西北一帶與之俱危。非計之得者也。爲今之計。伊犁既爲禦俄之第一重門戶。則莫若開其地爲互市之區。引英人通商於此。以抵制俄人之用兵。蓋亦不得已之策。近來疆省郵政。外由克什米爾轉出。印度以附海船。此間商路既開。一旦通商。不患人之不至也。至伊犁將軍。宜仍舊駐紮。惟伊犁索倫領隊大臣所轄之兵。雖係乾隆西征時所調。索倫舊部之遺裔。而種族之盛衰無常。其剛勁已迴殊昔日。似宜添募漢營。改練新操。以爲防守。若徒恃此等額兵。以資禦侮。恐不易有功也。其他疆省所轄。

如惠遠城地方繁富。菁華所萃。外控布魯特哈薩克兩部。而北應塔爾巴哈臺。亦當添置官吏。以爲鎮守。又塔爾巴哈臺既已互市。而其地險遠。更宜駐兵於此。以壯聲威。庫車一地。西應伊犁。北應迪化。即新疆省治爲轉餉之要區。不設專城。則不足以通疆省與伊犁之氣脈。籌維之要。皆不可不亟亟謀之者也。

一帕米爾之地。宜注重設防也。按帕米爾本葱嶺顛之一大平原。爲乾竺特諸回部等分佔之區域。西界布哈爾。北界俄屬之費爾干。即塔吉克斯坦南界英屬之克什米爾。而東則與我之喀什噶爾爲界。誠古人所謂華離之域。而今日中英俄三國甌脫之要區也。當光緒十八年之際。俄人曾以兵隊遊弋其地。揚言帕米爾全境皆當爲俄所屬。而英人之意則不謂然。因創三國共分帕地之說。且欲陰助中國多分其地。以支格俄人。其時中國以無力任受。不敢應也。然分地之說。既以不成。而俄之野心。固未嘗已。他日必有事起倉猝之時。而其害且中於中國。故近人之持議者。皆爲中國欲免將來之糾葛。惟有向列國提議。以帕米爾作爲三國局外公地。如歐洲之瑞士。然則中國可以免中立之憂。而得固邊之利。雖然。帕米爾之諸國。部文化未開。未必自能立國如瑞士之例。則此說固未易言也。今者事勢既相逼而來。則人之相窺者。亦必層出不窮。而帕米爾之一方。固其夙昔之所注目者。在我甯無以待之乎。竊

慮言備俄者。皆側重於天山以北。而忽視於天山以南也。故因舊事而揭其要如此。誠能慎重以防維此方。不獨自固其藩籬。亦以免英人之干涉也。

一宜因邊地之利。以爲用也。今日度支竭蹶。正司農束手之時。而又加以防邊之需。於此而不別濬利源。以資轉餉。是益中國之民以重困。而飛芻輓粟。且終有不濟之時。固不得不慮之於事前矣。而欲興邊利。在內蒙古猶易。在外蒙古實難。蓋土產絕少。交通又難。則工商無可言。沙磧之地。水草不豐。則墾牧無可言。此皆非可以人力施者也。然頗聞地質學家之言。則謂在北緯稍南之間。實有可耕之地。昔人之狀塞外風景。動以白草黃沙概之。蓋未遍涉邊地。而究其物產耳。據此爲證。則邊外雖瘠。似地力未必盡無可爲。且如烏里雅蘇臺以多柳爲名。烏里雅蘇臺三字哈密以珍瓜著美。是塞外之土。於植物頗宜。以興種植。固可望也。此爲籌邊久遠之利言之。若以急需之徵而言。則蒙地青海一隅。有鹽池。周廻三百里。名爲吉蘭泰池。屬於阿拉善。即賀蘭山蒙王所轄。其鹽產供蒙人之食。有餘更以輸之於口內。山西陝甘之民。多以爲食。頗與潞鹽相侵。乾隆朝曾下令以吉鹽歸潞商兼販。冀奪其利。卒以事未易舉。仍以吉池賞還阿拉善王。故今蒙旗多瘠苦。而阿拉善獨以富豪聞。實由於此。夫蒙藩既資我捍衛。且其獲利。亦由侵我內地鹽運而來。今國家爲邊地而設防。略徵其餉。輸

以資軍守之用。此固力之所及。而於理亦順者也。誠以備邊之費爲憂。則此舉宜若可爲者矣。

以上各條。畧存揚權。語其急效。要不外此。此外則尙有一事。至要而當改者。蓋邊地之將軍。參贊領隊大臣辦事大臣等官。例用滿人。及今而欲有事於邊防。固非一矯其弊。參用明敏有識之漢人。以當此重任。則邊事必無可爲。此尤根本之要著矣。記者亦知今日之事。禍尙未成。不宜遽以備邊爲言。如臨大敵。固以俄不得志於東北。則必將有事於西北。無論或遲或速。而我之蒙古新疆一帶。必無幸免之時。而俄之爲俄。祇此一途之希望。則使應之有道。擊畫當機。雖謂我之西北一帶安。而天下胥安可也。故不憚煩而先喋喋言之。若此。立國於大地之中。既有自主之權。卽有自衛之理。說者其毋以此論所陳。爲溢分之語焉。

練兵處奏再添練北洋常備軍二大鎮摺

竊維方今國勢積弱。事變孔多。非擴張兵備。無以爲銷萌固圉之資。非厚集軍需。無以收士飽馬騰之効。近年來疊奉 諭旨。注重練兵。徒以籌餉綦難。未能放手措辦。然值大局之危迫。作未雨之綢繆。正宜乘此時機。竭力設備。縱財力所限。不能太加恢拓。要必須逐漸增練。爲得尺得寸之謀。此臣等所日夜焦思。而不敢一息或懈者也。本年百方籌措。就餉徵兵。僅

能添練兩鎮來年各省認解部庫練兵經費綜計約在六百萬兩內外除撥發明年已練兩鎮兵餉約二百萬兩外實存約有三百萬兩擬自明年始再添募陸軍一鎮照奏定章程編伍訓練至京畿一帶曾調有武衛右軍分紮巡防並有該軍千人宿衛 宮禁惟分巡日久操練未免生疏且該軍僅七千人其餉章營制亦與奏定新章多有不符欲畫一而整齊之亟須酌量變通擬將該軍調集 南苑屯紮益以南洋自強軍兩千數百人照新章併編一鎮其原有之餉計尙不敷當由臣世凱在北洋設法籌補南洋應解自強軍餉項自明年正月起亦令改解練兵處以便撥放其宿衛 宮禁千人仍留廣東潮州鎮總兵趙匡賢照舊統轄常川當差所部兵丁由屯紮 南苑之本鎮內按月輪調操練以免曠廢此一鎮仍作爲拱衛京師之兵而差操均可兼顧至 萬壽山松樹畦地方向駐兵隊五百人擬調毅軍一營填紮京師地面現稱安靖內城巡警徧設已有成效外城向有五城練勇巡緝似無須再派兵隊駐紮如冬防地面吃緊再隨時酌調毅軍數營分紮內城東西北隅專司彈壓不任巡街之役又查山東有武衛右軍先鋒隊二十營係臣世凱撫東時編練近以零星分防漸形散漫且器械亦皆窳敗難資得力擬酌量情形將該軍抽六七成擇地屯紮汰弱留強並增募壯丁照新章編練成鎮就其原有底餉不敷卽在部籌練兵經費內撥補除武衛右

軍暨自強軍併編一鎮不敷餉項由北洋另籌外合計新添一鎮改編山東一鎮應須餉項擬請 勅下戶部按月撥發餉銀二十五萬兩交由練兵處支領開放至改練併編三鎮所有建造營房招募經費購辦騾馬防軍車輛採買槍礮雜械子彈暨各項器具料物所費不資僅武衛右軍原有器械尙可酌量挑用此外均須逐一置備約計需款五百萬兩上下統由臣世凱設法息借另案奏明辦理以上各節第就現有之餉力分別籌辦非敢謂添足二鎮遂足以厚兵力而張 國威若較之東西列強尙不及什之一二然記有之曰譬如行遠必自邇譬如登高必自卑若謂卑邇爲無益而裹足自封則縱有高遠之境亦終無能至之日矣臣等觀時審勢度力所能爲求事之有濟以期逐漸進步而藉立自強之基者蓋不得不出於此一俟續籌有款仍當隨時擴充冀可鞏固疆域奠安大局用仰副 聖主經武圖強之至意謹 奏奉 旨依議欽此

○ 欽差大臣兵部侍郎鐵奏陳查閱各省營伍礮臺武備學堂情形摺

竊奴才於上年承准軍機大臣字寄光緒三十年七月初七日奉 上諭前有旨派鐵良前往江蘇等省勘移建製造局廠事宜並查各省進出款項現在武備關繫緊要屢經降旨飭令各省切實整頓痛除積習著鐵良於經過省分不動聲色將營隊酌量抽查兵額是否核

實操法能否合宜一切情形據實具奏欽此欽遵仰見 朝廷篤念戎行力圖 整頓之至意欽服莫名奴才當於經過江南安徽江西湖南湖北河南等省將就近駐紮各營詳加校閱查其中軍容整肅操法嫻熟者固屬不乏而故見未除諸多敷衍或新操自詡僅得皮毛者亦所不免至如礮臺水師武備學校或爲慎固江防之舉或係培養將才之區於戎政均有關繫因順道一併逐細考查謹將校視情形分礮臺陸軍水師武備學堂四條敬爲我

皇太后 皇上縷晰陳之 一礮臺 江蘇省礮臺計分四路曰吳淞口曰江陰曰鎮江曰金陵第一路吳淞口礮臺在寶山縣城南北之南石塘獅子林等處分設三臺面海資塘控南北洋來路爲由海入江第一重門戶形勢最爲險要置前後膛大小礮位三十四尊新式者居其大半總臺官一員專臺官三員教習司事電機測繪瞭望燈旗號令共十九員名礮目勇三百八十九名分駐各臺南石塘獅子林間小沙背地方設水旱雷營二哨管帶一員大小官弁三十四員雷勇一百七十四名並有徐州鎮標中營游擊戴鶴松統領南洋續備盛字五營分紮各臺左近以資防護查該臺前面掘有深濠排釘椿木足禦風潮礮測皆有隔堆深池滑落敵彈又有測遠鏡瞭望臺以窺海中敵艦布置尙妥惟護牆陡直而薄難禦大礮礮無護甲易受敵擊機件亦多應修置礮地基不堅施放多次一有偏欹卽不

能取準臺內子藥庫高出匿角之處著彈即燬後路未設旱臺亦屬空虛難守護臺營壘距離過近敵彈若由臺上起落易爲所中總臺官柘林營都司張克謨似有嗜好不明礮理平時操練悉詢之教習礮目勇丁年力精壯手法尙熟惟試打靶多未命中是於測算諸學未經講解之故第二路江陰礮臺在縣城迤北於長江南北岸分設礮臺南臺依山北臺傍隄中隔江面三里航路極狹不獨防吳淞來路若敵艦由崇明縣北循白茅沙駛奔狼福此處適當其衝爲下游扼要總口南岸鵝山西山頂東山頂黃山西峯及大石灣小石灣等處按此行即有置前後膛礮位三十七尊北岸天生港十圩港等處分置前後膛礮位二十尊大石灣十圩港礮位間有殘舊作廢者餘礮尙多新式總臺官一員專臺官五員英教習一名華教習二名司事測繪機匠燈旗號令共十八名礮目勇四百三十五名分駐各臺大石灣天生港附駐水旱雷一營計三哨官弁九員名匠目雷勇學生二百三十六名歸吳淞小沙背管帶兼轄並有江南海門營副將丁華容統領南洋續備老湘合字五營及兩江補用副將陳東陽統領南洋續備南字中左右三營分紮南北岸各臺後路丁華容並兼理臺務查南岸山頂礮位居高臨下擊路極寬惟臺設明處太無遮蔽左近多山若敵人攀登窺擊易有危險後路無旱臺空虛難守北岸地勢卑溼礮位較未得力總臺官江南外海

水師補用千總鄭編通曉英語礮理粗諳但工夫不純稍有嗜好統領丁華容略知新學於防務頗思整頓勇目操步操礮均尙熟悉南岸打靶間能命中其餘藥庫兵房位置欠妥護牆太薄機件應修與第一路略同第三路鎮江五處礮臺一圖山關一東生洲一象山一焦山一都天廟圖山關東生洲據鎮江下游堵截江陰來路江寬三里許兩岸夾擊極得形勢南岸圖山之大礮頭二礮頭圖山頭等處置前後膛礮位十五尊北岸東生洲係平臺置前膛礮六尊專臺官二員教習二名司事旗號機匠電匠共十名礮目勇二百二十九名分駐各臺並有兩江補用參將徐萬福統領南洋續備新湘左後兩旗分紮防護由圖山關上駛六十餘里鎮江府城東北南岸象山北岸都天廟中流焦山分設三臺焦山孤危聳峭橫瓦江心水勢擘分由左右抄過合流下注江面僅四里餘極稱天險象山南小口新河口東西兩峯分置前後膛礮位十八尊焦山麓脚頂峯分置前後膛礮位六尊都天廟係平臺前置後膛礮九尊總臺官留甘補用知州劉廷柱統轄全路專臺官三員英教習華教習各一名旗號機匠十三名礮目勇三百五十四名分駐各臺并有新湘中前右三旗及兩江補用副將魏榮斌統領江南武威新軍六營分紮南北岸就近防護新湘軍統領徐萬福並節制全臺查圖山關各臺後路無交通之徑彼此難以援應置礮地位間倚危岬陡壁敵礮擊射山

石橫飛恐鮮立足之地運道峻直經雨土滑陟降不便東生洲地勢平衍礮位羅列太密中無隔堆兵房湫隘潮溼兵易染病目兵演試手法尙不生疏體質亦壯象山東臺爲右旁沙嘴所阻敵艦若從下游丹徒口來不能迎擊東臺礮少西臺礮高均恐不易制敵都天廟西臺偏後礮彈出口必須超越東臺較有不宜東臺位置尙合猶未適當敵衝焦山下臺礮皆舊式頂峯兩快礮尙能擊遠命中目勇操礮手法尙靈步操體操英教習勒克里用華語教練悉合法度整齊可觀總臺官劉廷柱人尙明白於礮學亦略窺門徑又駐紮江陰礮臺後路之南洋續備南字中左右三營每營官弁兵勇五百十員名原係十一營二十一年裁撤八營二十六年改稱今名總兵兩江補用副將陳東暘充各營統領右營之中左右三哨分防常州未經調操其左右兩營及右營前後兩哨計到操兵七百二十名軍容軍服軍器軍紀及一切操法與合字營略同而官長舊習尤重教習口令較好統領陳東暘人尙精神惟於新操全不諳悉又駐紮鎮江礮臺後路之南洋續備新湘五旗官弁勇夫二百八十九員名初名新湘二十六年改稱今名頭品頂戴兩江補用參將徐萬福充各旗統領左旗因兩未經校閱當在東生洲看視後旗操法除守營患病外計到操兵一百八十七員名用老毛瑟槍鏽蝕殘壞衣靴亦不整齊官無佩刀兵無皮帶以布束於腰際子彈盛以布袋掛於項

上種種情形不堪入目兵丁體質強壯者尙不及半操法亦太生疏復於鎮江看視中前右三旗到操兵四百五十名軍容操法廢弛情形一如後旗統領徐萬福委靡不振於操法茫然不知且不常川駐營殊不稱職前署兩江總督端方業將該員撤差另委參將李雲松接統又駐紮鎮江府城左近之南洋武威新軍分中前左右後步隊五營副中礮隊一營每營官弁兵勇五百十二員名三十年正月招募成軍總兵銜留江補用副將魏榮斌充全軍統領除守營患病外計到操兵一千八百九十六名步隊用比國快槍化排時統領魏榮斌乘騎前行不知操法兵丁行步舉槍不合操章以致散亂無序其步法轉法跑跳裝放刺槍體操各式略具形似瞄準時兵多不識表尺且有鏽滯不能起落者礮隊所用兩磅子過山礮三磅子快礮目兵不盡能拆卸亦不知零件名目查該軍成營未久半係新兵體質尙均壯健官長亦尙精神惟能發口令者尙少全恃教習教練統領魏榮斌身弱多病嗜好甚深聞平日不到操場且有空額情事營務廢弛不爲衆將推服前署兩江總督端方已將該員撤差另委參將龔炳魁接統又駐紮鎮江府城外之京口駐防常備軍一營計官兵五百零八員名右翼協領蔭濃充管帶歸京口副都統節制二十六年十二月成營除守營患病外計到操兵四百八十二名用老毛瑟槍應佩零件未備練習德操軍裝係號衣纓帽不甚整齊

兵丁體質尙壯操法生疏幾致不成行列軍容軍律更無論矣以什長一人發口令隨有外約教習一名默不作聲儼同虛設雖係武備出身然考其教法甚屬平常查該營編練將近四年官長均拔自旗屬不能新操所調教習又復有名無實宜其廢弛一至於此當卽商之副都統奇克伸布嗣後務擇上等教習厚其薪資將官長中之合格者加之操練其不合格者撤去另補必官盡知操然後始能教兵庶幾日有起色復查該軍正兵內有在該副都統署中充當差站者殊屬違章已令全數歸營不得役使正兵又京口駐防續備軍一營制與常備軍同以左翼協領延浩充管帶二十八年三月成營衣帽器械軍容操法一如常備軍而廢弛尤甚此外尙有巡警一營因係彈壓地方未經調閱又駐紮儀徵縣境之南洋續備奇兵左旗尙有右旗駐紮上海縣一帶兼護製造局未經調閱左旗官弁勇夫三百二十五員名光緒十年成營近改南洋續備軍除分防及守營患病外計到操兵六十餘名用老毛瑟槍應佩零件未備習東洋操軍容軍裝均欠整齊舞槍體操毫無勇氣蓋由官長夙不講求操法故舉無足觀又駐紮金陵省城之南洋常備右軍分一二三四右後步隊六營礮馬工程各一營步隊一二三四四營每營官弁兵夫二百二十三員名右後兩營每營官弁兵夫五百零六員名礮隊三百九十七員名馬二十二匹馬隊一百五十二員名馬一百二十

五匹工程隊四百二十二員名礮馬隊三十年改練步工隊三十年七月改練兩江補用副將陳煦亮充全軍統領除守營患病外計步礮馬工共到操兵一千二百三十餘名用奧國曼利夏槍刺刀彈盒背包水壺等項俱備步隊習日德操法官兵尙屬強壯軍服亦均整潔惟化排時兵丁轉折疾徐互有出入步伐亦過遲緩操散隊官長不知率領之法兵亦不知自尋地段遲延推諉強曳成行左顧右盼語音嘈雜站跪臥各項擊法高下不一歸隊時有託槍者有挾槍者皆於軍律不合礮隊用兩磅子哈乞開斯礮一磅子快礮大小不一馬亦雜色隨礮子藥車祇有數輛且不齊全官兵體質尙好惟皆不諳表尺亦不知礮件數目及拆卸各法管帶葉天厓年老而庸發令瞄準高低未能合度礮馬亦驚跳不安其爲新備無疑馬隊兵尙強壯化排不成行列且亦不知陣式環繞多次遂作中止步走時哨長有落後者馬毛色夾雜疲瘦者多工程隊站列一隅據云不能步操是蓋誤認工程之名以爲專事工作而不知尙有他事且溝壘橋梁等學亦不講求該軍於省城東門外演試行軍多未合法其右後兩營操法尙不及此查該軍雖係新營然皆舊兵改編故習仍存統領陳煦亮年力精壯器宇尙好於新操雖不甚明晰尙肯用心已囑其加意教練俾期改觀又駐紮金陵下關雨花臺等處之南洋續備護軍分左右前後四旗每旗官弁勇夫二百九十員名二十

六年閏八月成軍提督銜總兵羅吉亮充全軍統領除守營患病外計到操兵六百零八名習日本操用比國快槍佩有刺刀皮盒等件官兵老弱者居半其年壯者亦皆不諳操法所設教習皆係自強軍目勇并無學堂出身者官長教習任意粉飾與他軍歧異操法欹斜錯落殊欠整齊瞄準不識表尺者甚多前旗管帶李清貴素不知操調練時擅離隊伍赴演武廳後坐息聞調倉皇而至左手舉刀右探刀鞘不知所措管帶爲一營表率愚謬至此難期得力當飭將該管帶開差示儆統領羅吉亮平日既廢弛營務臨操又託病不到前署兩江總督端方業將該統領撤差另委營務處候補道朱恩紱接統又駐紮金陵下關之江南武威新軍分左右翼兩旗官弁勇夫二百八十九員名總辦武備學堂候補道陶森甲兼充統領除守營患病外計到操兵四百十名用毛瑟槍隨有刺刀彈盒等件習日本操各兵皆皖北人著灰色軍衣所操大隊進退轉折尙屬熟悉散隊臥擊多未如式頭目領排不持軍器官弁領隊尙爲得法兵丁亦能拆卸槍件惟操時未久輒至喘息蓋係力弱之故又駐紮旗營之江甯駐防常備續備各一營每營官兵五百零八員名常備係二十六年正月成營續備係二十九年二月由常備精銳營改歸江甯將軍節制除守營患病外計到操兵各三百六十名用格於斯舊式槍隨有刺刀彈盒每營中有礮隊一哨用一磅子輕快礮兩磅子克

鹿卜礮均習德操衣帽與京口兵同軍衣多未扣鈕不合身者甚多操靴新舊式樣不一軍械半屬鏽澀官長佩刀各異多係自備另有差委數人皆手持馬箠入伍隨行兵丁強弱參半官長不諳操法教習亦皆無學問步操化排時前後排相距祇三四步其餘身法槍法步法轉法多不如式瞄準不諳表尺且有起落不靈者操礮時哨官驟令放礮不先瞄準於理未合體操亦不及程度查該兩營兵丁加以淘汰尙屬可用惟官長於兵事太欠講求故無起色已由江甯將軍永隆等將年老官長更換數員並由前署總督端方酌撥新式槍礮俾期認真操練安徽省紮駐省城之常備軍分前後左右四營每營官弁勇夫五百零五員名三十年三月成軍按察使濮子潼充全軍統領除守營患病外計到操兵一千五百六十五名用老毛瑟來復槍兩種操法兼採德日所長軍服長短不一槍枝鏽澀者甚多背包水壺等件未備化排不成正角前後距離或遠或近操法多未如式操散隊時官長不向前率領衝鋒時走便步皆不合戰理惟兵勇強壯者居其大半惜官長不盡知操教習又未能得人統領臬司濮子潼經理雖極認真究以責任臬司兼辦此事似有未宜又駐紮省城及攔江磯前江口各礮臺之安徽續備軍步隊中前左右四營每營官弁勇夫二百八十六員名馬隊一營官弁勇夫一百二十八員名戰馬一百十四匹三十年四月成軍總兵費金組充全軍

統領用老毛瑟槍應佩零件未備習德國操步兵老弱者居多軍服既不整齊軍械復多鏽
 澀馬隊號衣戰裙均極殘舊人老馬疲廢弛殊甚統領費金組身弱多病聞自奉委後久未
 到營一切操法均未諳悉難勝統領之任又駐紮省城北門外之武備學堂練軍分左右兩
 隊官弁兵夫三百七十四員名武備學堂提調丁憂安徽特用知縣譚學衡兼充統帶管帶
 哨官等均係學堂教習學生兼充三十年二月成軍兵士皆選身材合格年少識字者充當
 且多官紳子弟長江水師提督程文炳之子亦在其中用鄂造小口徑毛瑟槍佩有刺刀彈
 盒等件除守營患病外計到操兵二百六十一名軍服合式操靴上布下皮能履泥淖槍枝
 精潔裝束鮮明軍容肅靖安詳身法操法槍法單人小隊中隊大隊及散操礮隊秩然有序
 兵房高敞光潔便於居處每日尙有內堂功課訓練兼施亦臻精美查該軍成營未久進步
 甚速固由於官兵均知向學亦係統帶譚學衡認真教練勞瘁不辭故能致此又駐紮蕪湖
 之安徽常備武衛副中營官弁勇夫二百八十八員名又駐紮蕪湖及東西梁山礮臺之續
 備精健前左右三營每營官兵勇夫二百零三員名均於二十七年十二月改編成營福山
 鎮總兵李定明充各營統領兩江補用副將李振標充幫統所用槍枝種類不一均係舊式
 習德國操軍容軍服極不壯觀兵丁老弱者居半點驗時號兵與正兵雜處散隊後倒荷槍

枝喧闐震耳軍紀異常懈弛統領官長於新操茫無閱歷教習亦近濫竽蕪湖爲通商鉅埠似此營伍不特不足以備緩急且恐爲外人訕笑江西省駐紮九江府之常備前軍分一二三四五五營每營官弁勇夫二百九十八員名廣饒九南道瑞澂充全軍統領二十九年十二月三十日二月先後成營第二營因派赴樂平縣剿匪暫令駐紮其餘四營除守營患病外計到操兵六百二十四名操法兼採德日所長用五響毛瑟槍擦拭光潔隨有皮帶刺刀彈盒等件軍服一律長短合度官兵精壯動作有禮所操小隊中隊大隊散隊身法步法槍法變排瞄準雖未盡合法度然皆勇往精神舞槍體操亦稱熟悉查該軍成營甫逾半年統領瑞澂督催訓練尙能認真官長多係學堂出身亦能相助爲理湖南省駐紮省城南門外之常備湘威中左右三旗每旗官弁勇夫三百五十九員名三十年八月十月先後成營提督顏瓊林充全旗統領左旗係新兵未經列操中右兩旗除守營患病外計到操兵五百二十八名用老毛瑟槍隨有刺刀惟彈子盛以線帶斜掛胸背仍是舊態軍服尙一律兵勇有赤足者有著草鞋者官長衣袖長或過膝操法兼採德日所長一切均未如式查該軍甫經成營兵丁尙皆強壯惟官長不盡知操故未易見效統領顏瓊林身體尙健畧知操防教練未能得法又駐紮省城各門之常備軍銳字第一二三三旗每旗官弁勇夫三百五十八員

名三十年十月成軍補用總兵謝典禮充全軍統領除守營患病外計到操兵八百六十四名所用槍枝九響毛瑟單響毛瑟前膛來復不等兼習德日兩國操法一切與湘威旗略同頭目均係執旗手無軍器腰不束帶於理未合查統領謝典禮強壯樸實毫無習氣官長目兵亦多勇力惟於新操太欠講求雖係成營未久若如此教練恐以後難望精進又駐紮省城之常備軍定字第三旗官弁勇夫三百五十五員名二十八年十一月成軍補用都司楊通福充督帶官第一旗調赴廣西第二旗駐紮對岸營盤嶺未經調閱第三旗到操兵二百四十名用老毛瑟槍佩件不全其軍容軍服與湘威及銳字等旗相似督帶楊通福身體強壯惟專事奔走操防茫然不稱督帶之職又駐紮省城南門外之續備軍武字第一旗官弁勇夫三百五十五員名三十年十月成軍已革副將徐恆山充督帶官尙有三四五六等旗駐紮常衡兩屬未經調閱第一旗到操兵一百九十四名用小口徑毛瑟槍佩有刺刀觀其外表似與他軍相等惟官長尙屬精壯湖北省駐紮省城之常備軍分第一第二兩鎮每鎮馬步兵兩協每協分一二三三旗每旗分甲乙丙丁四營又每鎮附礮兵甲乙丙三營騎兵甲乙二營工程輜重各一營現在兩鎮僅有左協其右協均未招募騎兵僅募一營兩鎮官弁兵匠現共一萬二千四百八十九員名馬二千一百八十八匹此係減練辦法各營兵丁

有係三十年八月由左右翼改編者有係十月新募成軍者總兵張彪充第一鎮鎮統兼左協協統游擊黎元洪充第二鎮左協協統兼護鎮統除守營患病外計到操兵一萬零五百十八員名所用槍礮多係漢廠製造馬槍間有用德購者佩帶零件如背包食袋水壺鋏鏟雨衣裹腿皮靴等項應有儘有操法兼採德日所長步兵單人小隊中隊大隊散隊身法隊法槍法手法一切如式間有小疵不足爲累礮兵所操各礮極爲光潔上下礮機亦稱捷速且各能自識職守惟瞄準未能一律合度騎兵操縱轉折奮溢衝鋒及擊刺各法秩然有序馬匹亦壯惟嫌白色稍多工程兵於應盡責任頗知講求步操甚整惟輜重隊器具尙未全備各營體操亦孔武有力兵房高敞潔淨經用各物均有一定位置有條不紊查該軍兵丁新陳相間編練未久軍容焜耀已壯觀瞻洵可爲沿江各營伍之冠詳加簡閱操法雖未能絲絲入扣然官長均係出洋或武備畢業學生兵丁識字者甚多將來可望漸成勁旅惟所操行軍布置未盡周密攻守亦欠講求再該軍官兵滿漢並用內有官二十餘員兵八百餘名皆係荆州駐防其餘兵工廠及護鐵路各軍隊亦皆一律精壯河南省駐紮省城之常備軍分左右兩翼左翼步隊中左右三營隨礮隊一營右翼步隊中左右三營隨馬步一營共礮馬隊八營全軍官弁兵夫四千六百七十員名馬二百六十一匹右翼步隊三營係二十

九年閏五月成營左翼步隊三營係三十年二月成營礮馬隊均於三十年九月成營江蘇補用道袁世廉充全軍翼長補用副將王佩蘭充左翼分統兼帶礮隊補用參將楊榮泰充右翼分統兼帶馬隊除守營患病外計到操兵二千一百四十三名步隊用十響毛瑟槍隨有刺刀彈盒等件礮隊用兩磅子鋼礮三生七快礮五生七快礮三種馬隊用毛瑟槍習德日相參操法官兵強壯軍容整齊步隊操法雖不無小疵大致頗稱壯觀馬礮隊未能整齊兵係新募現僅練習步操於礮學尙未諳悉礮位種類不一似有未宜馬隊毛色夾雜且係新兵操練尙欠工夫查該軍係分次招募而成尙未能一律精進翼長袁世廉分統王佩蘭楊榮泰均能實心任事勞瘁不辭當可日見起色惟所演行軍尙欠講求又分統城內八隅之巡警兵一營共官弁勇夫六百七十三員名三十年正月成營候補道吳封光總辦隨川汛把總王鏞充管帶官除巡街守營外計到操兵二百九十四名用哈乞開斯新毛瑟兩種槍枝習德日相參操法官兵強壯軍容一切與常備軍隊略同查巡警係爲彈壓地方而設其陸操復能勤加教練整齊可觀自堪嘉尙又駐紮省城之撫標練軍馬隊合營計步隊四哨馬隊一哨共官弁兵夫四百五十員名馬五十四匹同治十二年添練中軍參將文煇充統管官除守營患病外計到操兵二百七十八名步隊用十響毛瑟槍馬隊用馬快槍習德國

操法官兵壯者居多惟所著操衣操帽均係洋式與他營殊欠一律操作各法亦皆如常巡
常等營尙稱不弱又河南駐防兵額設城守尉一員佐領十員防禦十員驍騎校十員隨印
筆帖式一員領催八十名馬甲七百二十名步甲一百名匠役二十名共官兵九百五十二
員名外雲騎尉十員恩騎尉一員六品蔭生一員均歸城守尉管理一切操法均係舊式所
用擡槍鳥槍火礮長式弓箭等項演習八卦等陣殊欠整齊官員習染甚深兵丁老弱參半
到操兵數亦多不實操法紀律毫未講求廢弛已甚該城守尉志明年老糊塗萎靡不振雖
在任有年難稱得力已商由撫臣陳夔龍設法整頓以期精進 一水師 按長江水師提
督所轄四鎮曰江南之瓜州鎮江西之湖口鎮湖北之漢陽鎮湖南之岳州鎮提督駐紮安
徽太平府居中調度管轄五省江面上下五千餘里每鎮總兵一員提鎮五標五標副將五
員參將七員游擊十員五標營都司共四十四員守備四十三員千總一百五十八員把總
一百九十五弁外委二百六十八弁共七百三十五弁員額設舵兵七百十八名頭兵七百
十八名艙兵四十四名礮兵一千五百二十四名營兵六千零四十八名親兵二百八十名
稿書一百名書識六百四十七名共兵書一萬零七十九名額設督陣舢板三十二號每號
配兵十六名左右哨長龍戰船四十四號每號配兵十九名左右哨無兵舢板四十四號如

遇差操巡防則由長龍船撥兵駕駛舢板戰船六百四十二號每號配兵十二名續添飛划巡船六百四十三號隨同各汛舢板以便巡江放哨之用共計舢板戰船七百六十二號飛划巡船六百四十二號除各守營汛未經調集不計外奴才行至江西查閱湖口鎮操該鎮所屬中營安慶吳城華陽四營到操戰船四十號督陣舢板一號戰船每號配兵十二名哨官一員船頭尾各置前膛老礮一尊左右置前膛老槍一具督陣舢板配兵十六名指揮官一員旗幟號衣雖係陳式尙鮮明耀目共演八陣礮聲尙屬聯絡惟械老陣舊習氣甚深調閱步操其進退分合尙能裕如但水師兵丁赴水者不多船駛過遲風定溜平每點鐘僅可行十餘里稍遇風浪卽須停泊難稱得力此外各鎮沿途查看大致與湖口略同惟官兵精壯稍遜

二武備學堂 江蘇省武備學堂在盤門外半里許光緒二十七年七月由各營挑選識字勇丁四十名入堂肄業爲正課生初名營學堂後改武備學堂二十八年二月復選募官紳世家子弟以及文武舉貢生監四十名爲副課生分兩班教練咨調江南陸師學堂畢業生四名派充教習內堂課以戰法地勢軍械測繪算學營壘漢文等門外場教以操槍操礮柔軟體操器械體操打靶行軍諸門三年爲卒業總辦一員以候補道松峻兼充提調文案等六員一切辦法仿照江南陸師學堂章程尙有次第講堂齋舍亦尙整齊惟內堂

功課程度尙淺外場步法槍法均欠整肅教操瞄準未能合度拆卸礮件亦不熟悉查該堂開辦有日程課多未及格良由教習不得其人亦由總辦提調不能勝任之故江南省將備學堂在江甯省城昭忠祠內借地開辦另建新堂在小營地方尙未落成二十九年十二月開堂學生由各營旗挑選官兵送入仍食原餉正額二百四十名附課十名以一年爲卒業日本總副教習各一員各項華教習十一員總辦一員候補道陶森甲會辦一員補用道席殿驊提調文案等共七員查該堂開辦未久內堂外場功課程度頗淺其各營旗送入官弁在三十五歲以上而羸弱幾居其半年少各生尙皆英銳各教習均能勤懇將事日久當有起色惜堂規稍鬆任事者均存見好之習於學生去取辦理未能認真陸師學堂在儀鳳門內三牌樓和會街二十二年十月開辦分陸師普通侍衛爲三堂陸師學生八十名普通學生一百名侍衛二十一名洋教習二員各項華教習十三員總辦一員候補道羅長綺監督提調監院繙譯等共十七員內堂課以兵法繪圖輿地地勢軍器歷史營壘算學測量工程人倫道德漢文英文德文東文等門分年教授外場教以步操打靶礮操體操馬操等門以三年爲卒業陸師學生分甲乙兩班甲班德教習特屯和恩授課詢其戰法陣法各生對答未能詳明乙班德教習濮斯瑪授課所習軍械學各生於聽講後不復默錄一過恐記憶難

軍事

一百六十五

乙巳

真普通學生造詣尙淺算法止學至平方餘亦平平步操礮操大致可觀惟疵累處尙多查該堂創立已久一切規模足稱完備但所習課程未能精密以致卒業各生派至各軍多未得力緣歷任總辦均於此道未嘗學問故致如此水師學堂在儀鳳門內光緒十六年九月開辦分駕駛管輪兩門每門學生四十名洋教習一員駕駛管輪升桅漢文體操洋文各教習共十一員總辦一員候補道黎錦彜提調文案等共六員內堂課以洋文天文輿地海圖漢文算學水力及製造汽鍋汽機各法附有魚雷一營光緒十八年閏六月開辦員司書吏十二員名雷艇四艘泊於下關草鞋峽江面每艘官弁四員舵工管油升火雷兵水手夫役各二十五名歸該堂總辦管理平日演練魚雷用法水師學生分頭二三三班以六年爲卒業除肄習內堂功課外並擬派附兵輪巡歷各洋海口爲練習風沙水線之用查該堂立法甚善規模已稱宏敞學生敏捷英武者居多惟教法太舊堂規鬆懈以致學生入學數年尙未登舟演習且查堂內小機器廠屋內塵垢積滿不似逐日操作氣象所存新舊魚雷多碰傷者辦理殊欠認真安徽省武備學堂在安慶府省城北門外光緒二十五年四月開辦額設學生八十名新增二十名洋教習二員華教習六員提調兼練軍統領丁憂安徽試用知縣譚學衡委員五員內堂課以養兵祕訣步兵操典槍之保存法體操教範數學世界地理

及衛生測繪戰術營壘兵棋等門外場教以步操槍操柔軟體操器械體操行軍打靶劍術等門均分年教授以三年爲卒業查該學生年少質美習氣毫無且動作嫻雅彬彬有禮布列兵棋所擬方略攻守各見心思外場各項操法亦皆精美該堂提調譚學衡辦理得法其大隊操法卽係自發口令進退分合秩然有序且勤懇耐勞素爲學堂敬服惜堂基係書院改建局勢未宏人數無多款項不裕自應設法擴充湖南武備學堂在長沙府省城小吳門外光緒二十九年四月開辦學生定額一百名由本省俊秀內選取附以目兵學營二十九年九月開辦學生定額一百五十名由本省各營內選拔武備教習職員二十員目兵隊長教習九名除放年假及有事故不計外兩項共到堂學生目兵一百零八名補用道俞明頤充該堂總辦內堂課以武備普通各門因建設未久程度尙未深造外場操法軍裝整備士有武氣查該堂自總辦以下員司無多事權旣專經費亦省若再能於內堂功課認真講求必有進益湖北省武備普通中學堂在武昌府省城內閱馬廠前光緒二十九年十月開辦學生定額二百五十名分三年報齊二十九年十月三十日八月已招一百七十二名分一二三班各項教員十四員候補知府黃以霖充該堂監督教授部課漢文外國語歷史輿地數學博物格致圖畫各門卽係內堂功課訓育部課術科學科兩門卽外場功課每門各有

子目分年遞進四年畢業升入高等學堂由淺入深誠得造就人才之法中國歷史自古起已學至晉初中國輿地已學湖北湖南安徽江西福建六省算法已學代數幾何第一卷教員考問時各生答對間有不合者槍操體操均有雄氣疵累處亦所不免查該學堂創立未久一切課程未能遽臻純粹惟教員半係日本畢業學生講解尙能明晰至於講堂齋舍光潔雄偉頗具振興氣象武高等學堂在省城內黃土坡二十二年十一月開辦原名武備學堂二十九年奏改今名學長班長八名舊班學生十四名係本堂原有之生新班學生三十三名速成班學生四十名係於本年九月由將弁學堂撥入德教習二員日本教習二員軍醫一員華教習十一員譯書管理共十三員布政使李岷琛爲總辦候補知府黃以霖爲監督各班學生不及高等程度現補學普通係課以修身漢文外國語歷史輿地數學理化圖畫諸門軍事學課以戰術軍制兵器築城地形馬學衛生外國語摘講諸門每門各有子目三班學生課程略有不同以二年半爲卒業內堂試以測繪代數典令理化諸學各生所習普通未久間有理解未清者外場試以步操礮操體操亦未盡熟悉查鄂省武備學生自創設以來歷次卒業各生派入軍隊者頗多得力之人即遣赴東洋各生大率亦由此中選派是該堂實爲武才淵藪近以改名高等舊班畢業後堪充是選者一時誠難其人故

以將弁撥入連舊班之不及格者一律改習普通惟各生甫經入門加以年齒稍長程效較遲故所習難云粹美綜計所閱各處礮臺則江南較勝江西次之安徽又次之陸軍則湖北之常備軍爲最優河南之常備軍步隊六營江南之常備軍步隊四營江西之常備前軍步隊四營粗有可觀蘇州安徽之續備各軍江南之護軍四旗新湘五旗廢弛最甚其餘各營操法亦多平常水師則湖口差強餘均較遜武備學堂之規模宏富條理精詳成材多而功用著者當以湖北爲最安徽則經理有法故員生較無習氣第局面尙欠擴充江南則興辦有年故氣象頗具大觀而教法難言盡善湖南則程度尙淺蘇州則規畫未宜河南甫經開辦尙無優劣之可言至各省礮臺軍械則或新或舊頗覺參差而一切營制餉章軍服操法微特此省與彼省不同此軍與彼軍不同甚至同省同軍而此營與彼營又不同殊欠整齊畫一至於缺額之弊不肖將領平日難保其必無此次因有查閱之舉早已預爲補齊故抽查時尙無空額然其間有操法生疏者其爲臨時新募無疑又綠營兵丁久成虛設現雖間已改爲巡警藉以彈壓地方然亦不甚得力奴才每於簡閱所至首以 朝廷銳意圖強重視武備之意剴切宣布其優者當面予褒嘉其劣者卽逐加指摘造就堪資者勉以尊親大義見聞較囿者令其講習新操并告以前經練兵處奏定章程隨時請 派大員輪赴各省

認真校閱務皆努力上進精益求精以備國家干城之選該官兵學生等靡不歡欣鼓舞奮勵有加其駐紮較遠未經調閱各軍當商之各省督撫臣轉飭悉心整理以期兵歸實用餉不虛糜漸收奮武圖強之效謹奏

練兵處議定第一次陸軍退伍章程

一各營目兵已屆三年期滿者由統制彙報督練處俟發交兵備處核與底冊相符始准退伍
二各營退伍兵人數不同均按成遞退由三月初一起每月遞退二成由兵備處籌定補充新兵以便分撥
三各營正副目按次分退先副後正
四各營退伍兵由統制在兵備處彙領退伍憑照轉發各營由官長帶送原籍會同駐弁地方官傳集原保另註續備兵冊
五各兵退伍期滿皆令回籍如有籍無家或有籍有家實在不願回籍者仍舊留營三年應由該目兵函知本籍保人聲叙緣由
六目兵退伍時如應領贍餉不及六箇月者未便再派委員至原籍散放即由營驗發自將執據收回如係家屬收執者俟回籍後呈由地方官轉繳如扣存贍餉已屆六箇月者即由帶送之官長於到籍時會同地方官散放將執據收回均繳兵備處查銷
七各兵退伍到籍後如願仍回原營再充伍三年者由駐弁會同地方官問明保人會銜給予文憑令其回營一面將退伍憑照申繳兵備處
八凡在營

三年期滿不願退伍回籍及退伍到籍後仍願回營者仍再留營三年期滿即退爲後備兵
九各營退伍歸入續備兵者領餉調操及平時辦法另訂詳章 十各兵回籍後該縣應
另立軍籍戶口冊以便調查

陸軍目兵衣帽圖說

禮服袖章 目兵禮服均用紅線辦作袖章馬弁護號目正目醫目一等樂兵均綴紅線辦
三道副目匠目護號兵二等樂兵均綴紅線辦二道正副兵醫兵三等樂兵馬夫日均綴紅
線辦一道工匠學習樂兵駕車兵管馱兵備補兵喂養夫伙夫馬夫以及另僱之差馬夫廚
夫均不綴道

禮服肩章 目兵禮服均帶肩牌用上圓下方式長四寸三分寬一寸八分以爲章識步隊
用黃色工程隊用藍色輜重隊用紫色紫紅肩牌均刺白字白黃藍肩牌均刺紅字左肩牌
刺鎮或協或標之號數右肩牌刺營隊棚之號數或本人之差名 鎮屬馬弁護目護兵之
肩牌均用紅色周圍沿黃邊寬一分半左刺第某鎮字樣右上刺馬弁或護目或護兵樂兵
字樣下刺本人號數由某號至若干號 協標所屬之馬弁護目護兵肩牌左刺第某協或
第某標字樣右刺字與鎮屬同惟護目字下不刺號數 營隊所屬之護號目兵肩牌步馬

礮等隊左刺第某標字樣右上刺本營號數下刺本人差名護號兵之肩牌兵字下刺本人號數工輜等隊左刺第某營字樣右刺差名及本人號數各營護兵均依次排號除營屬從一至若干外下餘者按次序分歸各隊號兵排次序法亦同正副目兵之肩牌步馬礮等隊左刺第某標字樣右刺營隊棚之號數工輜等隊左刺第某營字樣右刺隊棚之號數各正副兵之肩牌棚數下再刺本人號數正兵由一至四副弁由五至十四

常服章識 弁目兵夫常服均不用肩牌單夾衣及棉皮之外單均於胸前第二三鈕釦之間刺字或印字以作識別藍衣刺白字土灰白等衣刺紅字弁護號正副等目兵所刺字樣與肩牌同惟於第二鈕釦之上橫列刺某種隊字樣匠夫所刺字樣如有補兵伙夫馬夫目馬夫等均全營依次編號按序排歸各隊

目兵操帽 弁目兵丁操帽樣式與軍官同惟帽正團蟒不抱珠金瓣改爲青線瓣道數與袖章同其餘之工匠駕車兵管馱兵備補兵伙夫馬夫喂養夫等帽式同惟冬用青布縫製黑皮遮陽夏用草帽均不綴帽正

以上目兵禮服均用天青色夏用細布冬用口呢常服分冬夏用藍土兩色物料均用堅固細布袖口均用本色材料沿三寸寬邊一道袖章綴於寬邊以上馬弁護號正副醫樂目兵

等禮服常服均備其餘之目兵夫等祇備常服不備禮服一切衣服均當開襟結扣衣領與服同色同料禮服用凸面黃銅素扣圓徑五分常服用線繩結扣繩徑一分與衣料同色扣繫長三寸袖上紅線辦寬及每道相距均二分各官長另僱之差夫廚夫馬夫等衣帽式樣與兵同惟冬帽不帶遮陽衣袖口只用本色緣邊不綴章識上衣均按各種隊限定之色緣窄邊凡製造各衣褲必須舒展合體於操作運動務求利便裁做宜酌採西式縫紉務求堅實無論冬夏上衣長以齊兩胯圓軸骨爲度腰身週圍以寬餘寸半爲度袖長垂手時以齊大指尖爲度袖口寬以手作拳能以出入爲度褲襠以伏貼腿根爲度兩褲腿筒以隨人體質不鬆不緊恰合爲宜 以上官弁自兵靴鞋均用皮製取其堅固耐久不慮泥濘式樣均照靴式取其底大夜行無碰足之虞官及騎馬兵均用皮靴步行兵均用寬幫皮鞋以麻布裹腿

各省軍事紀要

山東 夏軍門辛酉所統武備先鋒隊各營近已編爲一鎮改爲山東常備軍惟原有各營不足一鎮之數已議定由所募新軍內撥充遵照練兵新章每鎮月需銀二十萬有奇原有先鋒隊底餉每月約銀五萬不敷尙多已經練兵處奏准由戶部照發

軍事

一百七十三

乙巳

軍 事

一 百 七 十 四

四 月

河南 河南駐防旗兵經總侍郎與陳筱帥會議於滿營旗丁內挑選年力精壯馬步甲三百五十名爲正兵另挑閒散四十五名爲伙夫委兼護城守尉文恭戎煇爲統帶委正紅旗佐領文明爲正幫帶委北洋武備畢業回豫旗弁曉騎校景暉爲副幫帶分爲八隊派北洋回豫旗兵爲各隊排長教習遵照常備軍營制洋操訓練

江蘇 署江督周玉帥已將江南各路防營查照練兵處奏定章程改編名目武威左右翼擬照新章全用徵兵卽編爲南洋常備兵步隊第一標委福建補用道徐紹楨爲標統護軍正四旗編爲第二標委江蘇候補道朱恩絨爲標統常備右軍編爲第三標委儘先副將陳煦亮爲標統武威新軍編爲第四標委記名總兵龔炳魁爲標統合字五營編爲第五標委記名總兵丁華容爲標統南字三營編爲第六標委儘先副將商德全爲標統新湘五旗編爲第七標委儘先參將李雲松爲標統盛字五營編爲第八標委儘先參將戴鶴松爲標統奇兵左旗改編留防步隊兩隊仍歸儀棧蒯光典節制奇兵右旗改編留防步隊兩隊滬軍新兵一旗親兵一營改編留防步隊四隊均仍歸蘇松太道節制現駐吳淞之盛字營除挑改標制外尙餘七百餘人應改編留防步隊四隊仍歸第八標統領兼統護軍副四旗改編留防步隊四隊仍暫歸督練公所節制元字三旗改編留防步兵五隊仍委游擊劉文豹分統歸總兵陳鳳樓節制鎮字一旗改編留防步隊兩隊銘字馬隊三營改編留防馬隊八隊均仍歸總兵陳鳳樓統帶徐防步隊三營親兵一哨改編留防步隊五隊徐防馬隊左右兩營改編留防馬隊兩隊仍委徐州鎮劉青煦統帶

福建 汀州府武平縣屬龍溪等鄉一帶會匪甚多以榮華富貴四字各立會黨名目官軍迭次剿辦迄未清除該處界連江西粵東兩省閩督特咨移鄰省大吏飭屬嚴防

四川 二月初三日叙州府健爲縣屬之觀音店地方紅燈教聚衆起事匪首何姓係該地總保因官藉案勒索激而生

變聚衆一二萬聲勢洶洶龜頭若地勢險要^{距縣城三十里}先爲匪據該縣巨富王姓父子慘遭肢解初四日匪率衆撲城縣尊李大令出城抵禦不敵而退縣差練丁等十餘人被匪生擒殺以祭旗續備後軍朱管帶聞警馳剿初五日在大江干父魚寺灘岸與匪接仗斃匪數十人初六夜往攻龜頭營營壘未破擒匪二人斃匪二百人軍勇亡二人傷五人旋將匪首剿獲數徒解散

廣東 正月二十二日遂溪縣城被亂匪二千餘圍攻閉城數日附城村莊被劫一空海康徐聞各縣亂匪亦異常猖獗云 增城從化交界之鳳凰山廖劉保等各匪首揭竿起事肆行竄擾嗣經營縣會剿當獲匪首劉華元等並起出旗幟偽印等件通京省憲先將各匪正法

廣西 馬平縣屬之久隆保江等村聚匪數百人脅入會該縣周大令查知商請黃統領忠浩率同忠字營勇前往圍剿該營許弁帶勇先至久隆圍總周某告以勇少匪多不宜輕動俟各營齊到始可往攻許弁不信遂行圍剿傷斃勇丁十餘名及大隊勇至匪已逃去該軍即指周爲通匪將久隆村剿洗槍斃男婦九人銀物牛馬奪掠一空聞者冤之 甲辰十二月三十日羅融交界之高霧嶺有由黔邊竄來悍匪二百餘人伏匿其中經團紳飛稟羅城縣張大令轉稟黃統領忠立即飭照字前營左前兩哨拔隊馳往並飛調駐紫峯峒隘之照字左營前哨移駐十字岡防護高霧嶺附近各村據本年正月初二日照軍左營前哨甫抵十字岡匪正撲攻平漂之覃村與團練開仗當即拔隊疾進大呼奮擊斃匪數十匪始奔逃初三日勇團會同追至甲朶地方時由縣城派來之兩哨照軍亦至即聯絡進逼高霧嶺分路入山搜捕匪之伏於懸崖密箬中者伺隙放槍傷及勇丁數名各哨官命焚山林排槍亂擊匪難藏匿悉行逃竄三哨跟踪追剿沿途擒斬多名 羅城縣屬趙家堡趙姓數百戶聚族而居正月十五日夜游匪百餘人竄至搶掠擄去婦女十餘人及牛馬

軍事

一百七十五

乙巳

軍 事

一 百 七 十 六

四 月

金銀衣物無算十六日駐防大慶軍後營右哨聞報馳往偵知匪黨羣聚貴江班鳩隘立即帶隊馳擊匪徒死傷十餘名擄賊逃遁僅奪回被擄婦女及牛馬衣物等件 正月十七日羅城縣屬羅社堡之獅子山有匪七八十人巢穴其中該堡團紳請兵未至匪已出巢攻掠附近之姚村潘村照字後營中左兩哨聞警趕至分勇一哨入獅子山焚燬匪巢堵匪歸路然後督隊馳赴潘村圍而攻擊匪大駭潰突圍狂竄軍追剿十餘里擒斬三十餘名匪向天河縣境竄去 黃統領忠浩於二月中旬在獨家村擒獲著匪冷狗二蘇二王四張貴生四名並獲接濟匪用糧食鎗碼之張老七莫令祥莫光亮等一併審實正法又擊斃王三王滿王小弟莫三等多名又其部將周寶華在九萬山擊斃著名匪首梁萬順

六 經該匪婦覃氏辨認無訛

貴州 黔邊各股游匪併聚月牙各隘憑恃險峻抗禦官軍悍匪千餘人脅從者約二千餘人黔軍偵知移請桂省榮字軍陸統領榮廷會剿陸親統五營直抵月牙附近之巴羅卡查知匪勢浩大恐此攻彼竄即飛移黔軍各營嚴堵竄擾獨山等州縣之路又撥勇一營駐紮南丹土洲邊界之鎮南寺防匪回竄南丹布置完密督師前進月牙各匪股以大肚周滿爲最悍遂親督兩營先剿該股匪於月牙之馬鞍山飭譚德明黃培桂兩營併紮太平隘防堵月牙西路各股援應馬鞍山在月牙墟東路形勢險峻原有團寨爲大肚周滿踞爲巢穴陸率榮字中營既抵馬鞍山對面之馬尾坡放槍數排該匪竟不還擊哨弁農天祿率勇三十餘人逕至山下欲奪山寨匪槍齊發被傷勇丁十一名陸命測放快礮立將匪寨轟燬各弁勇乘勢奮擊槍彈並發匪徒退入山中擊斃不少匪自西路來援馬鞍山者亦經黃譚兩管帶督營堵截陣殲多名紛紛退回月牙墟次日陸榮廷親率中右兩營分四路入山每路用快礮一尊衝鋒鏢擊轉戰而前匪衆駭潰奪路奔逃官軍追擊十餘里沿途擊斃數十人生擒二十一名嗣復移師太平隘與譚黃兩營併紮四營合剿月牙西路各股

匪衆初亦死拒旋因官軍槍礮精利死傷甚衆紛紛潰退陸統領督率各營追至高塔里始駐營伏息計陣斃及跟追擊斃者約二百餘人救拔難民三十餘丁口

日俄戰事紀要

奉天附近戰

日軍之在奉天方面者以正月十六日開始運動與俄軍鏖戰十七日日軍右翼兵團攻擊天合嶺及榛子嶺附近之俄軍約步兵二大隊砲兵三兵中隊繼有山砲兩尊 午後四鐘半遂佔獲該嶺俄軍棄屍二十向金斗峪地方而退其左翼兵團則逐退高力營及始嶺嶺附近之俄軍約有步兵二大嶺附近之俄軍約步兵一中隊而佔其地十八日午後四鐘俄軍約一中隊在英守堡在灣柳河西南附近向日軍轟擊日軍遠砲擊之至日沒始止十九日午前十鐘灣柳河附近之俄軍砲擊日軍右翼兵團之前哨正午俄步兵約三中隊砲擊日軍右翼兵團之左翼又約一中隊逆襲日軍左翼兵團之右翼然皆擊退之午後日軍右翼兵團攻擊灣柳河附近防禦工事之俄軍約步兵一中隊 勝之中有一部未受俄軍抵抗遂以午後四鐘佔領金斗峪其左翼兵團則向南台子前進預備攻擊清河城附近之俄軍時有俄步兵四中隊逆擊而來皆擊退之二十日依預定方略進攻清河城是日適降大雪咫尺莫辨加以太子河冰方融解諸隊運動極困難而俄軍又據守天險築有堅壘抵抗殊力故至日沒不得已而停戰二十一日兩軍復戰各以炸彈相擲惟日軍分兩路夾擊俄軍不支遂於午後六鐘佔領清河城全部俄軍敗後悉向馬鞍山方面退走棄屍戰場一百五十具俘虜二十四名又奪獲機關砲三尊洋槍二百枝槍彈十萬枚是日應戰之俄軍爲豫備步兵第七十一師團携有野戰砲二十尊各中隊約一百五十名而其二三中隊幾於全數覆滅二十一日黎明續行攻擊日軍右翼兵團進至西川嶺附近左翼兵團則在大嶺附近與俄軍約三大隊乃由東部西伯利亞祖亞祖步兵第二十二團及預備步兵第七十

軍事

一百七十七

乙巳

一團之部 交戰直至日沒收隊二十三晨日軍續行追擊右翼兵團驅逐少數之俄軍以午後三鐘佔領五龍口左翼兵團則逐退八盤山附近之俄軍更進佔五百牛坡其枝隊則與大嶺俄軍對峙是日俄軍創甚遂燬沿道之村落而退二十四日日軍右翼兵團更前追擊與俄之新兵四伯利亞祖擊步兵第二三四兩團戰於地塔附近以至於日沒左翼兵團略與俄軍交綏因地勢阻礙未至實行攻擊二十五日午前四鐘東勾山及唐家屯北方高地之俄軍先向日軍發砲日軍略出應戰午後一鐘全兵團齊起砲擊俄軍損害極大自西孤嶺東北高地經王富嶺北方高地以至松樹堡于南方高地一帶陣地悉為日軍右翼兵團佔領中央兵團亦於是晨砲擊俄軍砲聲漸沈遂毀防禦工事而退其左翼兵團方面之俄軍則以砲隊居前向李大屯啞叭臺及沈旦堡附近轟擊而阻於日軍主力故不得越狼洞溝而前日軍迂迴兵團之右翼隊於午前八鐘佔奪肖在門並擊退俄騎兵於良加子附近向北前進其中央隊屬迂道則於鄭家屯北方擊却俄軍而至老窩棚其左翼隊屬迂道則與俄軍相遇轉戰北進遂將三道溝至榛子嶺一帶佔領二十六日日軍右翼兵團之右翼隊將王富嶺北方高地及高臺嶺佔領左翼隊屬右翼將小堡溝子及姚千戶屯佔領惟中央隊屬右翼因受前老子溝及軍頭嶺方面之俄兵縱擊故攻擊東勾山未能奏效其左翼兵團逐次北進迫近俄軍陣地而俄軍兵力原有野砲二十四中隊重砲四中隊後復增加力為抵抗故日軍突擊未能得手入夜又襲王家窩棚李家窩棚殊亦無效反受俄軍逆襲然日軍勇敢卒擊退之迂迴兵團之右翼隊是夜一鐘佔領自三家溝至張家堡一帶之地中央隊屬迂道則由大黃徐堡及牛心地一帶繞行四方臺俄軍側背而達蘇家安附近與右翼隊協擊四方臺之俄兵至午後一鐘遂將四方臺全部佔領而其騎兵亦於是日佔領大民屯及新民廳二十七日右翼兵團之右翼隊佔領高臺嶺東方之高地中央隊屬右翼則於天未明時至長勾附近攻略俄軍第一陣地中央兵團向萬寶山俄軍攻擊勝之惟未

能即拔至夜中央隊屬中央兵團為俄軍逆襲即擊退之左翼兵團於午前八鐘以左翼隊之一部侵入長灘以右翼隊及中央隊佔領北臺子及李家窩棚王家窩棚等處後又向金山臺孤家子周官堡及王周臺之俄軍猛攻俄軍潰遁遂將周官堡及王周臺佔領日軍乘勝進擊俄軍悉向東北而退迂迴兵團派右翼隊進抵張站附近夜有俄步兵五大隊來襲悉拒退之中央隊及左翼隊兩隊皆屬迂迴兵團則與右翼聯合迫退俄兵於東北二十八日黎明右翼兵團之左翼隊佔領後松木堡子北方之高地及唐家屯北方之高地復向俄軍扼要地線攻擊前進中央隊及右翼隊兩隊皆屬迂迴兵團亦相繼進擊至夜俄軍大部隊向日軍左翼潛襲四次皆為日軍擊退俄軍損害極大又俄步兵約一大隊侵入奉集堡及上瓦房亦為日軍擊退左翼兵團之右翼隊佔領三家子小房身孟達堡諸部落中央隊屬左翼兵團則佔領銀爾堡後面之歪家堡附近之地迂迴兵團之右翼隊敗俄軍於彭驛店附近向林家臺方面追擊其他諸隊亦擊退俄軍於東北日軍遂進至德勝營子及達子堡拉木河之地二十九日午後四鐘右翼兵團之枝隊遇俄兵於五家堡擊退之中央隊屬右翼兵團與左翼隊屬右翼兵團聯合向邊牛泉堡北方高地攻略俄軍第一陣地中央兵團之左翼隊則與左翼兵團之右翼隊聯合前進迫逐俄兵於東北午後一鐘遂佔領來神堡及武鎮營左翼兵團之中央隊佔領蘇胡堡其左翼隊屬左翼兵團擊退前崔家堡附近之俄軍至夜又向沙坨子舊鐵道橋一帶攻擊由魚鱗堡附近迫逐俄軍之右側背迂迴兵團之枝隊是夕佔領李漢堡之俄軍陣地其別一枝隊進至大石橋及前心臺子附近右翼隊屬迂迴兵團則與左翼兵團聯絡攻擊俄軍三十日日軍右翼兵團派遣枝隊至馬羣灘方面下午三鐘半奪取東孤嶺並其北方之角面堡是夜右翼軍方面及佟家墳北端皆有俄兵來襲均擊退之中央兵團之右翼隊是日午前八鐘佔領柳匠屯圍俄軍於中央之複郭其左翼隊屬中央兵團同時佔領四方臺至英禹一帶至正午又將西部漢城堡佔領進攻高力屯是日蘇家屯車站俄軍自行焚燬左翼兵團則於是晨

軍事

一百七十九

乙巳

軍 事

一 百 八 十

四 月

估領達連屯至小蘇家堡一帶又向真家堡楊士屯一帶攻擊迂迴兵團之中央隊攻奪李官堡之俄軍陣地其左翼隊
迂迴則由大石橋前進攻入轉灣橋五臺子一帶騎兵隊亦直抵前心臺子遺其一部佔領楊馬廠二月初一日右翼
 兵團於馬羣灘方面派遣枝隊佔領神子勾南方一帶高地追擊三家子方面之俄軍直至頭道溝中央兵團於奉天街
 道附近與俄軍對峙其左翼隊屬中央則於沙河堡及東部漢城堡蘇家屯北連子營二台子等地與俄軍對峙惟東部
 漢城堡俄軍抵抗極強且兵力漸增故未奪取其地迂迴兵團因欲攻擊奉天及奉天之西故先攻奪大石橋至平羅堡
 之地是日俄軍約一師團擄破七十尊向高力屯全臺之間攻擊而來日軍擊退之後復進與日軍相持以至於日沒初
 二日午前三鐘日軍右翼兵團方面約俄步兵一隊由唐家屯北方高地向之攻擊日軍極力抵抗俄軍敗退棄屍三十
 具中央兵團方面之俄軍則於上午二鐘猛向日軍右翼擊未幾又約步兵四大隊由正面來襲日軍逆而擊之戰至
 四鐘半即將俄軍擊退其左翼隊屬中央續向東部漢城堡擊午前十鐘全將該地佔領並擊退高力屯附近之俄
 軍佔地益廣是晨右翼兵團續攻李官堡迂迴兵團助之始佔其地三分之二迂迴兵團之左翼同時向北陵及張家子
 繞行圍攻至晚即佔領轉灣橋至張家子一帶之地初三日右翼兵團及中央兵團前面之俄軍全數退却二兵團先後
 追擊中央兵團之右翼隊向娘娘寨班子寨之間追擊潰退俄軍直至荒山附近俄軍大受損害左翼兵團自前日以來
 屢受俄軍逆襲苦戰之下始將俄軍擊退是時某旅團在李官堡忽被俄軍包圍日軍奮勇抵抗俄軍死傷甚多午前十
 一鐘俄軍即已動搖日軍乘勢追擊遂迫俄軍於奉天方面迂迴兵團亦將該方面俄軍猛力擊退佔領小集屯及八家
 子三臺子等地其一部隊則將奉天以北鐵道破壞俄軍轉運遂由此絕初四日右翼兵團將其前面俄軍逐退進至渾
 河右岸以擊守備該處之俄兵至晚復進至礮山堡及彭家樓附近是晨中央兵團佔據渾河左岸之防禦工事以與俄

軍對峙並逐退渾河堡附近之俄軍復向奉天北方攻擊前進初五日上午馬羣濼方面北進之日軍得右翼兵團右翼隊之助攻擊撫順北方高地及地塔北方高地至午兩處俄軍皆為擊退更進追擊旋將濫泥窪喇嘛溝一帶佔領同時中央隊屬右翼兵團佔領興隆甸北方高地續行追擊並將護山堡奪取是晨左翼隊屬右翼兵團將舊站西北之角面堡及其附近俄軍擊退繼又進攻彭家樓北方高地及達連堡子北方高地之俄軍接戰之下並擊退之同時中央兵團之右翼隊將七間房附近之俄軍擊退午前十鐘半進至王家勾東方互趙家溝一帶時俄兵約一大隊當前逆襲日軍力擊退之十一鐘佔領王家勾以南之高地續攻奉天街道退却之俄軍其別一部隊同時佔領魚鱗堡北方至二臺子一帶以斷俄軍退路左翼隊屬中央兵團於楊官屯西面渡涉渾河擊退右岸之俄軍更前追擊左翼兵團向大堡及新堡攻擊以牽制俄軍午前十鐘即將該二地佔領並向馬頭西塔太平莊及後塔一帶攻擊前進迂迴兵團之左翼以攔截俄軍退路為目的於午前十鐘向胡士臺前進中央兵團之一部及左翼兵團之一部則於同時佔領奉天於是俄軍咸向北退更據鐵嶺為防禦地矣溯自開戰迄終凡二十一日俄軍之與於是役者共步兵三十萬零八百人騎兵二萬六千七百人大斃一千五百六十八人俘虜約四萬數千人死傷者十一萬六千五百人日軍死傷亦四萬一千二百三十二人

中立彙誌

中國 遼陽州知州陳良杰前經日軍拘去旋即釋放後又查出其通俄實據有陳署中十人為証復由駐華日使照會外務部請中國自行照中立條例辦理以保全中國主權 日本以俄國通告各國謂日軍出奉天之後必取道蒙古為違犯中國中立即以俄軍蹂躪中國主權六事以答辯之一俄命其兵約二百名分駐庫倫徵發牛馬二俄軍小隊自開原附近入於蒙古內地三俄兵一隊與其所雇之蒙古兵共以車三百輛滿載槍砲彈藥經蒙古出小庫倫為中國官吏

軍 事

一 百 八 十 二

四 月

扣留四俄國特遣騎兵三百於東海惘喝中國官吏令其釋放軍火車輛五遺騎兵三百名巡邏蒙古之鄂爾羅斯地方
 六從蒙古經過張家口以運送彈藥被中國官吏查獲充公 約東駐滬俄兵章程五條迭經日領事照催開辦江海關
 道袁觀察向俄總領事一再磋商甫於二月十三日就緒即電外務部及南洋大臣略謂現將辦法五條與俄領商定悉
 遵憲臺指示並擬在浦東四五里外擇地一區以備俄弁兵散步免致游行租界滋事已行縣委會勘俟擇定再與俄領
 彼此備文切實遵守云云 二月初旬奉天西路遊擊馬隊管帶阮鳳翔及知縣馬某奉派赴新民府公幹行至塔灣被
 日本卡兵拿問旋由其身畔搜出俄國路照一張日員指為俄軍偵探駢首戮之 二月初旬奉天增將軍電告政府略
 云日軍既占領奉天俄軍敗退道經中立界之昌圖府盡情蹂躪橫暴無所不至祈迅與俄使交涉等語政府接電以俄
 軍敗退有心破壞中立擬要求俄政府賠償損失云 又奉天增將軍專弁至京咨呈外務部謂日軍到奉天稽查各局
 所公牘拘去候補道以下數人有某都司即被槍斃請即照會日使詰問云云 奉天俄軍敗退時命一將校率兵多名
 擁入將軍署中稱奉苦魯巴金將軍之命請貴將軍至城外增將軍答以奉命坐鎮奉省未便擅離寸步俄將校怒將增
 將軍及其幕僚十餘人拘向北去後幸俄軍敗潰逃竄不遑兼顧增將軍等始得乘間逸回奉天省城云 外務部致北
 洋大臣電稱據日本公使照稱遼河西岸軍隊業於二月初五日一律撤去望即飭知各巡隊按界分段嚴防勿任戰國
 軍隊再入中立界內云云 駐華俄使照會政府指稱馬玉崑所統華兵在新民屯與滿洲鐵路附近會同鬻匪攻擊俄
 兵實為不合 政府以俄兵闖入遼西地方又在新民府與日軍開戰是該國有意不守中立恐其漸次西下竄入關內
 特由軍機處密電北洋大臣袁慰帥暨直提馬軍門飭將應需軍火迅速備齊通飭各處防營及關內外鐵路一帶嚴加
 巡防以備不測云 俄國將中國不守中立五事布告各國後駐美俄使復與美外部函札往還辨論此事俄以中國即

不認有違背中立諸事然在烟臺之勒斯起及納驅逐艦爲日艦潮沙所捕與中國竟不阻止其不能謹守中立或不願謹守中立已可顯見言詞之間頗含忿怨中國之意美外部答以美國終信中國之能確守中立且深願兩國均不破壞中國中立惟此事俄既布告各國美國未便獨籌善法似宜由各國公同會議云云旋美外部復致電駐華美使令其轉告中國外務部言美國深望中國謹守中立倘或不慎非獨中國受累即有關限定戰地之各國恐亦難免云云駐滬日領事聞俄艦奧斯科有擬添裝煤斤五百噸之事因致函江海關道袁觀察言該艦前次曾裝煤斤五百噸稅務司查稱三百噸尙未得其實在情形乃事滿匝月該艦又欲裝煤何以所需如此之鉅應請貴道嚴密根究勿任朦混等語袁觀察覆以來函所謂擬添裝者尙未實行裝儲究竟奧斯科有無添裝之意現經函囑稅務司探查防範俟復到再行布告云云 駐華日使照會外務部略謂奉省俄兵業已悉退邊疆以外聞有潰逃兵弁隱匿於遼河西各村莊者希轉飭曉諭商民如有逃匿俄人務即縛送就近日署慎勿容留自取咎戾已由外務部電咨轉飭遵照 奉天增將軍咨行外務部略謂該處電報既多阻礙而隱遞公文又往往經戰國卡兵攔截毀滅且時將驛卒殺害以致文報阻滯請照會日使務飭該卡兵等遇有公文往來萬勿阻截致誤要公云云外務部即據以詰責日使畧謂兩國相爭不斬來使況局外中立之文報於戰事毫無干涉何得擅行截殺相應照會貴大臣查照飭行該卡將截殺驛卒之兵弁等嚴辦并將被殺之驛卒自兵優給撫卹以彰公道云云 日軍入奉天後將驛巡道王頤勳等十九人拘去外務部得電後即向日使力爭日使轉電日軍旋即釋放 二月中旬吉林富將軍有急電至京報稱有無數俄兵竄入吉林請外務部照會俄使轉飭俄兵勿得騷擾

各國 自正月下旬起至二月中旬日本又獲裝載禁品之英輪多艘一威納斯二阿佛羅帶三帕巴吞四哈羅邊甫其前次所捕之克因阿特爾則判定充公其薩克孫激令斯則由裁判所釋放所載貨物亦已一律給還 又塔科買輪船由美國西方之細德爾海口起程向海參威進發行至日本北海道爲堅冰凍住遂被日艦拘獲 甲辰七月海參威俄艦隊擊沈之英國商輪奈喀曼達英國已向索賠英金十萬鎊俄國亦已備文待償惟未有欲將此事付諸公斷之意至擊沈協生輪船一事英國亦向俄國索賠

軍事

一百八十四

四月

俄易統將

俄廷將苦魯巴金將軍撤去滿洲軍司令長官之職而以陸軍大將連尼維趨繼其任苦將軍則降為滿洲第一軍司令官

日封軍港

俄國海參威軍港已被日本瓜生司令官所率之艦隊封鎖一切輪船不能出入

各國軍事紀要

韓國 韓國改革兵制須將原有之兵額裁減及半現已決定練兵十四大隊每隊六百名

日本 正月十七日臺灣土人聚衆突攻電氣公司殺斃日人十四名中有婦女三名此外又檢腦公司中日人亦被殺斃數名

土耳其 香港報得倫敦電云土耳其回教人倡亂殺死亞美尼亞省人千餘名

俄國 倫敦電俄國奧利爾與特爾尼古夫省之鄉人結黨數千焚劫鄉村俄官已派大兵往剿 又電莫斯科之克列莫姑城被亂黨炸毀城壁俄官索犯甚急 倫敦路透電俄國村民在奧爾爾及舍尼哥兩省劫取俄皇及皇室之產業

倫敦電狄列比亞地方忽起擾亂警察署長為人所刺 大阪電波羅的省之多爾配特地方又亂其勢甚烈 倫敦電俄人在俄國南境希夫喀爾喀夫城縱火焚燒致物業被毀者約值數兆盧布 又電波蘭苦勞省有均富黨舉亂瓦爾預亂民亦與官兵格爾斯吐魯之亂黨與官兵互有死傷 又電瓦爾預警察長娜爾坎男爵因查辦亂事經過徹斯士拉河有以炸彈投入其車內致受重傷其兇手旋即被獲 又電格里米亞半島東南海口之葉爾泰地方有亂該處警察營房及貨棧酒坊等均被搗毀警察長負傷并焚毀店舖甚多近已飛調官兵并由色伐斯拖波遣派兵艦數艘前往彈壓

馬基頓 馬基頓尼亞近有亂事以哥斯脫支土地地方為最甚

西班牙 西班牙國民肇亂業與官兵戰於巴西郎納之郊外

非洲 非洲東部素墨利蘭有亂該處白那大海濱之曼塔加城中居民悉被素墨利蘭人屠洗

外交

論德皇頒給周制軍寶星事 錄乙巳二月初三日中外日報

昨日柏林電報言。德皇以頭等普魯士冕旒寶星一座。賜與前任山東巡撫今任兩江總督周馥云云。本館按德皇此舉。若止屬尋常之酬酢。與中國全局。並無關係。即不必加以深求。討論其事。然執筆人深思之。則似德皇以此項寶星。賜與周制軍。其命意實有兩端。其一。必由周制軍任東撫時。與德人交情最篤。事事惟德人之命是聽。使德人之權力。得潛滋暗長。於隱微之中。而使人不之覺。故德皇特有此賜。以追酬其前勞。一也。其二。則自周制軍任江督後。論者咸謂德人之勢力。向之恢張於山東者。今將移而恢張於長江流域。此雖過慮之詞。然德人前此本有索取鄱陽湖操練兵艦之議。近者又有包辦製造局之議。其機緘之發動。已不可諱。匿。今德皇此賜。或即示恩惠於周制軍。使之趨向德國之意。與日俱深。而日後德人有所要求。不難如願以償。譬之今日下種。而異時收其實焉。未可知也。二也。此二者據事推求。或不免鄰於逆億。然觀於德人近日之得步進步。有隙即乘。與夫周制軍之承順外人。惟命是從。實亦不能不作此慮。竊謂今日所當為周制軍及政府告者。約有二端。其一。則

外交

十七

乙巳

大。江。南。北。各。省。實。為。財。賦。所。自。出。其。地。土。之。膏。腴。物。產。之。豐。盈。就。中。國。全。國。而。論。殆。無。其。匹。外。人。之。覬。覦。者。極。多。徒。以。無。費。而。動。慮。為。人。所。指。目。足。以。害。和。平。之。大。局。故。雖。百。方。窺。伺。而。皆。不。敢。先。動。今。若。有。一。國。捷。足。先。登。則。自。餘。諸。國。皆。將。接。踵。而。起。而。使。我。予。之。則。不。可。拒。之。則。不。能。且。其。機。既。自。我。啟。之。則。更。無。可。措。辭。以。塞。其。口。故。今。日。為。江。督。者。惟。有。力。保。主。權。之。一。策。無。論。來。要。索。者。為。何。國。所。要。索。者。為。何。事。皆。當。一。律。不。許。雖。不。能。見。好。於。一。國。而。亦。不。致。見。責。於。別。國。而。此。國。既。不。能。嘗。試。則。他。國。亦。無。可。效。尤。庶。不。致。以。禍。大。江。南。北。各。省。者。禍。及。中。國。全。境。此。則。執。筆。人。所。禱。祀。以。求。者。也。其。二。則。外。人。之。謀。人。國。也。率。於。人。所。不。經。意。之。地。預。植。其。基。礎。以。為。下。手。之。方。迨。其。後。則。歲。月。愈。久。權。力。愈。大。則。主。國。雖。甚。悔。之。而。已。無。可。挽回。至。其。規。佔。之。法。則。大。都。兩。國。意。見。相。同。者。率。先。使。一。國。啟。其。端。而。彼。國。從。而。踵。其。後。使。我。無。可。爭。執。抑。或。兩。國。互。相。猜。疑。注。意。各。別。而。有。一。國。因。利。乘。便。遂。其。所。大。欲。則。彼。一。國。不。甘。向。隅。必。且。援。利。益。均。沾。之。說。以。向。我。要。索。前。者。俄。占。旅。大。英。占。威。海。實。其。明。證。故。中。國。之。對。待。各。國。極。宜。一。意。持。平。不。宜。開。罪。一。國。使。其。有。所。藉。口。尤。不。宜。偏。重。一。國。使。人。從。而。生。心。今。周。制。軍。方。任。江。督。時。外。人。即。噴。有。繁。言。謂。德。人。於。江。南。必。將。大。得。利。益。及。去。冬。用。德。人。為。製。造。局。監。督。西。報。即。謂。德。人。之。勢。力。必。將。因。之。增。長。及。此。次。德。皇。賜。以。寶。星。外。人。疑。議。又。起。

謂必有命意所在。夫古語有曰。月暈而風。礎潤而雨。事有必至。理有固然。今周制軍尙無所表見。而人言已藉藉如此。萬一周制軍所爲。果如輿論之所逆料。則其爲患。又豈可勝言。是則保持主權。勿於國勢危疑。列強窺伺之時。存畸重畸輕之見。以致先則爲人所籠絡。繼則爲人所挾制。此則兩江總督之責也。留意於南方之交涉。勿使封疆大吏。意爲輕重。徇其所親。嚮以致釀禍於無形。貽悔於日後。則政府諸公之責也。

論交際與交涉之界限錄乙巳第七號外交報

外交之事。繁複極矣。紬其性質。不過兩端。一屬於事權。施者受者。皆有利害之關係者也。今謂之交涉。一屬於感情。施者以是爲愛憎敬鄙之別。而受者以是爲恩怨榮辱之判者也。今謂之交際。其事相因而其界則隨文化之進步而漸晰。

矇昧之世。不知有平等之義。不知有兩利之道。非壓制人。則被人壓制。壓制人者。喜則愛憐之。怒則踐踏之。被壓制者。愛而諂媚之。畏而禮敬之。皆因交涉而生交際者也。其後遂互相循環。兩者膠固而不可分。觀其內政。凡有權者對於無權者。受其詔事。則遽以重任付之。不問其勝任否也。其或有罪。則從而掩護之。或枉法以徇之。如祁午之內舉。不避親。外舉不避仇。蘇章之今日與故人飲者。私恩。明日按事者。公法。且羣以爲希有之事矣。其於外國也亦

然。婁敬主持和親。謂俟其生子而嗣位。必無以外孫伐舅之事。宋金交涉。至用叔姪之號。即西洋古代。亦往往有因兩國婚媾而并爲一國者。此皆交涉與交際相混也。

文化漸進。則內有憲法。而外有國際法。有憲法。則民人之於政府。固敬愛有加。而政府亦不能受而無報。至於政治法律之關係。則苟有不合。指駁抵抗。不遺餘力。是以在議會。有監督內閣之權。在裁判。所有控告政府之例。其界限固甚晰也。由是推之於外。以爲國際法。則無論國之大小強弱。苟其有自主權者。其互相遇。毫無差別。即或往來聘問。偶有親疏之等。而權利所關。乘間蹈瑕。無所顧忌。一也。法德世讎也。而交際如常。英德姻戚也。而競爭甚劇。雖復兩軍開戰。如今日之日俄。而禮遣使臣。優待俘虜。初未嘗有所遷怒也。其界限畫然如此。

近者盛行宮廷外交。論者謂各國君主或總統之會遇。往往足以解決外交界之難題。而各國外交官。每歲糜祕密費甚多。皆專供要結外國權要之用。此皆以交際爲交涉之後援也。然其術特行之以籠絡他國。而決不肯自受籠絡於其術之中。此固不待智者而知之矣。異哉。我國之外交。海通既六十年。而一切尙以感情從事。其始也鄙夷外人。賤之如番獠。士大夫不屑與交涉也。亦且不屑與交際。偶有一二留心外事。稍稍揣摩其風習。如曾惠敏李

文。忠。其。人。者。則。羣。目。之。爲。漢。奸。遇。有。交。涉。則。悉。以。委。之。若。以。爲。能。與。外。人。交。際。卽。足。以。當。交。涉。之。任。也。故。李。文。忠。之。與。伊。藤。博。文。議。和。也。乃。全。以。故。人。之。交。誼。一。己。之。地。位。向。之。乞。憐。此。實。我。國。外。交。家。之。代。表。矣。自。屢。經。戰。敗。情。見。勢。絀。羣。知。外。人。之。不。可。侮。而。交。涉。漸。繁。有。事。權。者。無。可。以。委。避。乃。競。起。而。講。交。際。之。道。庚。子。以。後。上。自。宮。廷。下。至。地。方。官。吏。其。所。以。與。外。人。交。際。者。宴。會。餽。遺。無。不。竭。力。奉。迎。以。求。得。其。歡。心。夫。以。我。國。官。吏。之。素。講。體。制。於。同。國。之。人。品。級。稍。殊。卽。不。肯。假。借。禮。貌。彼。外。人。之。與。我。交。際。也。何。嘗。不。以。其。與。我。相。當。之。品。級。爲。準。今。也。苟。屬。外。人。卽。無。不。可。以。平。等。并。其。平。日。所。斷。斷。之。體。制。而。亦。犧。牲。之。蓋。其。交。際。之。道。若。是。乎。其。勤。懇。也。彼。固。以。爲。吾。之。交。際。勤。懇。如。此。外。人。其。或。愛。我。諒。我。而。於。交。涉。之。時。大。得。其。退。讓。也。夫。外。人。之。與。吾。交。際。初。何。嘗。不。亦。以。勤。懇。相。酬。然。及。其。事。權。所。關。則。得。寸。得。尺。決。不。稍。讓。乃。轉。持。平。日。之。交。情。以。迫。吾。使。不。得。固。執。也。嗚。呼。交。際。之。效。果。何。在。哉。

且。今。之。講。交。際。者。不。惟。將。以。禮。貌。也。乃。遂。賡。以。事。權。苟。其。爲。素。所。交。際。之。外。人。則。時。而。索。路。權。也。時。而。索。鑛。權。也。時。而。圖。局。廠。之。職。位。也。時。而。邀。顧。問。之。特。權。也。則。皆。不。敢。不。許。以。爲。一。拂。其。意。則。平。日。所。費。無。量。之。交。際。皆。將。掃。地。也。嗚。呼。始。也。以。交。際。裨。交。涉。繼。也。乃。犧。牲。交。涉。以。就。之。不。亦。顛。倒。之。甚。乎。

要。之。外。交。之。道。在。審。機。應。變。彼。與。我。接。者。果。其。以。交。際。爲。交。涉。也。則。吾。以。是。應。之。而。利。用。以。達。吾。交。涉。之。的。可。也。今。也。彼。之。於。此。界。限。極。嚴。特。偶。然。借。此。以。爲。籠。絡。矇。昧。者。之。一。助。而。我。乃。竭。誠。奔。命。以。投。其。術。中。耶。願。外。交。當。局。慎。之。

閩浙總督魏奏辦理閩省交涉各案情形片

再閩省當南洋之衝各國人民游歷經商絡繹不絕交涉之事日益繁多而洋人傳教內地更幾於無處蔑有漳泉等府出洋謀生者不下數十萬人僑寓既久輒人外籍籍民教民既多動易滋事臣蒞任後即經通飭各屬凡遇一應詞訟一體持平審理數月以來訪查各屬地方民教尙稱安謐至日本僧侶向無准在中國傳教之約乃漳州泉州一帶內地比來竟有日僧收徒布教賃屋設堂藉口中日通商行船條約第二十五款一體均霑之語朦混牽引疊經臣照會駐廈門日本領事按約駁阻並電准外務部核復亦以該約第二十五款與傳教無涉不能強爲牽引照會日使駁論內外堅持冀可稍伸補救此臣到任後辦理教案之大略情形也又查閩省鑛產經前督臣許應駁設立鑛務局將汀州建甯邵武三府屬地方與華商華裕及法商大東兩公司訂立合同限三年內在指定地方覓地開採嗣由大東公司派來鑛師法人顧爾變勘定邵武金鑛請照開采前署督臣李興銳遵照部章飭繳

賄費該公司抗不遵辦實屬自取耽延乃竟請彼駐使向外務部索償鉅款經臣照會駐福州法領事據理剖說旋准領事照復已能稍就範圍正在派員與商適該領事請假回國以致尙未成議又前督臣許應騫任內設立官腦局用日本人愛久澤直哉爲製腦技師由該技師保借日商三五公司洋銀二十萬元作爲官局成本乃開辦以後該技師不遵合同糜費鉅款又復擅派日人往內地各處緝私致將英商領單采辦之腦肆行攔截多起英使屢向外務部索賠商虧前署臣李興銳飭將英商扣腦發還內地日人撤退該技師均不遵辦始終任意妄爲李興銳卽飭辭退技師停辦官局該技師悍然不顧仍前把持更肆勒索疊經外務部與日使辯論迄無端倪臣蒞任後細核檔卷訪察情形因卽電咨外務部轉商日使彼此另議辦法總以無礙中國主權不背各國條約爲宗旨現准外務部電復日使業已認允派駐廈門日本領事上野專一前來會議刻該領事尙未到省揣度情形將來當可和平了結以上各案除移交兼署督臣崇善核辦外謹附片具陳謹 奏

南洋大臣兩江總督周札飭江海關道袁核議上海會審公堂修改章程文

光緒三十年十二月二十五日准外務部咨本年十一月三十日准奧美德法英俄和韓比義日大西洋日本十三國駐京大臣聯銜照稱上海會審公堂修改章程一事原章係於一

外 交

二 十 四

四 月

千八百六十八年經各國大臣與總理衙門會同商定嗣後會審案件年盛一年至一千八百八十八年展租界後應歸公堂所轄人數愈多會審案件更格外加增因此修改章程甚爲當務之急是以駐滬各國領事官已商擬修改公堂會審章程節略轉送駐京各國大臣核商本大臣已會議多次茲將所定章程節略照送希即核明照允以便按向來辦法迅速頒布施行等因本部查上海爲通商總匯華洋輻輳會審案件日益煩多自同治七年議訂會審章程十條奉行已久自應因時制宜酌量改修以期益臻妥善惟原章係由通商大臣轉飭江海關道酌擬經總理衙門覈定照會各國大臣開辦此次所送章程節畧仍須參酌地方情形彼此有益無損庶可一律遵守相應照錄原件咨行貴大臣飭該關道逐條詳細核議聲覆以憑酌復商定可也等因並抄單到本大臣承准此合行抄單札飭札到該關道卽便遵照咨飭事理逐條詳細妥議稟復核咨毋稍率忽此札

修改會審章程 第一 (甲)上海會審公堂所有詞訟案件應立華文冊檔將每案分註冊中按次編號凡收狀日期兩造姓名籍貫何處控告何事開審後所有按日堂斷堂諭以及復訊上控訊辦各事亦須一一註明并將結案之堂諭詳註冊中 (乙)所有刑名案件亦須照立華文冊檔一切詳註各條與上文同 (丙)以上兩項冊檔凡與本案確有關涉

之人皆許隨時查閱 第二 會審公堂所審各案除中外會審官員商定有關風化之案應行密訊外其餘各案均須任人公聽 第三 會審公堂華官應以實缺同知任爲正堂凡控告洋涇浜北租界內無論何品之中國人員均可一律審斷又應有一二華員任爲副堂以便承訊正堂交審之案其品位應不亞於候補同知其委撤之權均操之上海道 第四 (甲)除通體關涉華人案件外其餘各案均應有外國官員會審此外國官員應視各國商民照約應得之利權由各國領事官分別派委 (乙)中外堂官如有意見不合未能結案之處應請上海道及案內外國人之本國總領事官或領事官復核 第五 會審公堂牢獄須照洋涇浜北租界工部局止疫章程辦理並由該工部局醫官稽查 第六 凡居住洋涇浜北租界內之華人無論何案經會審公堂提究傳訊所出之提傳各票應由領銜總領事畫押蓋印方能施行若被告係外國商民雇用者其提票須由該東人之本國領事官畫押蓋印方能行提 第七 凡詞訟刑名各案如有外國會審官在座二造均可聘用律師惟律師先須呈明已在駐滬本國領事署堂下邀准方能在會審公堂充當律師 第八 凡審訊案件本案之中外堂官如以爲律師不遵命令即可暫禁其在本堂充當律師其暫禁限期不出一箇月如經該律師之本國領事官允諾則暫禁之限可展至六箇

月 第九 凡審訊案件如照華例並無成案可查會審公堂應照商民相沿之法公平斷
讞 第十 凡案內所有之人務須悉遵會審同知隨時所定由各國領事公允之堂斷
第十一 凡原有之章程各條與此項續改章程不相牴牾者仍照舊施行

附錄上海洋涇浜原定設官會審章程

同治七年即一千八百六十八年頒行

一 遴委同知一員駐洋涇浜管理各國租地界內錢債鬪毆竊盜詞訟各等案件立一公館置備枷杖以下刑具並設飯歇凡有華民控告華民及洋商控告華民無論錢債與交易各事均准其提訊定斷並照中國常例審訊並准其將華民刑訊管押及發落枷杖以下罪名 一 凡遇案件牽涉洋人必應到案者必須領事官會同委員審問或派洋官會審若案情只係中國人並無洋人在內即聽中國委員自行訊斷各國領事官毋庸干預 一 凡爲外國服役及洋人延請之華民如經涉訟先由該委員將該人所犯案情移知領事官立將應訊之人交案不得庇匿至訊案時或由該領事官或由其所派之員准其來堂聽訟如案中並不牽涉洋人者不得干預凡不作商人之領事官及其服役並僱用之人如未得該領事官允准不便拿獲 一 華人犯案重大或至死罪或至軍流徒罪以上中國例由地方正印官詳請臬司審轉由督撫酌定奏咨應仍由上海縣審斷詳辦倘

有命案亦歸上海縣相驗委員不得擅專 一中國人犯逃避外國租界者即由該委員選差逕提不用縣票亦不必再用洋局巡捕 一華洋互控案件審斷必須兩得其平按約辦理不得各懷意見如係有領事管束之洋人仍須按約辦理倘係無領事管束之洋人則由委員自行審斷仍邀一外國官員陪審一面詳報上海道查核倘兩造有不服委員所斷者准赴上海道及領事官處控告復審 一有領事之洋人犯罪按約由領事懲辦其無領事之洋人犯罪即由委員酌擬罪名詳報上海道核定並與一有約之領事公商酌辦至華民犯罪即由該委員核明重輕照例辦理 一委員應用通事繙譯書差人等由該委員自行招募並僱洋人一二名看管一切其無領事管束之洋人犯罪即由該委員派令所僱之洋人隨時傳提管押所需經費按月赴道具領倘書差人等有訛詐索擾情弊從嚴究辦 一委員審斷案件及訪拿人犯須設立一印簿將為何拿人如何定斷緣由逐日記明以便上司查考倘辦理不善或聲名平常由道隨時參撤另行委員接辦 一委員審斷案件倘有原告控砌詞誣控本人者無論華洋一經訊明即由該委員將誣告之家照章嚴行罰辦其罰辦章程即先由該委員會同領事官酌定一面送道核准總期華洋一律不得稍有偏袒以昭公允

美外部大臣創議保全中國致駐歐洲各國美使公電

本國政府聞現在各國有恐日後日俄議和時局外中立之國或將要素中國地土本國大總統不願果有此事誠以外國若干預於其間則此戰議和時必多掣肘且必致耽延時日結局難以速成則應享之太平更難早得矣本國向來力圖保全中國地土洞開東方門戶俾各國同享商務之利此乃本國之宗旨久已屢次聲明已蒙各國嘉許本國深為欣慰本國之宗旨若此故本國決無侵佔或管轄中國地土之想本國理應將此節明白佈告俾天下皆知美國無侵佔中國地土之意然太平洋商務之有關中國者美國所得最多且西太平洋洋內美國佔有要地幾如正當中國之門戶也請貴大臣將此轉達所駐之國之政府並詢問該國政府之意見若何

海約輪押一千九百零五年正月十三號

附筆記

本部現已接到德奧法英意五國政府之復文均以本國政府之宗旨為甚是並均聲明永遠遵從保全中國地土並洞開門戶之政策

一千九百零五年正月十三號海約輪筆記

中外交涉彙誌

中韓 駐韓會星使電告外務部圖門江口洲島及附近漲地業與該國按圖指定附連北岸者應歸我國望速電吉

林將軍派員會勘收管等語外務部當電該將軍遵照矣 韓廷納日使勸告諭駐華公使率同參隨歸國所有使館即從此裁撤凡中韓交涉事務悉由駐華日使代辦

中法 駐華法使前因廣灣租界迭出盜案會向外務部理論當由外務部電囑粵督認真清理旋由岑春帥據實電覆如下廣灣租界一帶為盜匪出沒之區屢飭地方官實力剿辦並於邊界駐勇巡緝以杜竄匿惟地面遼闊防不勝防前此是以電請照會法使派員會商辦理俾獲周密該處匪氛不靖推原其故總由密運租界匪徒易於逃匿不能越境捕拿所致不能專歸咎於地方官之緝捕不力法使所指各案現已電飭雷州府查明上緊緝辦並籌添營勇分布駐紮更調得力收令前往接署以期地方一律安靖惟廣灣官員亦應將緝捕事宜認真整頓遇有盜匪逃匿租界並應隨時查拿解交中國地方官按法懲辦匪蹤無可遁藏根株方易靖絕請貴部照會法使遵照辦理

中德 德人黑德耳及美耶前在山東炸山傷死華兵周佩有一案經德領事審定判美耶監禁十三個月黑德耳監禁七個月 德親王福禮留白奉其君命前往俄軍觀戰順道來京於三月初一日 覲見 皇太后 皇上於乾清宮

中英 賽泰兵輪被印度皇后船碰沈由中國控之英按察署訊斷得直判令賠償被告祇允照原估四十九萬兩減折賠償三十萬由江海關道稟詳江督以所允賠款相懸太殊未便允從故仍由該道會同南洋律法官竭力磋商云 常鎮道因英工部局在鎮江擅築漲灘詳由江督咨請外務部照會英使申明主權并繪圖錄摺稟報蘇撫旋奉批謂英工部局凡有工作必須有稅司准單何得擅自與工殊出情理之外仰即據案力爭以伸主權而維大局云 藏英新約近又增加數條茲舉其要如下一西藏境內之鐵道電線礦山等均須由中國駐藏大臣與英國交涉妥議後再行辦理此外不論何國一概不得干預一西藏官吏勦陟之權概歸英國委員與駐藏大臣會議辦理一西藏如有變亂則中國政府須與英國會議協商後派遣兵隊前往彈壓他國不得藉口干與一增設商埠一事須由中國與英國協同稽查辦理一西藏之土地未得中國與英國之承認概不得任意租借或轉賣與他國政府以西藏由中英兩國協

同保護甚不謂然各條中亦一一駁擊已詳細電訓唐少川星使 又英國改訂藏英條約之時請政府將舊藏庫倫之達賴喇嘛召回該喇嘛已於二月十七日由庫倫行抵張家口入山西經西甯而歸西藏矣

中荷 美國擬勸導各國在荷蘭京城海牙公開第二回和平會議中國政府亦願參與是會近已飭繕附盟國書諭令駐美梁星使轉致美總統矣

中美 新派駐華美使柔克義近已到任於二月二十七日晉謁 兩宮齋呈國書 美政府近派塞孟斯為牛莊領事羅奇君為上海領事

中古巴 古巴國政府派札內提兼任駐廣東領事官業將委任文憑赴外務部呈驗並請發給認准文憑外務部以古巴係自主之國與中國雖未立約惟前經由部奏請出使美國大臣兼任古國所有中國派駐古巴領事均經彼國政府接認此次該國派札內提為駐紮廣東領事官自應認可已繕給認准文憑交領事收執並咨粵督查照接認

各國交涉彙誌

各國 近日歐洲各大國互相照會彼此不能占領居立島在希臘東南之地中海中並言及馬基頓財政事宜

日韓 韓皇特派葉嘉客親王為專使赴日賀戰勝之功日皇待以優禮並賜寶星

日德 德國皇太子婚期將屆日廷特派有栖川宮親王前往道賀

日美 美國駐橫濱領事員缺近由該國調派米拉前往抵任

韓美 美國近派穆庚為駐韓公使以繼阿倫之任

英美 美國威洛立已被舉為駐英美使

德摩 前任駐摩德使塔吞拔克近由德皇簡為專使赴摩京飛池致謝德皇抵天基亞時摩皇派人迎接之禮

法委 法政府與委內瑞拉交涉決裂日甚法國已將最後之國書發交委總統克斯吐魯且將委國之出口貨全數截

留云

商務印書館新編
高等小學教科書

最新
理科教科書

四册全
每部大洋八角

是書為山陰謝洪資先生所著並由日本前高等師範學校教授新保磐次君山陰杜亞泉先生參訂材料精當部次分明最便初學附印五彩圖及精圖三百餘幅書共四册每册四十課每星期教授一課以一年畢一册誦習既竣不患無普通之知識矣○教授法稍緩出書

最新
地理教科書

四册全
每部大洋五角

是為高等小學堂第一第二兩年之用共四册每册四十課每一星期教授兩課以半年畢一册前二卷論中國後二卷論外國如江淮省之新析中美洲巴拿馬之自主均已敘入無愧最新之目插印銅版精圖一百餘幅幼童讀之尤有興味○附五彩地圖一册即日出書

商務印書館新編
初等小學教科書

習畫帖

全部八册
每册大洋七分

是帖為初等小學堂第二年至第五年學生所用由
簡而繁所繪皆尋常易見之物用毛筆臨寫計共八
册每册十圖每兩星期臨摹一圖約半年畢一册

教員用習畫帖

一册全

此帖專備初
等小學堂所
用易學易精

共八十圖均標明用
筆先後最便教授

每册大洋二角

商 務 印 書 館 出 版
中 西 文 合 璧 教 科 書

華英初階	English and Chinese Primer	每本洋壹角
華英進階初集	English and Chinese First Reader	每本洋壹角五分
華英進階貳集	English and Chinese Second Reader	每本洋貳角五分
華英進階參集	English and Chinese Third Reader	每本洋肆角
華英進階肆集	English and Chinese Fourth Reader	每本洋伍角五分
華英進階伍集	English and Chinese Fifth Reader	每本洋柒角五分
華英進階全集	English and Chinese Readers	每本貳元貳角半
華英英文初範	English and Chinese Grammatical Primer	每本洋貳角五分
華英地理問答	English and Chinese Catechism of Geography	每本洋貳角五分
華英亞洲啓悟集	English and Chinese New Orient Primer	每本洋貳角
華英亞洲課本	English and Chinese New Orient First Reader	每本洋叁角
華英亞洲課本	English and Chinese New Orient Second Reader	每本洋肆角
華英亞洲課本	English and Chinese New Orient Third Reader	每本洋伍角
華英亞洲課本	English and Chinese New Orient Fourth Reader	每本洋陸角

商 務 印 書 館 出 版

中 西 文 合 璧 教 科 書

華英亞洲課本	English and Chinese New Orient Fifth Reader	每本洋柒角
華英國學訓蒙編	English and Chinese Royal Primer	每本洋壹角
華英國學文編 一卷	English and Chinese Royal First Reader	每本洋貳角五分
華英國學文編 二卷	English and Chinese Royal Second Reader	每本洋肆角
華英國學文編 三卷	English and Chinese Royal Third Reader	每本洋柒角五分
華英國學文編 四卷	English and Chinese Royal Fourth Reader	每本壹元貳角半
華英文件指南	English and Chinese Complete Letter Writer	每本洋陸角
華英繙譯捷訣	A Manual of Translation	每本洋伍角
華英要語類編	English and Chinese Conversation	每本洋貳角
華英智環啓蒙	Circle of Knowledge	每本洋肆角
增廣英字指南	Method for Learning English	每本洋壹元
英法尺牘譯要	Select Correspondence	每本洋柒角伍分
法語陟遐	Course Progressions des Lecons Francaises	每本洋伍角
德文法程初集	Deutsche Lektionen	每本洋柒角五分

教育

論道德教育之關係 錄乙巳二月初八日新聞報

一羣之盛衰以國民之行習爲歸。而國民之行習視民心感情之奚若。吾聞心理學家之言曰。情動於中。行見於外。知其善而爲之。惡其惡而不爲。其爲與不爲。始皆勉強。終致自然。乃成性習。若是乎德育之不可以已也。吾國教育之制。今始發端。觀其教科之排列。多以智德體三者兼施並重矣。不知德育與智育性質絕異。智育求之於理想。而德育則發之以感情。終之以行習。內籀外籒。釐然兩事。故謂既開民智而民德自然美粹者。其謬盡人可見。且民德不修而務求所以濟其智者。尤恐所濟之智適足以濟其惡。然則居今日而言教育。其以道德爲最要之關鍵乎。

吾所謂道德云者。初非援宋明之語錄學案。東西洋之倫理學史。執途人而強聒之也。亦非偏重道德。而謂民智不宜開。民愚之不足病國也。試以最淺之經驗證之。有一工傭小民於此。其不識字固也。然其勤慎儉樸。無荒淫之行。又一工傭於此。已受學矣。而博奕好飲。不遵約束。人之擇於斯二者。不待其辭之畢也。乃自其日用常行而言之。則人人皆知所決擇。獨

至高談教育。則雖至近之理有不知。此何故哉。且今之談新學者。間有沾染嗜好。反諉曰不。拘小節。英雄本色。竊恐此種風氣。流衍學界。我國民必有受其餘毒。喪失人格。而害及於社會之秩序。國家之幸福者。故不可不以道德教育爲之植其本也。

今日修身科目。益明責務。如對於一己。對於家族。對於社會。對於國家。對於萬有。詳哉其言之矣。不知道德之事。非僅於修身科教之。卽於他學科。皆有關係焉。如國文歷史兩科。其中事實。多關於修身之旨。算術可以養人之儉德。動植物可以起人之美情。地理使知各國形勢。生其憤發之心。圖畫以練美術。唱歌以動感情。有均與道德相關者。至體操運動。則大要在聽號令。守規律。足以鼓其協同之精神。長其進取之志氣。尤爲道德上所有事也。世有興民行善民俗。以求適於生存之世界者乎。舍道德教育。其誰與歸。

難者曰。吾國孔子之教。日以至德要道爲蒙養之始基。而其國民之行誼。不必悉遵其教。此何說歟。曰。此又以名不副實之過也。德育之喻人也。必先有以動其感情。夫然後有以深入。故爲之風琴雅歌。焉爲之威儀法象。焉然後教誨提命之事。施之而有效。吾國舊時之學。究與此相反。此其所以無補也。且吾嘗聞日本人之言曰。孔子之道。中國奉其名。日本行其實。中國以爲命題作文之具。日本以爲修身治國之道。嗚呼。使其言而誠是也。我國民更有何

所挾以自豪者。不惟本無之道德。將取法於歐西。即歷來固有之道德。亦且索還於日本矣。世之擔任教育陶鑄國民者。其盍激發感情。摩鍊行習。以爲國家明民進化之術乎。

論報館之有益於國 錄乙巳二月二十三日至二十六日新聞報

國民智則強。國民愚則弱。國民之智。何以智。國民之愚。何以愚。無他。有報館則民智。無報館則民愚。泰西十九世紀以前。民之固塞。如中國今日之民也。民之僻陋。如中國今日之民也。自報館盛行。而民智大開。富強無匹。然則由此觀之。報館乃起衰振懦之猛劑。拯危救亡之良方矣。

中國報館由商辦。而具有報館之資格。具有報館之階級者。統計不過十餘家。由官辦而具有報館之形式。具有報館之名號者。統計不過三五省。商報捐除忌諱。故購閱者多。官報敷衍故事。故購閱者少。憤時之士。至謂各省官報不能開通民智。反足閉塞民智。言雖過激。亦可知官報之不足以感發人心矣。

夫以中國土地如此之廣。人民如此之多。全國報館雖數千數萬處。亦不爲多。乃商報僅有此數。官報亦僅有此數。無怪乎中國維新數十年。而民之固塞如故也。民之僻陋如故也。雖日日召國民而儆之曰宜圖強。日日號國民而訓之曰宜謀富。而民智不開。是猶欲行車而

不利其輪。欲駛舟而不利其楫。終於無濟而已。然就目前民智而論。較之未通商以先。甫通商之始。則亦不可以道里計。未始非此少數報館之力也。設中國若有多數之報館。其收效當更何如乎。

方今政府諸老。亦知開學堂。設譯局。以開民智爲第一救急要務矣。而獨於報館。一若不甚措意者。嗚呼。此大誤也。報館者一國之耳目代表也。人有耳目則靈明。人無耳目則冥悶。夫冥悶之害。民智不開。民愚轉甚。甚非中國之福也。

是故欲救今日之中國。非廣開民智不可。欲開今日之民智。非多設報館不可。國民多設報館。非優加保護不可。尤非優加獎勵不可。自今以往。苟有集資倡設報館者。資本不足。政府資助之。議論純正。政府褒嘉之。勢力危薄。政府保全之。慮其流行不遠也。減輕郵費。以暢其消場。懼其傳播不廣也。刊刻示諭。以勸其購閱。中國今日多一閱報之人。卽多一開通之士。人盡開通。何患不强。何患不富。

獨不觀泰西之民乎。無一事不創報。無一人不閱報。君主以主筆爲榮。將相以紀載爲樂。朝登一簡。夕遍五洲。於外交之情僞。內政之得失。無不了然。西哲有言曰。可一日無食。不可一

日無報。泰西各國。以報爲養命之源。資生之具。故民智日開。國勢日漲。富強之機。不可阻遏。中國不欲開民智。則已。如欲開民智。以期富強。政府祇有勸民多設報館。此外別無他策也。抑又聞之。二十世紀以前。槍礮之世界也。二十世紀以後。報館之世界也。

何以言之。泰西報館。程度高。階級優。消息靈。故全國之輿論。視報館之議論爲從違。全國之人心。視報館之議論爲動靜。其對外也。和戰之機。決於報館之論說。其對內也。改革之事。定於報館之紀載。其伐強敵之謀也。則登錄機密。破壞將成之局。其間鄰國之交也。則顛倒是非。離散已結之盟。其挑兩國之衅也。則擾亂曲直。收取相持之利。報館之權力。如此之大。報館之氣魄。如此之雄。泰西知報館與國家。有祕密之關切。知報館與國家。有非常之維係。其所以尊重之保護之津貼之優待之者。蓋借報館之議論紀載。得以熟悉各國之情勢。默驗國民之資格。而備禦於先。改良於後也。拿破崙有言曰。對一家報館。甚於對四千桿快槍。可見報館之筆鋒。視快槍之彈子。尤爲猛烈矣。泰西重報館。故國民得知外情。人人有愛國之心。中國輕報館。故國民不知外勢。人人無愛國之念。此卽中國所以失敗病根之處。而政府不知也。

中國民創報館。祇有此數。其間亦有程度高者。階級優者。消息靈者。借乎權力不大。氣魄不

雄而政府不知報館與國家有秘密關切之處不知報館與國家有非常維係之處於議論之痛切者則目爲臆說於紀載之關係者則斥爲謠言甚且諱疾忌醫止謗防口與泰西之尊重保護津貼優待者大相反泰西待報館如彼中國待報館如此通商六十餘年報界勢力不能膨脹報勢不脹卽國力不脹此等強國主義知者甚鮮以致整頓海軍而海軍無效訓練陸軍而陸軍無效故記者謂立國於二十世紀之世界苟無多數之報館鼓舞國民之精神增長國民之見識其國終不能長存其國終不能獨立雖積快礮如阜列利槍如林而無愛國之民利用此快礮利槍不惟不足制敵且反爲敵所用故曰二十世紀以後之世界非槍礮之世界而報館之世界也

政府如欲圖存於二十世紀惟有竭力提倡報館乃爲自強之急策其已設者當設法維持寬訂報律允爲保護其未設者當捐除忌諱明降諭旨勸令創辦俾中國省鄉城鎮皆有報館之商標焉皆有報館之機聲焉數年而後民悉外情人皆愛國蚩蚩黃種皆持赤血黑鐵之主義與列國並立於地球庶幾能佔一席矣否則報力不脹而欲國勢日強此猶嚙人之說夢也我政府其速猛省乎我政府其急實行乎

練兵處兵部會奏遵議出使美日祕古墨大臣梁奏請設陸軍大學省學並選王公子

弟入堂肄習摺

上年十二月二十日軍機處片交出使大臣梁誠奏請設陸軍大學堂省學堂一摺又王公子弟選入陸軍學堂肄習一片均奉 旨練兵處兵部議奏欽此據原奏內稱請於近畿地方設陸軍大學堂一區於各省要隘地方各設陸軍省學堂一所省學四年畢業以千把用拔尤升入大學二年畢業授以都守等官舉辦四年送大學者各省共四百人按年續送六年大學畢業得四百人按年遞增等語查上年八月間臣等奏定陸軍學堂辦法係參仿東西學制自小學中學兵官學大學步馬礮隊專門各學堂層累遞進其間並須入軍隊學習故大學畢業必以十年為期該大臣原奏僅分省學大學兩層亦無軍隊學習期限大學畢業祇需六年為時太促恐難深造且學生額數應按全國軍隊需兵官若干分年核算臣等奏定學額計七年後中學畢業兼習初級兵官職務者約得一千五百人該大臣原奏謂六年大學畢業得四百人多寡懸殊尤屬不敷分布以上各節均有奏定新章可循應請毋庸置議又原片內稱宜選王公宗室子弟入學堂一體肄習畢業後分派各國講求武備等語竊維尚武之風今世所重教習之典古訓惟昭我 朝定制王公子弟冠頂之初即習騎射寓教思於蒙養強根本於維城懿樂宏規卓越今古現在更新軍制講求肄習允宜始自貴

近以爲風氣之先該大臣所請用意至爲深遠查日本學制凡王公子弟入陸軍學校肄業另建室舍以居用昭寵異擬卽參仿其意略爲更改設立貴胄學堂一所專爲王公大臣子弟肄武之區以示優隆而存體制特規模創始條目綦繁其開辦章程尙須詳細籌議應俟擬定後再行專摺具奏恭候 聖裁謹 奏奉 旨依議欽此

練兵處兵部會奏陸軍小學堂章程摺 章程續登

竊臣前以各省武備學堂尙無畫一章程難收實效籌擬陸軍學堂辦法二十條於上年八月初三日會奏奉 旨依議欽此仰見 聖朝經武培才之至意欽服莫名臣等查東西各國人無不學士亦知兵吾國文武分途相沿已久非專設陸軍各學層累遞升不足以樹風聲而儲武材況時艱孔亟外侮迭乘蓄艾三年刻不容緩陸軍小學堂所以備升中學以上之資亦卽爲講求陸軍之本宜嚴定選格以端其始優予獎勵以示之榮庶幾風氣一開士氣漸奮本原旣正人才日多而一切章制則以陸軍制律別之臣等詳細講求參酌各國學制籌擬陸軍小學堂章程一冊教授規則一冊分條編纂務求規模完備紀律精嚴將以明恥教戰之心漸收有勇知方之效謹另繕清單恭呈 御覽如蒙 俞允再由臣等咨行各直省暨駐防一律舉辦並將中學堂以上各章程分別續擬謹 奏光緒三十一年正月二

十四日具 奏奉 旨依議欽此

出使日本大臣楊奏特設法政速成科學教授游學官紳以急先務而求實效摺片
竊奴才伏讀光緒二十六年十二月初十日 上諭世有萬古不易之常經無一成罔變之
治法大抵法久則敝法敝則更要歸於強國利民等因欽此仰見我 皇太后 皇
上軫念時艱變法自強之至意惟是變法之要首在於多儲人才明定宗旨誠以人才多則
諸事易舉宗旨明則衆志不惑即如日本於明治維新之初歲遣學生多人游學歐美分習
諸科並於本邦設速成司法學校令官紳每日入校數時專習歐美司法行政之學以應急
需又宣發誓命先定爲立憲之國然後開議會決公論一切變法之事皆依立憲政體而行
故能次第敷施有條不紊變法未久而驟臻富強也中國與日本地屬同洲政體民情最爲
相近若議變法之大綱似宜仿倣日本蓋法美等國皆以共和民主爲政體中國斷不能仿
倣而日本立國之基實遵守夫中國先聖之道因見列強逼處非變法無以自存於是壹意
立憲以尊君權而固民志考其立憲政體雖取法於英德等國然於中國先聖之道仍遵守
而弗墜是以國本不搖有利無弊蓋日本所變者治法而非常經與 聖訓正相符合即中
國輿論亦以日本之變法參酌得宜最可仿倣邇者學務大臣暨各省督撫陸續選派學生

教育

六十一

乙巳

來東就學統計人數已逾三千然其中習普通科者居多習法政專門者尙少緣日本各學校授此等專門之學皆用本邦語言文字中國學生從事於斯者須先習東語東文方能聽受講義約計畢業之期總須六七年夫以六七年之久非立志堅定者鮮克成功所以多畏其困難而不願學甚可惜也上年日本之公爵近衛篤磨子爵長岡護美因感戴我 朝賞寶寶星之榮曾與前總監督汪大燮會議欲於日本東京爲中國游歷官設速成法政學院學章甫擬就而汪大燮已卸任近衛篤磨旋身故事遂中止奴才抵任後思設法續成之適有東京法政大學校總理梅謙次郎亦建斯議奴才當向長岡護美取得前擬學章作爲稿本而與梅謙次郎酌中改定遂於該學校內特設法政速成科學專教中國游學官紳所有義務奴才均竭力贊成日本文部亦經認可開學之日中外士商來觀者千有餘人日本各部院大臣亦來頌祝禮甚隆重奴才一面分咨各省大吏請選派官紳資遣來學現在京師學務處暨直隸江蘇安徽福建浙江湖南廣東等省督撫均經照議選派統計來學官紳已有三百餘人議定六箇月爲一學期滿三次學期便可畢業其教授大旨約分四科曰法律曰政治曰理財曰外交所聘諸科教習皆日本最有名之學士博士每日講義各教習以東語口授而令通譯人以華語傳述之此等通譯俱係中國優行生曾在法政大學畢業學有

根柢者奴才仍恐各學生於聽講時不能一一領會又與各教習商允將每日講義以東文筆之於書而令通譯人譯出漢文編印成帙分授各學生俾得隨時研究此外尙有實地體驗之法舉凡司法行政各衙門及官私所設物業有關於政治之學者俱由各教習隨時率領本科學生前往參觀藉資考證昔日本政府設速成司法學校時亦係聘別國人充教習用本邦人作通譯成效最著今居顯要之位其由此學校出身者數蓋不尠第外國之法律條緒紛繁蒐討難盡所謂速成科者係將法理之所以然及各國法律之得失互相比較擇其適於中國之用者則詳加講授其餘姑置不論以免多費時日學非所用現在中國興辦鐵路鑛務商標銀行等事均須參用外國之法始能攸往盡利是以上年欽奉 明詔修改法律 聖謨廣大中外共仰查日本從前法律與中國同而與歐美異故通商各國亦向日本索有治外法權迨日本頒布憲法之後通商各國方允將條約更正可見修改法律乃今日切要之圖況各省教案多因本地官紳不諳外國法律以致辦理失宜釀成交涉要件中國惟有將法律修改庶可查照近年中英通商條約第十二款中日通商條約第十一款內事理與各國公議將治外法權一律收回不受外人挾制然則外國法政之學上下亟應講求不宜稍緩是科之設不習日語日文便可進講專門之學校之入他學校以六七年之功

修始得一完全之科學者誠爲事半功倍奴才自當隨時策勵諸生勤加研究以期他日成材上備 國家之用謹 奏奉 旨學務大臣知道欽此

再查日本文科各學校專爲中國學生而設者一曰宏文二曰同文三曰成城宏文已開十四班同文已開六班成城已開七班每班約四五十人各校學舍漸形擁擠而負笈來遊者尙絡繹於道不能不設法擴充因與明治大學校長岸本辰雄相商於該校內爲中國游學生特設一經緯學堂分普通高等兩科其畢業之期普通二年高等一年普通畢業者得入明治大學專科高等畢業者得入明治大學本科此外如欲急求功效亦可另設師範警察各速成科此等科學但有二十五人以上即可開班所延教習俱係有名譽之學士博士其教授宗旨以中國先聖之道爲經外國各科之學爲緯故名之曰經緯學堂際此異學爭鳴深恐諸生誤入奇袤變本加厲經緯之設蓋欲於造就通才之中仍寓慎防流弊之意洵屬體用兼賅一歸純正現計各省官私費生入該學堂分習各科者已有二百餘人課程遂密可望有成謹 奏奉 旨外務部學務大臣知道欽此

出使比國大臣楊奏比國學制大備學費較廉請 飭各省分遣游學以儲成材摺
竊臣前以西洋游學辦法紛歧曾擬簡明章程繕單具奏在案顧第爲隨時派生出洋而言

俾辦理稍有把握然以今日人材消乏非一二省資派數十生所能濟用按歐洲各國學校如林立國雖分大小爲學之道則一卽以比利時論其路鑛製造諸學見重列邦自設使臣以來華生就學者日衆旅學二費亦較他國爲廉比廷相待與本國學生無異與比外部文部兩大臣悉心會議擬再多派學生分入各學堂卽歸比政府經理自初學以逮有成凡若干年計師修房膳暨衣履淋沐之費每生需比銀歲一千六百佛郎以視近年江鄂諸省派一學生歲需銀一千六七百兩者廉至三分之一同此學費而於彼培植一人於此可培植三人爲數愈多收效彌廣惟選材必限年格冀免年長囂張學費必泯參差可節虛糜帑藏謹就管見所及繕單恭呈 御覽相應請 旨飭下各省將軍督撫按照所擬章程酌定人數慎擇清才遣送來比由臣妥商比文部循序教授漸底於成並隨時派員考察以期實獲 謹 奏奉 硃批外務部知道單併發欽此

謹將各省派生游學比國章程敬繕清單恭呈 御覽 計開 一學生以實年十五歲左右資質聰穎舉止端嚴身體強壯文理明順四者俱備爲合格 一各省挑選學生視省分大小財政贏絀每省多至四十人少者十人由督撫酌定額數通飭各學教職查取近兩案入學新生年在十六以內者詢其父兄如願令出洋游學卽以所選諸人申送該管知府俟

各縣取齊試以中文不必問其曾學西文與否該府攤送幾名照第一條年格擇尤送省查未冠入學歲科兩試多有之求之一省尤易雖中文未必即佳然當不失為明順挑選須秉至公不得瞻徇情面 一各學合格者如不足額可就該省高等學堂暨各府中學堂專取中文佳者充之不必定選生員但此項宜居少數 一各生由府送省宜照定額外多送數人由督撫親加考察面考中文一一合格發交首府安置總所派老成委員與之相處旬日默察性格行爲即於多送之數別其較遜者名數既定咨報京師學務處備查 一各省派生遠近遲速勢難一律凡總督兼轄如蘇皖贛三省暨其他鄰省可先期會商合計學生五六十人公派一知法文或英文妥員擇數省適中之地會齊到滬先通知江海關道預購外洋公司二等船票由原送委員導之出洋若偏省無解西文者但派員送滬俟有數十人交江海關派員代送該員送至北京即行回華 一現與比文部商定每生師修房膳歲一千二百佛郎衣服冠履歲一百佛郎均繳學堂代辦各生添置書籍一切零用歲三百佛郎攤給學生自理合計一人共需一千六百佛郎不足華銀五百兩 一學生入堂應請比文部派一司員使署派一隨員稽察功課監視起居兼司支應均宜酌貼旅食川資計一生歲出二十四佛郎如十生則給二百四十佛郎隨學費並匯 一匯費之法假如一省派出十生

則於訂定月分由上海華比銀行匯比一萬六千二百四十佛郎多者照增銀價低昂無定而學費之佛郎有定核准照匯可免歲終造報之煩各省應匯佛郎若干屆時電詢江海關道佛郎市價合銀兌解 一游學生間有在華留支一項今所派年未及冠未能自謀菽水或從寬每生歲給數十金令該家屬就近支領或俟二三年後資格可入專門再議及此亦隱寓鼓勵加功之意如何辦法各省必會商一律免致偏枯並即咨明使署 一學生來後擬習何項專門即於出洋時注入名冊性不相近亦許酌改但不得任意紛更 一學生年幼文理粗通間斷歲久必致荒蕪宜將中文應讀之書攜之出洋以餘力溫習大約七年學成回國再習華文二年便有可觀 一人數既衆保無一二蕩檢踰閑不安本分者當給三等船票立飭回華川資由該省照撥至歷年學費應由督撫追繳不得寬免奉 硃批覽欽此

大學堂總監督張奏開辦豫科並招師範生摺

竊臣上年奉 命充大學堂總監督任事以來夙夜兢兢所以擴充整理之法曾將辦理情形奏明在案隨咨商學務大臣添建齋舍一面分咨各直省督撫學政考選年齡合格品行端正之學生咨送來京並由臣出示另場招考擇其學識較優者取錄三百六十餘人合計

舊有之師範生已五百人矣房舍工程猝難完畢至十月中旬新班學生始行入堂並添聘英德日本教習遵照定章於本年正月二十日開學分班講授此京師大學堂添招學生之大概情形也臣考各國小學皆重國文中學以上必兼習外國文字即以中國言之士大夫果精通外文必真知西政西學之本源不至惑於誣世誑民之邪說臣參考中外情形約分兩種辦法學生中年齡較長漢文較優者俾充優級師範其西文夙有門徑或年少易於練習者選入豫科而皆以志趣端正爲要領師範者風氣之導也非重國文無以立小學中學之正鵠豫科者專家之儲也非明習西文無以通西學之奧窔此臣分別豫科師範各有注意之大概情形也抑臣更有進者古今論國是者必曰富強曰教化然富強之效實因教化爲轉移教化不興非特其民愚也以數萬萬之人休戚不相關泛泛然如萍浮於江湖而適相值也以守則危以戰則怯故論學堂於今日雖堯舜當陽而孔孟爲之佐亦無以易是說矣歐美諸國知其然也故其學校宗旨非欲人人爲鴻博之才乃欲人人爲忠孝之士列強並峙各教其民因立國立政之本以養自立自尊之氣承史籍流傳之美以鼓愛敬君父之情教育之本在此矣臣竊謂中國教育宗旨智能必取資歐美而道德必專宗孔孟凡經籍所傳義理秦漢唐宋明以來儒家之論說必抉其精密切要者以立德育之本以爲修己治

人之法待其訓育薰陶者久道德之灌注於人心者既深而後順良信愛忠義勇敢之風自勃然其不可遏焉泰東西興國之根源亦即中國轉弱爲強之樞紐也臣當慎擇海內通儒與之講習討論取人之長而棄其短矯己之弊而存其粹此酌定教育宗旨之大概情形也至於管理最重紀律教授端賴通才臣惟博采周諮實事求是其房舍之不合法度者更正之圖書儀器之備實驗者購置之講習寢食皆爲大同出入起居嚴定限制由臣督率在事各員隨時釐訂規則並咨請學務大臣主持一切際茲時局非興學無以致強而興學不定宗旨又恐無收效之實臣力小任重深虞隕越以負 朝廷惟殫竭血誠力求教育進步謹奏奉 旨學務大臣知道欽此

前署湖南巡撫陸奏湘紳建立嶽麓景賢堂片

再據在籍工科給事中馮錫仁翰林院編修汪槩翰林院庶吉士譚廷闈蘇輿內閣中書陶觀儀李銘勳工部郎中蔡枚功候補道孔憲教席進湘程和祥候選道張祖同楊肇陳翼棟二品廕生龍絨瑞甘肅甯夏府知府黃自元四川候補知府劉慶成徐樹錦候補鹽運判郭焯瑩舉人張柏基鄭先亨李光第王禮祺候選教職陳善澄王先慎呈稱湖南嶽麓書院爲天下四大書院之一自宋儒朱熹張栻講學以來流傳迄今歷千餘載理學名儒後先相望

國朝中興如曾國藩左宗棠胡林翼羅澤南諸名臣皆曾肄業其中學問事功彪炳千古實爲湖湘人士景仰所歸自去年改設嶽麓書院爲高等學堂規制綦宏學科完備洵爲前時所未及惟歷代先賢之遺蹟就此淪湮士林惜之伏讀 欽定學堂章程內載科學階級首重人倫道德爲學生根本嶽麓乃先儒講學之場爲今日德育家所奉爲規範以存精粹以定指歸揆諸舊制新章並無不合考日本經緯學堂以東亞聖教爲經以歐美各科學爲緯由本及末因流溯原古今中外道無二致況學堂之設年限極嚴必弱歲方能入格按節遞升造就頗需時日若碩學通才年已及壯經術文章素有根柢進而究當世之務在在以實用爲依歸亦可研究乎聲光化電之途而推之實業如此與學堂相輔而不相背誠教育之宏指普及之全功也爰集同志謹就嶽麓書院東北舊有屈子祠址在高等學堂之外另建一嶽麓景賢堂旣以彰存古之義復以宏樂育之規擴充堂舍修葺齋房約廣容三百人專收中年以上成材普訂學科精研實業分門肄習國文學兼涉外國歷史理化政治法律諸科意在參用通儒酌遵新章將來卒業後亦可備師範之選實於地方政教不無裨益合詞呈請奏明立案施行等因前來臣察核情形於 欽定學堂章程尙無違背且事關全省教育不得不俯順士心當經札飭司道籌撥開辦經費一萬兩常年經費五千兩以爲之倡

倘有不敷再由紳董自行籌補並公推品端學粹夙孚衆望者一人總理堂務兼司教育事
爲保存國粹培養眞才起見除俟將來妥議章程咨送學務大臣查照外合先附片具陳謹
奏奉 硃批學務大臣知道欽此

日本早稻田大學中國留學生章程紀要

一主意 早稻田大學舊稱東京專門學校以明治十五年建先是日本授專門之學處惟
帝國大學而其教師多用西人其講說一依西書蓋新學之行爲日尙淺繙譯疎而良師少
勢自不得不然已曾幾何時海內雋英苗者秀秀者實精詣深造往往出藍不復藉西人之
力而編譯日精用之有餘夫西洋諸國未有假外邦之語以攻學藝者我一旦不得已而出
此豈可以爲例且國民欲脩專門之學者必通西語而後可則是教育有所限而人材有所
不足也是以東京專門學校之興由我言語文字以授西洋深高之學所以爲國家成就通
材而收教育之效也 二建學 首倡建學者爲大隈伯大隈伯嘗謂苟欲國民有獨立之
氣象莫若圖學問之獨立欲圖學問之獨立莫若設獨立之學校宜新興私立一大學操縱
自主機杼已出斷不受權勢之羈使學者各從其所欲俛焉脩業小野君梓及高田天野坪
內諸學士博士亦皆與伯同見遂相與贊成伯親卜地於早稻田投巨資營築數月而落

之乃開校始業來學者八十餘名於時明治十五年十月二十一日也 三規模 明治三十五年九月改稱東京專門學校曰早稻田大學以其規模大而法制備也建學至此二十年矣大學分爲三部一科曰大學部曰專門部曰高等師範部曰高等豫科大學部設政治經濟學科法學科文學科商科專門部置政治經濟科法律科高等師範部置國語漢文科歷史地理科法制經濟科英語科而高等豫科分政治經濟學法學文學商學四科別有實業學校及早稻田中學俱屬大學鳩山博士爲校長高田博士爲學監其教員高田天野坪內三博士以下二百餘名其生徒五千人併實業學校早稻田中學校纔七千人通國私立諸學莫與京焉 四清國留學生部 學問天下公器非一國一人可私況清國疆域相鄰人種相同其學術我嘗受之矣其文字我仍用之矣固宜以我有餘補其不足是所以報舊德而贊文化也蓋數年以來清國留學生來此者以千數此間諸學校爭割席待之然法度未備無以副其意其卑近者概期速成輕俊子弟一知半解小成自安其高尚者多費歲月不足應急我大學有見於此特設清國留學生一部參酌變通稽諸國情難易遲速務執其中循序而進無躐等之病火然水達豈有後時之憂使彼來學者自普通學進至專門學學科不切者缺之功課過繁者簡之時不徒費力不徒勞而功倍矣語曰欲速則不成傳曰業

貴及時庶幾不賊夫人之子也夫

第一章 總則 第一條 早稻田大學清國留學生部特爲清國留學生教授日本語普通各學政法理財學以及師範教育與實業教育而設 第二條 本部設有豫科本科 第三條 豫科修業年限爲一年專教日本語及普通各學以爲豫備進習本科地步 第四條 本科設有政法理財科師範科以及商科三門俾本部豫科畢業者及學有日本語普通各學之素而程度相符者方准入學肄業其修業年限訂爲二年 第五條 清國留學生有意進本大學大學部肄業者必須本部豫科畢業後再行專教日本語與英語兩科又在本大學另設高等豫科畢業者或學有日本語英語與普通各學之素而程度相符者方准其進大學部肄業 第二章 學年學期及休假 第六條 本部學年自九月十一日起至第二年七月二十日爲止 第七條 每學年分爲二學期自九月十一日起至第二年二月晦止爲前學期自三月初一日起至七月二十日止爲後學期 第八條 本部例定休假開列於左 一房虛星昴日 一日清兩國國慶日 一春秋釋奠日 一冬季休假自臘月二十五日起至第二年正月初十日止 一夏季休假自七月二十一日起至九月初十日止 第三章 學科課程及教授時數 第九條 本部豫科學科課程及每

一禮拜教授時數開列於左

教育

七十四

四月

學 科	前 期		後 期	
	時 數	時 數	時 數	時 數
日 本 語	讀方、會話、文法	二〇	讀方、會話、文法、作文	二〇
歷 史	西洋近世史	二	西洋近世史	二
地 理	政治地理	二	天然地理	二
理 科	博物示教	三	物理、化學	三
數 學	算 術	三	算術、代數初步	三
英 語	發音、讀字、讀方、 譯解、書取	五	讀方、譯解、會話、 書取、作文	五
體 操	普 通 體 操	一	兵 式 體 操	一
合 計		三六		三六

前開英語一科有意進本大學大學部者必須學習而有意進本部本科者學與不學聽學生便

第十條 本部本科學科課程及每一禮拜教授時數開列於左
第一 政法理財科

第二師範科

前開英語一科學與不學聽學生便	合計	語學	哲學	財政學	史學	法學	經濟學	政治學	學科
		英日 本 語語			最東 近洋 政近 治世 史史	民法 學通 法論	經 濟 原 論	各 國 憲 法 理	第一學年
	三四	八〇			一一	二二	三	二二	時數
		英 語	論 理 學	公 債 入 論、 歲 出 論	近 時 外 交 史	刑 國 際 公 法、 國 際 私 法	應 用 經 濟 (農 工 商) 貨 幣 論、 銀 行 論、 外 國 貿 易 論	行 國 政 法 學	第二學年
	三四	八	二	四	二	三四	四三	二二	時數

倫理	學科	第一學年	時數	第二學年	時數	第二學年	時數
實踐倫理							
二倫理							
二倫理							
二倫理							

教育

七十五

乙巳

化 學	物 理 學	礦 物 學	植 物 學	動 物 學	生 理 衛 生	列 強 大 勢	經 濟	法 制	數 學	地 理	歷 史	心 理 學	教 育 學
					生 理 衛 生				代 數、幾 何	東 洋 地 誌	西 洋 古 代 史		教 育 史
					三				四	三	三		二
						列 強 大 勢	經 濟	法 制		地 西 洋 文 地 學 誌	東 洋 近 世 史、 西 洋 十 九 世 紀 史、 世 界 文 明 史	心 理 學	教 育 學、 教 育 行 政
						二	二	三		四	六	二	五
化 學	物 理 學	礦 物 學	植 物 學	動 物 學					三 代 數、幾 何				教 授 實 習 學
三	三	二	二	二					九				四

教 育

七 十 六

四 月

第三 商科

前開英語一科學與不學聽學生便

圖畫	英語	合計
	日本語	
	一〇	三五
	英語	
	八	三四
用器畫	英語	
一	八	三六

學科學年	第一學年	第二學年	時數
商業學	商業通論	商業各論 (一)銀行及保險 (二)貿易及運輸 (三)關稅 (科選擇)	三
經濟學	經濟原論	貨幣論、銀行論、外國貿易及爲管論	三
法學	民法學要論	商法	三
商品學		商品學	二
商業史		商業史	二
商業實踐		商業實踐	二
商業算術			二

教育

七十七

七

第十一條 本大學高等豫科學科課程開列於左

此班學科本為日本學生而設清國學生自應酌改變通

第一 高等豫科 豫備進大學部政治經濟學科者即是

學 科	學 期		
	第 一 期	第 二 期	第 三 期
倫 理	實踐倫理綱要	上	同
國 語 漢 文	講讀、文法、作文	同	同
英 語	講讀、文法、作文 會話、書取	同	同
外國語 <small>德語、法語、支那語 實際英語之一選擇</small>			講讀、文法、作文 會話
史 學	西 洋 史	同	同

商 業 地 理	簿 記	語 學	合 計
簿 記	英 日 本 語	英 日 本 語	三〇
簿 記	英 日 本 語	英 日 本 語	三〇
簿 記	英 日 本 語	英 日 本 語	三〇

教 育

七十八

四 月

第二 高等豫科 豫備進大學部法學科者即是

倫	國語	外國語		國語	倫理	學科
		英語	德語			
實踐倫理綱要	講讀、文法、作文	講讀、文法、習字	講讀、文法、習字	講讀、文法、習字	同上	第一期
同上	同上	講讀、文法、作文	講讀、文法、作文	講讀、文法、作文	同上	第二期
同上	同上	同上	同上	同上	同上	第三期

國語	經濟	簿記	體操
法日學本通憲論法	同上	簿記學大意	同上
法學通論	經濟學大意	同上	同上

教育

七十九

乙巳

體	操
---	---

教育

八十

四月

第三 高等豫科 豫備進大學部文學科者即是

學 科	學 期	第 一 期	第 二 期	第 三 期
倫 理	實 踐 倫 理 綱 要	同	上	同
國 語 漢 文	講 讀、文 法、作 文	同	上	同
英 語	講 讀、文 法、作 文 會 話、書 取	同	上	同
外 國 語 <small>德語、法語、實際 英語之一選擇</small>				講 讀、文 法、作 文 會 話
歷 史	西 洋 史	同	上	同
國 法				日 本 憲 法
論 理		論 理 學		同
體 操				同

第四 高等豫科 豫備進大學部商科者即是

第十二條 本大學大學部學科課程開列於左

第一 政治經濟學科

學 科	倫 理	國 法	文 章	數 學	簿 記	英 語	地 理	歷 史	經 濟	體 操
第 一 期	實踐倫理綱要		商業文	商業算術	簿記學大意	講讀、文法、會話、書取、作文		西洋近代史		
第 二 期	商業倫理	法學通論	同	同	同	同	外國商業地理	同	商業通論	
第 三 期	同	法本學通論	同	同	商業簿記	同	外國商業地理	同	同	

教育

八十一

乙巳

第二 法學科

學 科 年 度	國 法	法 學 通 論	民 法	商 法	破 產 法	刑 法	訴 訟 法	裁 判 所 法	經 濟 學	國 際 法	國 籍 法
第 一 年	憲 法	法 學 原 理 (德 書)	民 法 總 則、物 權 法、債 權 法、親 族 法	商 法 總 則 (講 義 英 書)		刑 法 汎 論		裁 判 所 構 成 法	經 濟 原 理		法 例 及 國 籍 法
第 二 年	行 政 汎 論		相 續 法 名 著 研 究 (德 書)	商 行 爲、保 險 法		刑 法 各 論	民 事 訴 訟 法		財 政 學、銀 行 論	國 際 公 法	
第 三 年	行 政 各 論		名 著 研 究 (德 書)	會 社 法、手 形 法、海 商 法 名 著 研 究 (德 書)	破 產 法		民 事 訴 訟 法		財 政 學	國 際 公 法	國 際 私 法

教 育

八 十 三

乙 巳

教育

八十四

四月

第三 文學科

外國語	德語	同語	同語
訴法 訟學 演習 及 習	法 學 實 習	訴法 訟學 演習 及 習	訴法 訟學 實 習 及 習
羅馬 法及 哲學	羅 馬 法		法 律 哲 學

學 科	第 一 年	第 二 年	第 三 年
哲 學	哲學概論(英語)、心理學 西洋哲學史、倫理學、社會學 東洋哲學史(印度、儒學)(經 學)	西洋哲學史、倫理學史 東洋哲學史(支那、儒學)(子 類) 教育學史、心理學、倫理學 名著研究	西洋哲學史、東洋哲學史(日 本) 倫理學、美學、教育學、 心理學、宗教學、 近世哲學、名著研究
文 學	近世英文學、英文學史 國文學	近世英文學、英文學史 支那文學	上世英文學史 近世歐洲文學史
外 國 語	英語、德語、法語	同	德語、法語

第四 商科

第一學年起分為哲學專修英文學專修兩班俾學生隨意擇定其一肄業外國語於英語德語法語之中必須擇定其一肄業

期 四 第 誌 雜 方 東

學 科 年	經 濟 學	商 業 學	財 政 學	法 學	簿 記 學	英 語	統 計 學	工 業 要 綱	史 學	應 用 科 學	第 二 外 國 語
第 一 年	經 濟 原 論	商 業 各 論 (買 賣、稅 關、倉 庫、銀 行)	商 業 史 (西 洋、日 本)	民 法 要 論	簿 記 算 記	商 業 解 文、商 業 會 話				商 業 實 踐	法 支、那 語、德 語
第 二 年	商 業 各 論 (陸 運、海 運)	貨 幣 論、銀 行 原 論	金 融 論、信 託 業 論	憲 法、商 法	國 際 法	同 上	統 計 學		外 交 史	同 上	同 上
第 三 年	商 業 各 論 (保 險、取 引 所)	商 工 政 策、銀 行 制 度	銀 行 史、外 國 貿 易 論	同 上	國 際 公 法	商 業 解 文		工 業 要 綱		同 上	同 上

第二學年以後照各學生將來志望所在分為商業志望外交官志望兩班俾學生隨意撰定其一

教 育

八 十 五

乙 巳

肄業

第二外國語訂為隨意科學與不學均任學生便

第四章 考試及卒業 第十三條 考試分為學期考試學年考試及卒業考試三種學期考試每學期末行之學年考試每學年末行之而卒業考試於卒業時行之 第十四條 考試等第分為甲乙丙丁四等丙以上方為及格 第十五條 學生志操品行尤須留心品行分數與學科分數均行合算酌定等第為準 第十六條 凡將本大學各部學科修了而於卒業考試合格者給予卒業文憑 第五章 入學及退學 第十七條 本部定於每學年初允准入學肄業 第十八條 願入學者開具籍貫履歷與保人聯印報名投送本大學其式樣列後

入學願書

某願進

貴大學肄業乞

賜收留茲開具履歷如蒙

允准自應循規蹈矩倘有關於本身名等事均惟保人是問特此謹具

明治年月日

原籍
現在住址

本人 姓

某年月日生

名(蓋印)

原籍

現在住址

保人 姓

名(蓋印)

垂鑒

早稻田大學校長
履歷書

原籍

現在住址

姓 名

某年月日生

教育

一學業 自某年某月起至某年某月止在某學校或某書院或從某師學習何等學問
一生業 自某年某月起至某年某月止從事何業
一賞罰 某年在某處受何等獎賞何等責罰等情
以上所具履歷是實

明治 年 月 日

第十九條 保人須在東京市或橫濱市居住而由清國出使大臣或由本大學以爲確實可靠者均可 第二十條 凡學生秉性懶惰品行不端或疾病淹纏萬無成業之望者違背本大學規範者有犯國法之虞者以及應繳學費不繳納者均卽斥退不貸 第二十一條 如學生有疾病等情事故擬請退學或請假者須由保人知照本大學允准方可 第六章 鼓勵章則 第二十二條 凡學生品行端正學力卓絕者以爲優等生獎賞另訂文憑表彰用示鼓勵 第二十三條 本部卒業清國留學生與本大學所有專門部及高等師範部卒業日本學生均皆一體看待稱爲早稻田大學得業生 第二十四條 凡清國留學生本大學大學部卒業者同日本學生卒業者均准稱學士名號即政治經濟學科卒業者爲早稻田大學政學士法學科卒業者爲早稻田大學法學士文學科卒業者爲早

稻田大學文學士而商科卒業者爲早稻田大學商學士 第七章 學費 第二十五條
凡學生入學時應繳入學費日銀伍圓正 第二十六條 學費訂爲豫科每年日銀叁
拾陸圓本科每年日銀肆拾捌圓分四期勻繳其期限訂如後開 第一期 九月十五日
止 第二期 臘月十五日止 第三期 三月十五日止 第四期 六月十五日止
第二十七條 清國學生進本大學高等豫科及大學部者其應繳學費按照日本學生應
繳學費訂爲一樣其款項與期限開列於左 高等豫科應繳學費及其期限 第一期
日銀拾圓正 四月初十日止 第二期 日銀拾伍圓正 九月十五日止 第三期
日銀拾貳圓伍拾錢 三月初三日止 大學部應繳學費及其期限 前期 日銀拾捌
圓正 九月十五日止 後期 日銀拾伍圓正 三月十五日止 第八章 寄宿舍章
則 第二十八條 願入寄宿舍者繕寫入舍願書一紙遞送本大學允准方可 第二十
九條 寄宿舍生出門時刻訂爲每日上午四點鐘起至下午十一點鐘爲止 倘有不得已
事故擬請於準時刻外或出門或歸舍者先須將其緣由稟明舍長允准方可 第三十條
舍長將所有寄宿舍或勤或惰品行如何等由責成監督若遇寄宿舍生行爲不妥立即斥
退亦未可定 第三十一條 凡寄宿舍或由本人或由保人擬請舍長將所有學費監督

照料者准之 第三十二條 應繳舍費及伙食訂爲如左但據行情隨時酌改 舍費
每月日銀貳圓伍拾錢 伙食 每月日銀拾圓正 本學職員銜名 校長 法學博士
美國法學博士鳩山和夫 學監 法學博士高田早苗 主事 青柳篤恆 講師銜名
理學士石川成章 石川文吾 伊藤重次郎 德國法學博士池田龍一 商業學士
池本純吉 法學博士美國法學博士鳩山和夫 法學士原嘉道 法學博士岡田朝太
郎 法學士小山温 法學士大隈信常 大坂榮 文學士岡田正美 渡俊治 德國
哲學博士金子馬治 文學博士橫井時冬 理學博士橫山又次郎 理學士吉田弟彥
商業學士吉田良三 法學博士高田早苗 田中穗積 法學士副島義一 法學博
士添田壽一 文學博士坪内雄藏 理學博士坪井正五郎 法學博士中村進午 中
島半次郎 永井一孝 中桐確太郎 文學士梅若誠太郎 法學士上野貞正 文學
士内崎作三郎 浮田和民 德國哲學博士宇都宮鼎 理學士山上萬次郎 法學博
士山田三郎 牧野謙次郎 法學博士天野爲之 法學博士有賀長雄 青柳篤恆
德國法學博士坂本三郎 商業學士坂本勉 菊池三九郎 法學博士美濃部達吉
農學士志賀重昂 美國哲學博士鹽澤昌貞 文學士平沼淑郎 關一 法學士鈴木

喜三郎 美國法學士杉山令吉

各省教育彙誌

京師 浙江同鄉京官議設全浙學堂教授在京子弟已酌擬章程由王相圖審定開辦

直隸 深澤縣紳提舉王仁度訓導王孝箴公立初等小學一所各捐園地二十畝以作經費已由直督 奏請獎勵

灤平縣屬寶山寺姜君子元獨力創辦初等小學二所亦蒙直督給予五品獎札以示鼓勵

奉天 趙君秉璋近在錦州議設客籍中小學堂經費由副都統允以南關牧羣衙門借作學堂公所並出示保護以興

教育

山東 長山縣令創建高等小學一所規模可觀並附設師範傳習所另建官立民立初等小學十所以期教育普及云

江蘇 崑山陳嘉鎮朱君敏防近設兩等小學各一票由該縣批准嘉獎并捐銀二百兩以爲之倡 松江葉君潤春集

合同志設一開明女學堂就學者頗形踴躍 上海滬學會同人捐建義務小學一所各科教習均由會員擔任 江陰

水旱雷局總辦方刺史近奉江督札飭設立雷電學堂招選聰穎子弟數十人學習電碼暨試放水旱雷諸技 江甯近

議仿照北洋創設警務學堂已暫假前作督練公所之織造衙門開辦 揚州朱君華廷以近日學生中頗有敗壞名譽

之事殊於學界進步有礙特議邀集官私各學堂學生初立學生自治會贊成者甚多 通州南關外西寺僧舍近已改

設初等小學堂致取就近子弟肄業一俟經費寬裕再行擴充 唐家開機廠林立工匠子弟無力就學者恆慮荒廢張

季直殿撰特開一藝徒預教學校俾各具有普通知識爲將來自立地步並寬免脩金以嘉惠窮黎云

安徽 桐城學堂開設有年近又另建速成師範學校一所以養成教員爲目的 績溪在徽屬六邑中最爲瘠苦而學

教育

界獨煥異彩其已設立者若孔鑿之崇日學堂仁里之思誠學堂汪村之植基學堂皆最著者近又以東山書院改設公立高等小學又設初級師範學校一所以宏教育 太平府周太守近與紳董商將郡城翠螺書院改爲中學堂一切規制均仿照皖南中學堂章程辦理 安慶人士近在蕪湖設一安徽全省公學提取安徽旅湘公學之款以充經費 太和縣王大令熱心教育近因地方開辦學堂經費不足特捐廉銀千兩其四鄉舊有義學亦飭一律改爲蒙學所有教習薪水概由大令捐廉致送亦可謂興學不倦矣

江西 前總辦撫周瀚帥以贛省開辦學堂有年非玩愒因循即敷衍塞責特飭省城高等學堂仿照各省設立學務處以綜攬綱領專一事權云

湖北 高漢回民日益繁盛擬欲遵 旨開設學堂專授回民子弟章程頗爲完善經稟由漢黃德道桑觀察移知學務處立案開辦

湖南 湘撫端帥以湘省高等及中小各學堂均已次第設立而蒙養院獨付缺如殊非植本之道特札飭設初等小學多所並附屬蒙養院其辦法以 欽定章程爲主而旁採各國幼稚園制度專收五歲至七歲幼童傳之保姆導啓知識以備入初等小學之資格 衡州府唐太守自奉憲飭辦理南路學務即籌備常年的款萬金就府西門外之蓮湖書院改爲中學堂設額百二十名嗣因求學者衆添設自費生額四十名而來者仍絡繹不絕故近又集資另辦一民立中學堂以輔官力之不及又南路師範學堂亦已建築完美不日即當開學唐太守又議另設一師範傳習所以養成蒙小學堂教員云 鄒縣梅岡紳士合辦高等小學一所額設八十名恪遵 奏定章程授以小學德育體育之知識並擬增設一師範傳習所以惠年長不能入學之志士又附立蒙學以便六歲以上子弟入學云 彬州官辦初等小學近已聘請名宿訂立開辦章程其大致在嚴管理法慎教育法謹出納數已通稟各署立案

四川 江津卞君小梧近與日本兵官牛窪諸君在渝創設東文學堂一所以培植譯才爲宗旨 長壽唐令與學不遺餘力計官立初等小學多至八十餘所女學堂三所半日學堂三所各紳亦相率繼起設立高等小學多所而各處議設者尙方興未艾云

廣東 新甯富商巨族所在皆是而能開設學堂提倡風氣者鮮浮石趙君天錫熱心教育特設宗族蒙學四所初等小學一所學額共計二百六十人鄰右子弟往學者頗盛 三水志士陳亦軍爲教育普及起見在西南創一羣智學堂各科教習俱由同志擔任不取薪水 南雄州沈牧竭力興學除已在州城建設中學堂外近又籌款捐廉於四方設立蒙學堂八處 揭陽陳寶蓮女士素習普通科學近以各處提倡女學心竊慕之爰招集本邑女子自任教授顏曰閨秀學堂就學者頗不乏人 潮陽石埕鄭姚兩氏均仿辦初級小學堂教育族中子弟而和平鄉馬氏亦將家塾改良以期造就人才 大埔劉君謫士郎君少青各就祖祠興辦初級小學已由縣批准立案出示保護 嘉應風氣早開學堂林立近又陸續開辦小學堂於大覺寺西陽丙市雁洋各處此外松口李氏松源劉氏錦屏堡吳氏均議倡辦各小學堂云 高要陳神煥章近設立穎川宗族學堂遵照 奏定高等小學章程并稟准學務處俟各生卒業即送入中學與官立學生一律辦理

廣西 桂林向有蒙泉兌澤愛日培風四所義學書院因故事奉行毫無成效近值當道銳意興學推廣教育特命將四處義學一律改爲初級小學籌增經費釐訂章程以便實地改良云 蒼梧志士李鄧二君提倡學務不遺餘力前因設立高等小學一所初等小學十所提取公款大爲劣紳反對雖稟控得直而公款已爲若輩竊取乃特捐資私立明新學社以竟其志

蒙古 喀喇沁親王前聘日本女士河原操子至蒙即建女學一所而就學者寡王乃自執大杖將王府內所有少婦全

數編入學校近已有學生六十人能以蒙古語寫作又能讀英日文算法手工亦畧知大概云

各省報界彙誌

京師 京話日報出版以來日見推廣毓將軍明近復諭飭工巡各局人員一體購閱以開智識直隸 近出一種直隸白話報演以方音頗易通解

山東 甯阜縣紳袁君書鼎等近集股開辦婦孺易知白話報並請撥濟南成案札派各屬訂購

山西 農工局總辦姚觀察近於兩江會館刊發一報專研究農學工藝製造等學新法月出一冊以振實業

河南 課吏館各司道近奉撫札飭辦官報並由藩庫撥銀四千兩以作經費業已遵照開辦

安徽 皖省正誼書局近議仿照各省刊印安徽官報並稟請札派各州縣分銷云

廣東 佛山某君近在北勝街創設彙報以七日出版一次

廣西 粵西黃女士議設女報命名女鏡月出一冊專以啟發女智為宗旨云

僑民興學

僑日各埠華商均已先後設立學校教授子弟惟長崎獨付缺如甲辰秋駐崎領事卞君梓昌為之提倡嗣向外埠募集多金又得楊星使出而贊助遂擇地起建學堂名曰時中近已工竣開學 南洋各島華商多迷信神權而大北叻埠尤甚每歲耗費不下萬金胡君子春慨然憫之爰集同志演說謂媚神無補時艱不如將此鉅款興學培材稠人廣座大聲疾呼一時歐君慕頤余君彥臣茂君靜齋及同志數十人俱鼓掌稱善遂議定移款設立學堂以教育旅居之青年子弟云

商 務 印 書 館 出 版
財 政 類

學 務 大 理 財 學 精 義

臣 審 定

經 濟 通 論

實 理 財 學 中 一 大 著 作 也 每 部 一 冊 價 洋 七 角 五 分

國 債 論

論 是 書 分 性 質 利 害 種 類 三 篇 詳 晰 實 足 為 研 究 財 政 者 之 寶 筏 每 部 一 冊 價 洋 二 角

地 方 自 治 財 政 論

如 何 不 重 民 困 又 能 集 資 興 辦 要 政 是 書 可 為 之 先 導 矣 每 部 一 冊 價 洋 二 角 五 分

歐 洲 財 政 史

談 出 歲 入 之 類 別 並 財 力 及 負 債 之 比 較 均 有 圖 表

英 國 度 支 考

載 詳 備 足 資 取 法 後 列 各 表 尤 便 比 較 每 部 一 冊 價 洋 四 角

日本田尻稻次郎著吳縣王季點譯○是書詳論富國富民之道凡分四章一總論二生殖三分布四消費細目二百有奇可謂至繁極博而作者能

日本持地六三郎著本館譯○我云財政日本云經濟實同一義是書先論經濟學之綱要沿革次論生殖次論交易次論分配終論消費體用兼備

日本土子金四郎著吳縣王季點譯○我國疲於外債而論者遂多持國債之議然使不明其性質不究其利害而貿貿然為之必蹈昭信股票之覆

日本石塚剛毅著友古齋主人譯○凡辦一事理財為先財政不善百事皆廢嗣後學堂警察諸政必將以地方之財治地方之事方今民窮才竭必

日本小林丑三郎著休甯胡宗瀛譯○歐洲各國今日繁富至此實有由來是書循流溯源自古世中世以及近世各國財政因革無不備載其最近

實了然每部一冊價洋二角
英國司可得開勒著金區華龍譯○我國財政敝亂已極非創立歲入之豫算不能有濟英為至富之國管理財政條理精密實不可及是書記

商 務 印 書 館 出 版 類

中 國 現 勢 論

每部一本
價洋六角

近來列強經營中國之急如泉始達如火始然故齊魯東向調查中國之內情考察列國之邦交不遺餘力是書為法人所著由日本之中國調查會譯為日文其書係最近之作而頗詳談其所論與英日各國見地各異亦足以窺彼邦之輿論也譯以饗我國士夫庶于列強對待我國之情形可略窺其梗概矣

籌 華 芻 言

每部一本
價洋三角

美國李佳白著○美儒李佳白先生學問淵邃寓華日久諳悉華事時時以振興中國推廣教育為懷近在滬上創設尚賢堂定期演說每次講義均登報章及門之士以為未屢衆意請將生平著作公諸同好先生乃首輯此編名曰籌華芻言呂鏡宇尚書評為持論中肯誠不誣也

財政

論各省因捐滋事案 錄乙巳三月十二日漢口日報

庚子以後。歲需賠款千數百萬。舉辦新政款千數百萬。司農仰屋。疆吏束手。日惟以理財爲急務。理財惟以加捐爲要術。於是各省府廳州縣。因捐滋事之案。層見疊出。不可殫述。茲據最近報告。又有成都因辦房捐。商民罷市。濰縣因煙葉加捐。聚衆毀局二事。嗚呼。加捐之爲害也。一至於斯乎。夫官府處今日時勢。外迫於強隣賠款。內迫於地方要政。在在需款。而公私如洗。措手無從。雖間有毀家紓難。輸財助邊之人。而一杯之水。不救車薪。其不能不出於加捐者。勢也。商民處今日時勢。勞資不足以贍家。傭值不足以餬口。雖間有急公好義。踴躍輸將之人。而愚者之識。以爲此等捐款。非奉獻於外人。卽官吏之中飽。其不能不出於抗捐者。又勢也。上又有顛預之官吏。不能因時利導。臨以強迫之勢力。於是民視加捐之舉。益爲大厲。下又有不肖之奸宄。乘機肇事。藉以煽惑愚氓。於是上視抗捐之民。等於匪類。上下阻。變故滋生。非必上皆以厲民爲心。下皆無愛國思想也。然則處此時勢。上下交困。將若之何。曰。是皆未深究夫理財之道也。夫理財之道。東西列國。皆有專門名家。著之論說。勒爲成書。

充棟汗牛。不可觀縷。然其精義與旨。總不外大學傳所云生之者衆。食之者寡。爲之者疾。用之者舒。四語。蓋必精勸生利分利之比例。而後足以言理財。今不究生利之法。而惟以加捐爲要術。是在上之人不能爲下生利。而反分在下之利也。烏得不生抵抗心邪。難者曰。以我國捐稅。比較各國。雖屢經增加。猶不敵各國之重。何彼之商民無怨言。而我之商民多愁苦也。曰。是中關係又在政治法律之完缺。與夫生民日用之舒急。我商民每視租稅爲君上之私產。不知與其身家有何關係。又念其所得者薄。而上之所取者厚。故多愁苦也。難者曰。近來講求生財之政。若開鑛造路。振興工藝。皆是也。然母財不足。亦不得不先加捐以資用。曰。是固然已。而商民之所捐與在上之所用。皆未能宣布其實際。遂不能無疑。疑則敢於抗鳴呼。朝廷軫念民艱。屢頒溫詔。申誠官吏。毋虐母苛。官吏目擊商民之困難情形。未嘗不惻然動念。迫不得已。乃出此加捐之策。既不能因抗捐而遽罷其令。亦不能因抗捐而遽加以誅。自時厥後。似宜將加捐之故。預爲宣布。所捐之數。預爲宣布。所行之政。所興之業。皆必將其實際。昭告於上下。於是上下之間。貫徹無阻。不致疑忌。其有不率者。夫然後罪之。而無辭。因捐滋事之風。庶有弇乎。

直隸總督袁奏蘆商請將鹽斤定價定秤設局緝私報繳仍留餘價二成備抵虧課摺

竊臣前因長蘆引額課款驟難加丁加閩奏經戶部議令釐剔弊端妥籌辦法務將現在通網應銷引張責令全數銷足然後將從前奏請暫停之十二萬引徐圖規復倘一時未能猝辦應將各項加價仿照正課由商人按引額包完不得僅按出庫引張計算等因當經轉行運司諭飭該網總遵照去後茲據署理長蘆運司陸嘉穀詳據全網商人聯名稟稱蘆商自遭兵燹資本蕩盡借本起運息重利微又兼積弊太深久未整頓若再按額包完加價力不能支現於無可如何之中另籌萬全之法惟有掃除積弊定價定秤設局緝私蓋蘆網疲累之原實由於例價不平緝私棘手於是有加秤減價以敵私者受病日深一日又蘆鹽額價分爲十九等載在 國初定例至今仍之本以運路遠近爲準又以水運陸運爲衡路遠而運艱則運本重路近而運便則運本輕且陸運艱於水運火車便於大車今查舊河大半淤塞鐵路逐漸開通昔日之水運今變爲陸運昔日之大車運今變爲火車運是今昔情形懸殊運本卽因之而異運本既異則賣價之等差亦應變通今則株守例價苦樂不均百十年以前舊商有不得已改爲活秤活價者一人作俑於前衆商效尤於後價旣不一秤亦不齊流弊無窮商民交病欲除此弊計惟平價平秤則互充之弊不戢自銷擬請將長蘆通網引岸按目下運本輕重從新釐定價值併作六等以天津滄州鹽山及永平七屬沿海十州縣

作一等定爲制錢二十文以靜海慶雲武清清縣大城故城景州阜城南皮豐潤甯河十一州縣作二等定爲制錢三十二文以大興宛平涿州良鄉房山昌平順義密雲懷柔平谷通州三河寶坻薊州香河霸州保定文安固安永清東安清苑滿城安肅定興新城唐縣博野望都容城完縣蠡縣雄縣祁州東鹿安州高陽河間獻縣交河東光任邱甯津吳橋肅甯邢台任縣南和內邱唐山鉅鹿平鄉沙河廣宗永年曲周肥鄉雞澤廣平邯鄲成安威縣清河磁州深州武強饒陽安平定州深澤曲陽趙州柏鄉隆平高邑臨城甯晉冀州南宮新河棗強武邑衡水易州涑水遵化玉田延慶舊州采育等九十州縣作三等定爲制錢三十四文以正定獲鹿井陘阜平欒城行唐靈壽平山元氏贊皇晉州無極藁城新樂大名元城南樂清豐開州東明長垣安陽湯陰臨漳林縣內黃武安涉縣汲縣新鄉獲嘉淇縣輝縣延津封邱滑縣濬縣原武等三十八州縣作四等定爲制錢三十六文以河內濟源原武孟縣修武武陟溫縣等七州縣作五等定爲制錢三十八文以黃河南岸祥符等二十八州縣作六等定爲制錢四十二文以上六等有與例價相同者有較例價酌爲增減者皆係按照現時連本公平議定以後自無畸重畸輕之弊然後將商人餘利酌提歸公每年約可得銀五六十萬兩擬請以八成充餉以二成撥抵滯岸虧額課帑餘款作爲養勇緝私整頓運道等用計

尙不敷議定無分南岸北岸每引攤交銀二錢每年約可得銀十萬兩上下以備緝私要需並請永遠革除加秤減價及代銷貼併名目以免偏枯一轉移間既可籌出鉅款又可暢銷引額如果辦有成效日後將通綱賣價陸續增歸一律尤能裨益餉需等情該署司查蘆綱積弊固由於稍私充斥亦由於活秤活價致起競爭故於欽奉 恩旨簡署長蘆運司責成認真整頓之初卽密委委員分赴各引岸考察鹽價鹽秤嗣據各委員查明稟覆並將各岸引鹽各購一斤隨稟呈閱綜核現在賣價有較例價加多半文至八文不等者現用鹽秤有較官秤短少一兩至七兩不等者平時如此迨醬菜二秋又有放價放秤以充斥鄰岸者弊竇叢生無怪私充官滯此弊不除商民交受其病引數斷難復額該署司向綱商再三勸導不啻舌敝唇焦始各自悔前非稟請除弊詳加察核確係實在情形詳請具 奏前來臣查長蘆鹽斤活價活秤積弊甚深既經該署司再三勸導該商等始各自悔前非公擬切實辦法每年可得餘利銀五六十萬兩洵屬有裨餉需應懇 天恩寬其既往准如所請辦理庶於恤商之中仍寓籌款之法實於大局裨益匪淺謹 奏奉 硃批戶部知道欽此

署山東巡撫胡奏查明山東省各屬經征錢漕折征數目摺

竊查前准戶部咨奉 上諭著各省督撫將各屬經征錢糧開列簡明表冊該州縣錢糧正

額若干現在征收若干向係收銀者註明每賦一兩正耗各收銀若干或係收錢折銀或係收銀元作銀均註明每銀一兩折收若干每漕糧一石收本色連正耗各收米若干收折色者每石收銀錢若干此外有無陋規雜費逐一登明據實聲叙俟該省奏報到後著戶部核對由政務處刊入官報等因欽此欽遵咨行到東當經正任撫臣周馥分飭司道查辦去後臣前在藩司任內接奉行知遵即查明東省州縣從前征收錢糧本有錢號銀號之別自光緒二十七年經升任撫臣袁世凱將通省錢糧無論原征錢號銀號及銀錢兼收一律改爲每正銀一兩連一四耗銀火耗解費一切辦公等項共收制錢二千四百文由州縣易銀解兌此外不准絲毫多取惟近年銀價減落州縣以錢易銀不無盈餘亦經節次提解歸公以作右軍先鋒隊月餉黃河搶險經費及攤還洋款辦理新政等項之用州縣所餘無多僅敷辦公定章之外並無浮收陋規雜費於上年九月間造具簡明表冊詳明正任撫臣周馥未及核奏至漕糧一項上年十二月間始據布政使尙其亨會同督糧道周開銘查明東省漕糧自前撫臣閻敬銘 奏准定案向征折色者每正米一石折收制錢六吊文一五耗米隨正核收制錢九百文至光緒二十七年遵 旨一律改征折色仍按照每正米一石連一五耗米共折收制錢六吊九百文其不及此數者仍循其舊東省有漕州縣分隸六府二直隸

州總計六十九處除齊東濮州范縣壽張四州縣皆因黃水爲災漕糧久已停徵如陵縣折收漕米分爲兩等本色地糧每正米一石折收制錢六千文耗米隨正核收與定章相符其寄莊糧戶無論正耗每石正折收制錢五千文他如樂陵縣正耗米每石共折收制錢六千二百五十文濱州正耗每石共折收制錢六千三百二十二文觀城朝城等縣正米一石連一五耗米共折收制錢六千文冠縣內分三等行戶連耗每石折收制錢六千二百文民戶連耗每石折收制錢六千九百文寄莊連耗每石折收制錢六千文此外又有臨德常三倉米石如臨清濟甯二直隸州歷城等二十二州縣或係折解道庫湊解各項餉需或由州縣就近撥支各營兵丁月餉或解道支放德州滿營兵米向不收耗每石均折制錢六千文德常二倉及餘剩孤貧等米例不缺額遇有災傷統歸大漕行潤項下核辦蠲緩均無浮收情弊亦無陋規雜費名目等情詳請彙摺具 奏前來臣逐加覆核州縣經征錢漕解兌出入銀錢實已和盤託出並無含混遺漏謹 奏奉 硃批戶部知道欽此

兩廣總督岑廣東巡撫張會奏第四屆闈捐減餉招商承辦摺

竊照廣東商人承辦闈姓捐輸每屆二十八場以六年爲期上次第三屆由商人韋崧等承餉四百四十萬元自丁酉年文闈鄉試起至癸卯年武闈鄉試止本已年期屆滿中間因庚

子年奉停武試該商六年期內計少庚子辛丑癸卯武鄉會三場當以甲辰肇慶韶州府試二場文會試一場屆期抵補以符二十八場之數迨舊商期滿退辦遂照上屆定額另招新商屢經示諭迄無應者良由武科停罷文場改革闡捐精華大非昔比舊餉爲數甚鉅貿然認承必有虧折以故觀望不前查闡捐係奉指還款要需今昔情形既不相同自未便刻舟求劍日久延悞比經減餉招徠始有商人數輩具稟請承然非變易舊規卽係巧立名目無裨餉項而甚滋流弊均已隨時駁斥勿議惟查有職商周永福向照原案六年爲滿自乙巳年高州歲試起辦足二十八場認交正餉二百八十萬元另交過一次報効銀五十三萬兩如六年期內恭逢 恩科鄉試會試兩場另行加捐洋銀三十五萬元不在正餉之內所有洋銀捐項每元以七錢上兌按場分交所集資本皆係殷實華商並無洋款亦無洋籍教民與有股分之事稟由廣東善後局司道同查核該商認辦各節尙屬穩便復加勸導至再據稱竭力承餉報効實在無可再加事須速定當經善後局出示給諭開辦一面詳請 奏咨前來臣等覆查廣東闡姓承餉原屬不得已之舉當此財用窘急歲得銀四五十萬元以湊集洋款要需雖誠知其非務本之計而有不得不暫資挹注之勢既據該司道等查得承商殷實並無洋款勸導報數無可再加自應准其如擬辦理謹 奏奉 硃批戶部知道欽

此

外務部咨行各省禁購銅餅文

准出使日本大臣楊函稱准滬道電滬上好商用日本銅餅及手搖機器偽製銅元朦銷請商日本外部嚴禁出口等因當即照會小村大臣并往面商茲據小村覆稱中國各省官府往往有與商人直接訂購貨幣材料之事以致銅餅出口者不得盡爲偽造之資等語本大臣查訂購日本貨幣材料既有流弊似應行知各省嗣後遇有訂購日本貨幣材料之事務必先咨明外務部或出使大臣以憑照會日本外部轉飭所屬查驗放行如無照會者即屬私運應由日官嚴禁出口等因前來本部查訂購日本貨幣材料徑與該國商人直接以致漫無稽查出有偽製銅元等弊該出使大臣所稱嗣後遇有訂購之件必先咨明外務部或出使該國大臣照會該外部查驗自係爲防弊起見相應咨行備案俟有訂購外國製造貨幣材料時先行知照辦理等語查各省官局製造銅元均係購用成副機器此種手搖印花機器自係專爲私鑄之用至銅餅一項各省局試鑄之初因自行鑄造不及往往有向日商訂購之事惟是中國鑄造銅元原係爲補救錢荒維持利權起見若購用外洋銅餅則是鑄造之權利大半分與外人而轉致外人有所藉口即隨時咨明查驗恐夾帶影射之弊仍難

淨絕不如全歸自鑄則以後凡有此項銅餅卽係私運禁止較易爲力相應咨行貴口口查照轉飭鑄造各局嗣後勿庸購買鑄成銅餅并飭知各海關遇有將銅餅及手搖銅元印花機器私運進口者一併設法查禁仍咨行外務部行令出使日本大臣向日本外部聲明中國官局不再購買銅餅商令將銅餅及手搖銅元印花機器兩項一律嚴禁出口以防流弊可也

署兩江總督周准署湖南巡撫陸咨送長沙關議訂報單章程轉飭江海關道遵照札

文

准署理湖南巡撫部院陸咨據長沙關監督鹽法長寶道朱延熙呈稱竊照長沙開埠通商一切章程均與各口岸辦法無異所有會訂各章程分別呈咨在案查增開商埠原爲擴充商務起見長沙上接川黔下通江漢內地常辰衡寶各屬物產甚豐亟應設法流通方足以擴利源而維稅課查通商各口通行章程第四款內開洋商如入內地買土貨或本商自去或用本國人內地人均可惟必須先向海關請領買貨報單完納報稅此項報單通商各口海關自行備辦俟准領事官咨請發給等語光緒二十二年又奉總署咨行土貨報單應准華商請領各等因本關事同一律應卽釐訂章程刊備運照報單俾資遵守茲仿照漢關

辦法議訂三聯報單暫行章程十二款刷印成帙除移釐務總局轉飭各卡及照會各國領事通飭洋商并稅務司轉諭華商遵照外合將所訂章程申請核轉等情據此除咨外相應咨煩轉行南洋各省關知照等因并章程到本大臣准此合將章程札發札到該關道即便遵照分移沿江沿海各關一體遵照 附錄湖南長沙關三聯報單暫行章程十二條

一華洋各商欲請三聯報單前赴內地購運各種土貨來長沙者應在稅務司處領取刊給之切結其切結內聲明該商並所請足以承保之殷實保人二人願遵照現定章程辦理如有不遵此章之處即照所請報單內載貨數該完正稅若干情願繳完六倍歸中國入官並在切結內加具切實承認如該商不照切結遵辦即聽監督將該貨扣留按照應完各稅及加繳銀數提貨變價補足清楚方將餘貨及餘銀發給領回倘各項完繳未清雖該貨與他人別有銀錢糾葛等事不得先儘他人等語由洋商將此切結在領事處畫押經領事蓋印後即持呈稅務司轉請監督將三聯單送由稅務司給與該商領執華商即在稅務司照辦此切結至該貨到長報運出口之日止作為保不違章之據如該貨不運出口即照下第六條辦理完訖始准核銷 二凡請領三聯單購辦土貨者須自所請單內填註之日起限六箇月內將單貨運到單內註明之第一子口否則該單即作為廢紙並須迅速繳呈稅務司

轉送監督查銷偷逾理應呈繳之期不行呈繳監督即不准發該商續請之單如有人持逾限廢單仍往購運土貨即將該貨全行入官其三聯單所運之貨在第一子口將報單倒換運照運至最近長沙之子口 三該商購買土貨即不能足單內所註之多則於運到第一子口時立向委員報明情形由委員在運照內填註所購土貨之實在數目並稟報監督該商亦必飛速稟報稅務司若所運土貨多過單內所註之數即將多出之貨入官 四凡請三聯單運所買土貨自倒換運照之日起限六箇月內須到長沙關最近之子口如逾限不到即照切結所開銀數呈繳入官惟該貨沿途或爲關卡及地方各項員弁扣留或遇有人力難施之處或遭不測如水災賊匪等類以致限內不能將貨運到最近長沙之子口者該商須將耽誤情形立時就近報明地方官並稟請稅務司轉達監督酌量情節改寬限期並免繳切結內所言銀兩免照下第八條將所請發之單照停止繳銷若再逾所展之限貨不到口則該商仍須照結罰辦仍照第八條辦理 五該商到長沙關最近之子口須由該商開具貨色件數斤重清單稟報稅務司并將運照呈繳即照章完納子口稅由稅務司發給准單准令該貨過卡隨即送至長沙關碼頭或報單內報明經稅務司核准之驗貨所查驗單貨相符方准將該貨起存商棧 六該土貨自到長沙之日起限六箇月內出口或直運

外國或運往別口轉出外國 一如逾限不報出口即照該貨應完出口正稅銀數加兩倍半呈繳始准免其出口並將第一條所言之切結核銷 二如該貨出口直運外國則該商納一出口正稅此外即無餘事即將第一條所言之切結核銷 三如將該貨報運出口若漢口上海等處再行轉赴外國則該商除完一出口正稅外須再暫存一出口正稅始將第一條所言之切結核銷當其出赴別口之時由稅務司填一該貨憑單送至所赴之海關俟該關將此單寄回時查閱內所註若該貨自到該口之日起於六箇月運出外國即將所暫存之一出口正稅給還若該貨自到該口之日起至六箇月期滿尚未運出外國即將所暫存之一出口正稅入官不再給還 七該商若欲將該土貨改裝者應遵關章辦理並由稅務司所派關員眼同查驗明確方准改裝 八凡商人有違此章並不肯呈繳切結內所註明之銀數者洋商即由領事官按照國律追繳華商即由稅務司轉請追繳當未繳之先所有該商續請之報單即停止不給其已領之一切報單並聽監督一併查銷運照亦飭令繳還 九凡原請三聯報單之華洋商如欲歇業或遷移他處須將已請未用之報單全行呈還稅務司轉送監督核銷倘彼時有業經購買土貨之單其貨尚未到長或已到長存棧尚未出口或已運別口尚未報運外國者如該貨改歸別商須由接受之商自行呈具切結聲

明情願仍照原具切結未清各節遵行 十除有第九條情事外凡商人所請三聯報單並運照不准改歸別商 十一該土貨到長以後如有損壞等情該商即須赴稅務司處呈明由稅務司派員查驗實在損壞若干照完出口稅銀倘該商因貨損壞不願裝運出口即照核減之出口正稅銀數呈繳兩倍半始准免其出口並將切結核銷 十二長沙關所有現在最近之子口開後一在撈刀河之卡一在新江河之卡

前美國專使精錡詳報美外部籌議中國改變圓法情形說帖

敬啟者精錡等曾於一千九百三年十月一日以萬國圓法交易事件詳報在案今復將一千九百四年所辦之事續報如下 昨年調查各處情形上書各國其尤要者在改良中國圓法及論菲律賓羣島之通行幣價與巴拿馬國維新圓法情形 查銀條銀塊之價通行已久未可猝改英屬印度亦係用銀是以用金與用銀之國兩相交易必須善於調劑乃免隔閡 一千九百三年九月精錡等自歐洲回國詳報各國圓法情形旋請將此報冊咨送中國並由中國協助調查 我政府允其所請特派精錡前赴遠東商酌辦理惟因菲律賓畫定金銀價值之法尙難一律照辦而現適當議定圓法之時故當精錡未至中國之前須先至菲律賓調查一切乃能比較歐洲圓法與南洋各島圓法始於中國議改圓法之事有

所裨益

調查中國圖法情形

欲應中國所請而求一最善之策當會同中國辦理各事務出萬全大要在改新圖法而使銀價交易必有定之金價爲依據 欲將辦理萬國圖法畫一之大意詳告中國政府及其民人以爲會議基礎故精鑄會著專書以緊要宗旨及歐洲各國妥善圖法各大臣會議情形一併登載英文華文各印一分頗蒙中國政府嘉許並頒發各省官商而華字各報亦有錄其全文者 精鑄以專使文憑既呈中國政府驗視即求其允准前赴沿江沿海通商口岸及緊要內地查視一切情形之有關圖法者當蒙允准並飭各屬官員爲之照料幫助俾得詳細調查茲擇其格外注意之事四條開列如下一查明各省錢政情形與貿易之法精鑄曾久留內地見市面所用並無金銀各錢而惟銅錢與銀塊銀屑耳銀之出入係以天平權其輕重精鑄因與該處官吏錢僮及負販之徒談論一切遂有確實意見以定新式圖法而裨中國商務也二嘗與各省官場談論商議而察其才力資格上自督撫下至邑宰俟新圖法既已頒行彼等協助之力或大或小均已知其大概三各處官商人民於改良圖法及精鑄商勸通行之圖法均頗屬望四精鑄所至與各省督撫暨大小官員以及商民人等

晤談告以要旨俾考訂時得有熟悉商情者之助又使不知中國政府特請精鑄調查之故者減其疑忌而免阻礙 精鑄所至之處爲自北京至漢口自漢口至上海沿江一帶地方且嘗游歷天津上海廣州沿海三要埠並晤蘇浙巡撫煙臺廈門二關道計十八省督撫之曾與商議者凡十省各省大員之預會者凡十二省當在滬時亦與中國商約大臣會議多次蓋即近與英美日本議定商約者也 經此調查商議頗有裨益蓋中國之新機舊習於此事有關係者均已確切查明不至有所誤會凡所見聞實足使精鑄深悉中國官民之意向也 自回北京與中國政府詳議辦法適英美日本新訂商約於國法大有關涉中國因決計設立萬國通行國法遂派戶部及他部官吏專議此事中有特派專辦鑄錢新廠及查核國法條陳者 近者中國與英國新訂商約又在此二三年中經各國商會訂定事款各報亦有論說爲之發明故政府諸公頗多注意用金然目下仍擬用銀而鑄通行之銀銅各錢故雖優待精鑄而實未合其來華宗旨及經迭次會商乃漸變其趨向從用銀本位而移至用金本位矣且中國與議各員近亦深知用金之有利於國家度支及人民商務謂商議國法一舉中國大有裨益至可感也云云 中國定例凡遇大政 皇上必諮詢樞臣而後施行樞臣必從會議國法各大臣之策而實以戶部主持其議戶部漢堂爲鹿尙書傳霖滿

堂爲榮尙書慶又有那侍郎桐那君曾至日本調查圖法要之此事總以戶部領袖尙書所下之斷語爲有勢力且其人正直和易年齒已邁閱歷亦深決議先用銀本位而後全用金本位惟其議未能遽行緣戶部尙書入值 頤和園且兼差甚多不常預議故也後時精鑄限期忽促亟欲回美報告本國議院意謂中國政府於此大致業已議妥雖或未能周詳而能聽受美國忠告之意固已顯然可見當待其自爲詳議也 未幾鹿尙書調任工部尙書而以趙尙書爾巽攝其任趙君注重此事特與精鑄晤商多次敬禮有加及精鑄之將啓程回美也與北京之達官貴人言別談次均有願任改良圖法之意然以鄙見測之必須各省督撫切實奉行則美政府之目的始可達到且謂若聘用外國精明圖法人員襄理財政以實行美國所言於中國之主權利益均無所損也 精鑄與各省督撫司道所談均承許以屆時辦理當爲切實贊助而北京大僚之意則謂中國若果舉辦外省大員自必樂於從命各國駐華公使有諳悉中國政府情形者亦謂中國政府於此頗願見諸實行我國駐華公使康格君報告政府之書實不啻爲各國公使之代表也其書如下大學總教習精鑄於本月二十七日自北京回國查精鑄來華所辦之事初時雖似棘手然能堅持原定宗旨遂使中國深信其說謂宜依言辦理惟慮此事之於財政大有變動恐政府權力未能行之各省

故先咨商督撫規其意向然無論精鑄所言能盡實行與否而已足以感動中國俾銀錢有畫一之價值且爲近時訂約各國所甚願而各國亦將冀其相助也至華官之款待精鑄優禮有加蓋已知此事之大有造於中國也僕亦謂此事必有大效也云云 倫敦泰晤士報館訪事馬禮遜久居北京深有閱歷當精鑄回國時馬君有電致報館節譯如下大學總教習精鑄君奉使至華其事已畢所論用金之策甚爲中國政府嘉納惜未竟前功遽爾返國蓋中國舊習聽從人言與實見施行常分爲二者也 上海字林西報曾論精鑄所辦之事謂其奉使中國不虛此行非律賓羣島改定圖法既速且易想中國於此亦不過難他日重至中國竭其勸告贊襄俾中國實行用金政策之大臣得一臂助云且中國官商贊美精鑄者頗多其言雖不甚當而其至誠之心亦可想見有馮華川者香港商會領袖嘗於一千九百四年八月十三日致書精鑄其文如下本月七日日本商會董事集衆會議僉謂用金本位之策大有益於中國凡經商之華人均當樂從中國圖法若竟守而不變則香港華商受累亦無底止故某等竊願足下之辦有成效云云 其尤要者則爲中國政府之公文慶親王乃樞垣首領以代表中國政府者也精鑄嘗詢其切實意見冀以歸告總統慶王遂於其起程回國之日作書告之其文如下貴大臣奉命來華本爵至爲愜意屢得來牘切實詳盡曷

勝感佩至貴大臣所論萬國通用圖法皆甚緊要中國現擬商改圖法設立國家銀行亟應採用貴大臣之政策至此外各條亦擬體察情勢以漸施行總期將貴大臣所定之策一一見諸實事俾有成效也貴大臣諳悉財政中外交推而爲中國熱心辦事至誠惻怛尤令本爵感激不置茲聞貴大臣歸國有日本爵爲之悵然倘他日中國再需貴大臣來華以便承教本爵當卽函懇云云 查中國擬與墨西哥會同設立通行圖法定一兌價俾用金之國與用銀之國利便交易近已辦至最好地步惟不知慶王所言何時實行且用何等善策耳中國權要於此均甚明瞭故皆開誠布公直陳其志甚願改良圖法以裕財政且謂中國必欲辦理此事倘無戰事以阻之必不中止 文久居中國之西人均謂精鑄若非因限期已滿則必在華多留數月親見新圖法之通行若能協助中國自必明效昭著且精鑄此行實應中國之特請非強爲干預也夫改行圖法他國有之未有如中國之難者中國大員若不畏難苟安採取善法以用金本位爲歸宿精鑄竊有厚望焉

光緒二十九年部庫進出款項總數及細數清單

按此雖屬癸卯款自然甲辰報銷冊今尙未成則於考察中國歲出歲入之實數自當以此爲最新故特錄之

附 載

七十七

乙巳

部庫進款總數

京餉六百九十七萬五千八百五十八兩九錢七分一釐銀元折合庫平銀十萬八千六百九十五兩六錢五分二釐銅元五百八十萬元籌備餉需一百八十二萬四千八百五十三兩邊防經費一百七十六萬四千八百十三兩三錢三分八釐九毫銀元折合庫平銀二萬一千七百三十九兩一錢三分固本兵餉七十六萬一千兩協餉二十二萬兩旗租十四萬九千四百七十六兩一錢四分六釐七毫關稅四十八萬七千九百七十八兩五錢二分二釐七毫土藥稅二十六萬六千一百二十七兩五錢四分二釐一毫捐項七十七萬四千二百八十一兩四錢減平十九萬二千二百三十八兩八分二釐九毫船廠經費十萬兩漕折二十三萬二千三百二十七兩八錢五分四釐三毫雜款四十七萬六千七百二十一兩四錢七分六釐五毫銅元六百二十四元 總共收庫平銀一千四百二十二萬五千六百七十六兩三錢三分五釐一毫銀元折合庫平銀十三萬零四百三十四兩七錢八分二釐銅元五百八十萬六百二十四元當十大錢一百八十八萬七千零六十三吊三百九十六文

部庫進款細數

各省關解到京餉銀六百九十七萬五千八百五十八兩九錢七分一釐

此款向由各省地丁關稅鹽釐金

各項下指撥每年於十一月與請預撥及次年春間酌核庫款盈虛再定添撥大以上京餉

各省關解到籌備餉需銀一百八十二萬四千八百五十三兩此款向由各省關每年指撥二

各省關解到籌備餉需銀一百七十六萬四千八百十三兩三錢三

分八釐九毫此款向由各省丁鹽金關稅糧折漕項津貼等項指撥每年原撥二百以上邊

防經費 各省解到固本兵餉銀七十六萬一千兩此款例由山東河南山西江蘇江西福建

共解六十六萬兩有閩粵分廣東加解一萬兩其 以上固本兵餉 江蘇省解到鎮邊軍

餉銀二十一萬兩此款原解內江蘇每月二萬兩浙江每月九千兩改解海軍衙門撥用嗣以海

林練餉銀一萬兩此款向由江甯安徽山東河南四省每年指撥協解共銀二十八萬兩嗣各

以上協餉 順直解到旗租銀十四萬九千四百七十六兩一錢四

分六釐七毫以上旗租 關稅銀四十八萬七千九百七十八兩五錢二分二釐七毫以上

關稅 各省解到土藥稅銀二十六萬六千一百二十七兩五錢四分二釐一毫以上土藥

稅 部庫收常捐各項銀七十五萬九千三百十五兩四錢庫倫籌集銀一萬一千兩廣東

股票正項銀一千零六十五兩陝西省賑捐正項銀二千九百零一兩以上捐項 各省關

財政

七十九 乙巳

解到各項減平銀十九萬二千二百三十八兩零八分二釐九毫以上減平 江蘇省解到

船廠經費銀十萬兩

此款於光緒二十四年奏由各督撫撥發每年共銀一百八十八萬兩

費一、款三十萬兩撥歸外務部用年來又分別撥以上船廠經費 山東米折等銀四萬三

千六百兩零零四分四釐五毫盛京牛莊豆折銀一萬六千四百六十四兩四錢五分五釐

四毫盛京豆折銀一萬一千四百七十九兩三錢三分七釐三毫江蘇漕折銀三萬八千四

百八十兩零二錢六分九釐由備荒經費項下劃抵順天府應解米價銀七萬零六百四十

六兩三錢二分四釐一毫浙江輕賣銀二萬四千二百四十五兩八錢六分一釐江蘇減漕

輕賣銀二萬七千四百一十一兩五錢六分三釐以上漕折 多倫廳雜稅銀二萬三千零二

十八兩九錢一分三釐四毫察哈爾左右翼墾荒地價銀十萬兩廣東高錫價銀三千七百

八十一兩七錢一分二釐五毫長蘆南引加價銀二萬零三百兩鹽引紙硃銀一千零九十

四兩二錢七分八釐六毫鹽引紙價銀五萬七千零八十七兩五錢一分暫借匯豐正金銀

行銀八萬六千八百八十四兩二錢各省關歸還部墊銀十三萬五千零七十兩盤查部庫

盈餘銀四萬九千四百七十四兩八錢六分二釐以上雜款 總共各款共收庫平銀一千

四百二十二萬五千六百七十六兩三錢三分五釐一毫 廣東京餉搭解銀元折合庫平

銀十萬八千七百六十七兩六錢五分二釐廣東邊防經費銀元折合庫平銀二萬一千七百三十九兩一錢三分以上收銀元折合庫平銀十三萬零四百三十四兩七錢八分二釐
浙江委解銅元四十萬元江蘇委解銅元五十萬元直隸等省委解銅元四百九十萬元
回繳銅元六百二十四元以上收銅元五百八十萬零六百二十四元 總共收銀元折合
庫平銀十三萬零四百三十四兩七錢八分二釐銅元五百八十萬零六百二十四元 外
收當十大錢一百八十八萬七千零六十三吊三百九十六文

部庫出款總數

祭祀一萬九千七百五十四兩四錢二分五釐二毫四絲上供四十萬零二千二百兩恩賞
六萬三千七百六十一兩一錢八分八釐四毫六忽俸食七十八萬七千一百二十四兩六
錢二釐六毫一絲四忽銅元五百七十三萬六千零十二元養廉二萬九千八百八十四兩
七錢二分三釐八絲八忽餉乾七百八十八萬三千五百九十五兩九分七毫二絲當十大
錢一百五十六萬三千四百六十五吊經費一百零八萬六千九百九十七兩四錢六分四
釐七毫四忽當十大錢五萬三千零六十四吊七百文工程二百二十萬零五千七百八十
兩零四錢七分九釐一毫銀元折合庫平銀四萬二千三百兩採辦一百三十三萬七千七

百零七兩一錢五分六釐八毫九絲驛站九萬六千零六十八兩八錢四分四釐九毫二絲
八忽銀元折合庫平銀五十七兩四錢五分六釐當十大錢五十二吊二百零八文撥支三
十七萬七千零零九兩五錢七分四釐七毫五絲八忽生息一百零四萬零二百五十五兩
二錢四分六釐二毫還款八萬七千四百零五兩五錢五釐二毫總共放銅元五百七十三
萬六千零十二元庫平銀一千五百四十一萬七千五百四十四兩三錢一釐八毫四絲八
忽銀元折合庫平四萬二千三百五十七兩四錢五分六釐當十大錢一百六十一萬六千
五百八十二吊零八文

部庫出款細數

祭祀 東陵祭祀果品等銀八千五百十五兩三錢四分六釐光祿寺麥折銀四百兩內務
府等處麥折銀一萬兩犧牲所草豆折銀二千一百兩以上共放二兩平銀二萬一千零一
十五兩三錢四分六釐折合庫平銀一萬九千七百五十四兩四錢二分五釐二毫四絲
上供 御茶膳房膳品銀一十三萬兩交進庫平銀二十八萬兩以上共放庫平銀二十八
萬兩二兩平銀一十三萬兩折合庫平銀十二萬二千二百兩 總共放庫平銀四十萬二
千二百兩 賞賜 蒙古王公盛甲賞庫平銀一萬零四百三十兩恩賞護衛各營官弁勇

丁銀九千兩恩賞北洋軍樂隊銀二百兩恩賞武衛右軍弁兵銀三千兩賞乾清門侍衛銀一萬兩賞軍機處銀三千兩賞鑾儀衛等處銀一萬六千五百零九兩七錢七分四釐九毫理藩院進羊賞庫平銀二十四兩留京毅軍衣賞銀一萬五千兩以上共放庫平銀一萬零四百五十四兩二兩平銀五萬六千七百零九兩七錢七分四釐九毫折合庫平銀五萬三千三百零七兩口錢八分八釐四毫零六忽 總共放庫平銀六萬三千七百六十一兩一錢八分八釐四毫零六忽 俸食 蒙古王公俸等項原庫平銀十二萬二千四百三十兩王公並滿漢官員春季俸銀三十二萬九千三百六十五兩二分九釐八旗滿蒙漢王公官員秋季俸銀二十六萬六千五百十七兩二錢五分二釐二毫內閣等衙門官員俸銀三萬七千九百七十四兩九錢一分八釐一毫東西陵官員俸等項銀一萬五千三百零五兩四錢四分八釐二毫東西陵官員俸銀二萬三千七百四十四兩零八錢六分四釐八毫八旗官員補俸銀二千五百五十九兩九錢五分五釐二毫理藩院俸原庫平銀九百兩理藩院蒙古俸庫平銀三百二十七兩五錢理藩院蒙古補俸原庫平銀三百四十兩理藩院侍衛俸原庫平銀四百三十二兩五錢理藩院喇嘛錢糧銀二萬九千五百三十兩零七錢九分零六毫以上共放庫平銀一十二萬四千四百三十三兩二兩平銀七十萬零四千九百九十四

財 政

八十二

乙巳

兩二錢五分八釐一毫折合庫平銀六十六萬二千六百九十四兩六錢零二釐六毫一絲四忽 總共放庫平銀七十八萬七千一百二十四兩六錢零二釐六毫一絲四忽 搭放春秋俸並補俸銅元五百七十三萬六千零十二元以上放銅元五百七十三萬六千零一十二元 養廉 八旗都統養廉銀一萬一千五百三十兩吏部等衙門養廉銀七千三百二十八兩六錢五分八釐六毫吏部養廉銀四千五百兩八旗兩翼養廉等銀八千四百三十三兩六錢以上共放二兩平銀三萬一千七百九十二兩二錢五分八釐六毫折合庫平銀二萬九千八百八十四兩七錢二分三釐零八絲四忽 餉乾 八旗滿蒙漢兵丁餉銀二百五十七萬三千三百零二兩三錢四分零二毫兩翼八旗前鋒護軍兵丁餉銀六十五萬一千一百九十六兩二錢二分三釐圓明園八旗兵丁餉銀二十萬零八千零零八兩七錢九分一釐健銳營八旗兵丁餉銀十二萬六千七百四十六兩六錢五分八釐內務府三旗兵丁餉銀六十四萬四千五百五十兩零八錢八分零六毫內外火器營兵丁餉銀二十五萬六千三百七十六兩六錢九分神機營親軍隊餉銀三萬三千八百兩步軍營兵餉馬銀三十四萬零七百三十二兩五錢五分六釐五營兵餉官兵津貼等銀十八萬零九百八十兩零一錢二分二釐二毫武衛左軍餉銀一百十八萬六千九百二十七兩一錢六分

九釐直隸練餉銀六十三萬七千三百三十兩零六錢四分九釐六毫京旗常備軍餉銀三十五萬五千八百八十二兩吉林練餉銀十萬兩熱河俸餉銀十七萬四千零一十二兩零二分二釐四毫察哈爾俸餉銀三十一萬三千七百五十六兩零三分五釐密雲俸餉銀十一萬二千三百二十九兩七錢四分一釐黑龍江官兵俸餉銀三十五萬二千兩景運門等處口分等銀九萬六千四百二十七兩五錢三分七釐玉田等縣駐防米折銀二萬五千六百四十六兩六錢二分三釐冷口駐防米折銀一千一百三十兩滄州保定等處駐防米折銀一萬四千四百十五兩五錢東安等處駐防米折銀一千二百五十一兩七錢五分以上共放二兩平銀八百三十八萬六千八百零三兩二錢八分八釐折合庫平銀七百八十八萬三千五百九十五兩零九分零七毫二絲 搭放八旗兵餉錢一百四十八萬八千六百九十五吊搭放步軍營兵餉錢七萬四千七百七十吊以上放當十大錢一百六十一萬五千四百六十五吊 經費 五城練勇經費銀七萬二千七百六十七兩五錢工巡局經費銀三十七萬八千兩步軍衙門捕務公所等項銀八萬零一百六十一兩二錢政務處經費銀口萬兩八旗學堂經費銀十二萬四千九百九十九兩銀庫辦公經費銀一百二十二兩奉宸苑辦公經費銀三萬二千三百五十六兩頤和園輪船電燈經費銀四萬五千兩頤和

財政

八十五

乙巳

園經費銀十七萬零四百十八兩零一分中正殿經費銀三千兩東西陵工程辦公經費銀一千二百兩惠陵辦公經費銀一千二百兩路工經費銀五萬兩寶泉寶源局飯食銀二萬六千七百二十六兩五錢九分八釐禮部會試經費銀三千兩刑部奏銷飯食銀三千兩各衙門辦公津貼銀十三萬零六百四十三兩二錢一分九釐四毫國子監學生膏火等銀一千七百兩零四錢六分九釐四毫鑾儀衛校尉工食銀二萬二千零八十六兩二錢八分四釐八毫以上共放二兩平銀一百十五萬六千三百八十兩零二錢八分一釐六毫折合庫平銀一百零八萬六千九百九十七兩四錢六分四釐七毫零四忽寶泉局各役米折錢一千零六十四吊七百文內務府卯錢五萬二千吊以上放當十大錢五萬三千零六十四吊七百文 工程 東陵工程銀三萬兩西陵工程銀二萬七千零四十七兩四錢七分九釐惠陵工程銀四萬兩頤和園工程銀八十萬零九千六百六十四兩七錢普陀峪萬年吉地工程庫平銀三萬三千兩又庫平銀六千兩又庫平銀三萬六千兩南中海工程銀四十四萬四千七百二十三兩景山工程銀二萬四千二百四十八兩九錢四分堂子工程銀一萬五千六百兩午門工程銀一萬二千二百十六兩六錢六分六釐武英殿工程銀二十三萬二千兩大高殿工程銀一萬一千五百兩奉宸苑工程銀三萬兩瓷庫工程銀三萬一千零

零四兩三錢景福宮工程銀二萬五千八百六十兩朝陽門工程銀十萬零八千兩東西四牌樓工程銀一萬七千一百二十九兩八錢地安門工程銀八千一百八十八兩先醫局工程銀四萬三千八百零八兩八錢五分工巡局路工銀五萬兩城隍廟工程銀一萬九千七百六十二兩禮部修理衙署銀六千兩欽天監購建衙署銀二萬四千五百兩翰林院修理衙署銀一萬五千兩武備院工程銀八千一百兩鴻臚寺建署銀一萬一千八百二十兩兵部等衙門建署銀一萬三千兩南城副指揮建署銀二千兩工部購建衙署銀五萬兩戶部緞疋庫修建庫房銀一萬一千五百兩武衛左軍建蓋營房操場銀五萬八千九百零二兩武衛右軍建蓋兵房銀三千九百兩天津銀圓局地價銀庫平二萬九千零七十二兩六錢六分銀錢總廠工程銀五萬兩又庫平銀三百七十兩以上共放庫平銀十萬零四千四百四十二兩六錢六分二兩平銀二百二十三萬五千四百六十五兩七錢六分五釐折合庫平銀二百十萬零一千三百三十七兩八錢一分九釐一毫 總共放庫平銀二百二十萬零五千七百八十八兩零四錢七分九釐一毫頃和園等處工程銀元折合庫平銀二萬零六百八十八兩南海等處工程銀元折合庫平銀一萬零三百四十四兩景福宮等處工程銀元折合庫平銀四千七百兩武英殿等處工程銀元折合庫平銀六千五百八十兩以上放銀

元折合庫平銀四萬二千三百兩 採辦 壇廟祭器陳設等銀十八萬兩東西陵活計等項銀二萬四千零四十九兩二錢七分零三毫西陵茶膳房各項器皿銀二萬兩西陵製造器皿銀一萬一千三百七十六兩五錢二分二釐六毫西陵紅椿工料銀一千九百六十七兩六錢八分內務府頤和園燈隻銀九萬三千七百五十五兩又燈隻銀三萬兩頤和園涼棚銀六萬四千零六十三兩四錢排雲殿活計銀二萬三千五百七十二兩五錢五分工部大駕鹵簿銀二萬一千七百九十三兩工部備辦要差銀一萬兩宮殿簾扇銀一萬五千兩門簾幔帳銀一萬五千兩三海備辦要差銀三萬兩工部絆墊活計銀一萬二千兩武備院恭備要差銀六千一百兩棧房等處工料銀二千七百兩山羊絨價銀三萬二千一百八十五兩八錢五分五釐甯壽宮絨價銀一萬五千二百六十二兩五錢內務府等處絨價銀九千四百七十八兩八錢一分三宮要差陳設等銀四萬八千四百五十二兩地壇遮塵銀六百六十五兩堂子等處祭器陳設銀三萬六千一百三十五兩三錢二分四釐欽天監時憲書紙張銀四千六百二十八兩四錢四分六釐二毫毅軍皮衣銀一萬零八百三十四兩四錢七分二釐京旗常備軍製造衣服帳棚銀六萬一千四百四十兩寶泉寶源局工料銀五萬六千一百十四兩八錢七分三釐四毫財政處購買洋銅庫平銀二十八萬兩財政處購

賈白鉛庫平銀三萬三千三百八十五兩四錢九分財政處購置機器庫平銀二十萬兩毅軍訂購槍礮銀三萬零一百七十兩零二錢四分內務府等處馬價銀八千五百零五兩上虞處等處馬價銀一千六百八十八兩以上共放庫平銀五十一萬三千三百八十五兩四錢九分二兩平銀八十七萬六千九百三十七兩九錢四分三釐五毫折合庫平銀八十二萬四千三百二十一兩六錢六分六釐八毫九絲 總共放庫平銀一百三十三萬七千七百零七兩一錢五分六釐八毫九絲 驛站 理藩院盤費原庫平銀六萬三千零四十四兩考官路費銀一千五百二十五兩軍機處等衙門路費銀三千六百七十三兩三錢六分上駟院等處路費銀一萬零一百九十兩零二錢五分理藩院等處草豆折銀四千八百十兩一錢二分一釐二毫理藩院蒙古王公草豆庫平銀一萬兩理藩院草豆等項庫平銀四千零四十二兩以上共放庫平銀七萬七千零八十二兩二兩平銀二萬零一百九十八兩七錢七分一釐二毫折合庫平銀一萬八千九百八十六兩八錢四分四釐九毫二絲八忽 總共放庫平銀九萬六千零六十八兩八錢四分四釐九毫二絲八忽 購買白鉛委員盤費銀元折合庫平銀五十七兩四錢五分六釐以上放銀元折合庫平銀五十七兩四錢五分六釐 盛京委員米折錢十八吊二百八十文打牲烏拉送鱒魚人役米折錢十吊零五分六釐

財政

八十九

乙巳

百八十四文打牲烏拉送蜂蜜人役米折錢七吊零五十六文內務府米折錢四吊二百八十四文盛京送蜂蜜人役米折錢十二吊零九十六文以上放當十大錢五十二吊三百零八文 撥支 刑部借撥銀三千兩內務府借撥銀二十三萬零二百兩奉宸苑借撥銀六萬兩步軍衙門借撥銀四千兩鑾儀衛借撥銀一萬兩光祿寺借撥銀三千兩吏部借撥銀三千兩工部借撥銀二萬兩工部奏撥銀六萬兩工部錢折銀七千八百七十四兩一分五釐七毫以上共放二兩平銀四十萬零一千零七十四兩零一分五釐七毫折合庫平銀三十七萬七千零零七兩五錢七分四釐七毫五絲八忽 生息 宗人府生息銀四萬二千八百二十四兩七錢三分財政處生息庫平銀一百萬兩以上共放庫平銀一百萬兩二兩平銀四萬二千八百二十四兩七錢三分折合庫平銀四萬零二百五十五兩二錢四分六釐二毫 總共放庫平銀一百零四萬零二百五十五兩二錢四分六釐二毫 還款 歸還匯豐正金銀行庫平銀八萬七千四百零五兩五錢五釐二毫以上還款 總共放庫平銀一千五百四十一萬七千五百四十四兩三錢零一釐八分四絲八忽銀元折合庫平銀四萬二千三百五十七兩四錢五分六釐銅元五百七十三萬六千零十二元當十大錢一百六十一萬六千五百八十二吊零八文

二十九年部庫銀款項下四柱總數

舊管庫平銀五百三十七萬八千一百二十二兩二錢零一釐八毫新收庫平銀一千四百二十二萬五千六百七十六兩三錢三分五釐一毫開除庫平銀一千五百四十一萬七千五百四十四兩三錢零一釐八毫四絲八忽實存庫平銀四百十八萬六千二百五十四兩二錢三分五釐零五絲二忽

二十九年部庫銀元銅元當十大錢項下四柱總數

銀元項下舊管庫平銀元三萬二千六百四十二兩四錢新收庫平銀元十三萬零四百三十四兩七錢八分二釐開除庫平銀元四萬二千三百五十七兩四錢五分六釐實存庫平銀元十二萬零七百十九兩七錢二分六釐銅元項下舊管銅元一百五十一萬七千六百八十三元新收銅元五百八十八萬零零六百二十四元開除銅元五百七十三萬六千零十二元實存銅元一百五十八萬二千二百九十五元當十大錢項下舊管當十大錢六十四萬三千六百四十九吊九百十文新收當十大錢一百八十八萬七千零六十三吊三百九十六文開除當十大錢一百六十一萬六千五百八十二吊零零八文實存當十大錢九十一萬四千一百三十一吊二百九十八文

二十九年部庫另款銀兩四柱總數

正陽門工程項下舊管銀六萬兩新收銀二十五萬四千四百八十兩零三錢開除銀三十一萬四千四百八十兩零三錢實存無倉場輕賣項下舊管銀三萬二千五百十八兩一錢一分三釐新收無開除無實存銀三萬二千五百十八兩一錢一分三釐順天府備荒經費項下舊管銀三萬兩新收銀十五萬六千五百六十四兩零三分六釐六毫開除銀七萬零六百四十六兩三錢二分四釐一毫實存銀十一萬五千九百七十七兩七錢一分二釐五毫備修迎賓館崇文門稅項下舊管銀二十六萬四千六百零八兩六錢八分新收銀二十九萬九千零八十一兩零七釐開除無實存銀五十六萬三千六百八十九兩六錢八分七釐

二十九年另款銀元項下收數

廣東備荒經費銀元折合庫平銀一萬四千二百三十兩四錢三分四釐

各省財政彙誌

京師 戶部通咨各省謂本部前奏設立計學館俾各司員肄習財政並考查各省自庚子後新增出入款項乃查各省自庚子後經本部於 行在奏飭籌辦之件及 迴鑿後由本部開單奏請並議復奉 允籌辦行知該省辦理各件按年逐加查考開列比核出入款項無案可稽者實多其有因近年改設外務部商部暨添設政務財政練兵各處需財孔

亟自行奏請籌該省或逕行報解或由電密請未暇備文咨者亦有向係本部專案未報者本部爲錢糧總匯無案可考殊不成事查該省向來咨報各衙門關係錢糧之件必照例咨本部備案況當變通之時豈宜有異茲將光緒二十七八九三十等年凡該省所有新增出入款項按年開列清單咨行轉飭照單將未經報部新增出入款項逐一查明聲復報部以憑稽核其單內未開而有關財政者亦應一律查明迅速造報 庚子賠款各國所送清單本各用其本國之幣後因列入條約乃折成銀數以便核算嗣以爭執用銀之故遂由銀改鎊再由英鎊換易各國貨幣數年所虧殆數百萬近既定議用金已擬定將來還款直易各國貨幣付付 戶部電致各省謂賠款補鎊已向外國全數借定訂期由京交付其各省解存備付之款准其收回或即抵解本年賠款各聽其便惟動撥京餉者仍須解交部庫 政府近向匯豐兩銀行借款英金一兆鎊由西歷一千九百零六年起分二十年還清每年解還英金五萬鎊其抵押之款爲崇文門稅而以山西釐金作保

直隸 順天府尹奏設公估局整頓錢法業已開辦 直省奏辦公債票後即分派大縣各二萬四千中縣各一萬八千小縣各一萬二千或八千繼以辦理艱難因向正金銀行借銀三百萬兩而留一百八十萬兩以備本國人之日購焉 河南 汴省添練常備軍歲需鉅餉迭經奏撥各款仍屬不敷近經陳彼帥督同司局議以彰德府屬之棉花向爲土貨大宗商販運售獲利頗厚遂從輕核定稅則就近設卡專徵商販其鄉民在本境花行售賣者從免以示體恤又膏捐一項前以熬膏各店散處難稽尙未舉行近亦分飭各屬妥爲試辦以上二項每年收款統歸常備軍餉支用以補不足 江蘇 許觀察鼎霖創辦海豐麵粉公司稟請商部按照通州大興成案准免五年稅釐等因經該部查照稅則以機器製造貨物出廠例應完納值百抽五正稅一道該公司既係用機製粉自應照案辦理惟洋麪進口向准免稅獨令華商完納未免向隅因特准其所請并議嗣後所有華商機器麪粉一概准其暫免稅釐以免偏枯而昭平允已咨行江督通飭各海關遵照矣 江浙魚業公司應完稅則已稟准商部照洋貨入口辦法完稅免釐不繳船費因此項利權向爲法

商所奉令該公司極力挽回故蒙商部維持云 商部右參議楊京卿近由天津來滬據有直隸公債票四拾萬意欲在滬募集已由電報招商兩局代辦

浙江 杭湖捐前因職商俞慶等認辦不善收歸官辦近有商人周廣聚等前赴釐局稟請認辦除去開支每年實繳正捐銀三萬二千串隨繳五釐公費銀二千串按月勻解公舉沈孝慶翁為董事業奉批准照辦

福建 閩侯各舖戶行棧應繳坐買膏牌土酒等捐及舖戶公館捐附錄坐買之魚捐紙木幫槍礮捐前經財政局飭令分別催收解繳備還新案積款在案無如各商延期不解而省垣應辦事繁未遑兼顧近經該局詳奉閩督批准將兩縣舖買膏酒魚各捐及紙木幫槍礮捐均自乙巳年起遴委專員按期收解以一事權所有原設之酒捐局即歸併各捐內一律辦理

湖北 鄂督張香帥近接戶部來咨將銅幣局已定未到外洋紫銅數目查清具報俟已定購者到後即行停辦嗣後銅幣需用即以本國黃銅採鑄以保利權云 鄂省官錢局資本充足獲利亦豐惟未能推廣匯兌故難與匯豐道勝等銀行相抗近聞張香帥議將該局改設一官商最大銀行以挽利權業由紳商籌得股本二百萬再由官家籌集一百萬共集資本三百萬先在北京漢口上海三處設立總行舉股本最多之公正紳商充當總理一概不用督辦總辦委員等名目

廣東 粵海關務裁併後經大吏認真整頓派員調查積弊茲悉有所謂擔頭錢單票錢船頭錢手本錢把港錢查驗錢規費錢各名目或按正稅帶收或按船貨抽取有私給單票者亦有並不給票者大抵皆役包辦之弊在於中飽濫支水手查驗之弊在於留難索賂故特為拔本塞源之計盡裁書巡水手撤去包辦名目以利商賈而增稅率 廣肇等屬近增開通商子口二十餘處梅稅司以洋貨運入內地行銷日廣特訂定內地稅單稽查簡章四條如下一凡各項船隻載運貨物倘有入內地之稅單者必須赴粵海關之南石頭分廠或大沙頭分廠或大坦尾分廠或花埭分廠呈報即由該

廠於內地稅單之上加蓋戳記爲據二凡貨物領有內地稅單者由給發之時起計限於四十八點鐘內即須前赴上文所列各分廠之一處呈報如越期除能將其因何遲滯之憑據指出外即將該稅單註銷作廢三凡貨物領有內地稅單者須由常關分卡即佛山或陳村查驗倘經該卡查出該稅單並無上文所列分廠之戳記者該分卡即不准放行四凡內地稅單從前已由本關發出而該商未經將此單運貨者限本年二月二十七日以前繳回本關以便改填日子並按照上文第二條辦法限四十八點鐘內前赴本關分卡處呈報可也以上稽查稅單新章四條各口輪船拖渡切實遵守外如領得運貨稅單之時即須持單赴常關報明此貨由某輪某渡載運由常關於稅單內添註該輪渡字號方能准作下貨稅單如未註明字號必定扣留必俟註明然後放行 東莞京山司屬地方向產紅泥可製玩具土人多挖取販往石灣銷售惟向無限制往往因之滋事近已由商人認餉承辦除納繳正餉外開獲利甚溥云

廣西 兩廣鹽斤加價前由汪太守大鈞條陳辦法近已見諸實行西省博白地方爲鹽場最旺之所特由王運司札委知州潤惠前往開辦官局抽收加價鹽斤矣 西省軍興以後需財孔亟經部議准實官捐百萬作抵并將收捐成數兩行減實近已核定陞階如在四品以上則收五折五品以下則收四折遇缺先則收九折分缺先分缺間本班先則仍收六折云

各國財政彙誌

日本 第四次國債票經日政府與歐洲大陸各公司訂約分爲四區募集計漢優英金一百萬鎊安斯達且英金五十萬鎊伯拉夙爾英金五十萬鎊瑞士英金五十萬鎊其在倫敦紐約發募者共英金三千萬鎊每百鎊實收九十鎊利息四釐以煙草專賣權鹽斤專賣權作抵五年攤還承購者極形踴躍云 日本郵件報云日政府議在奉天征稅惟不欲多取擾民祇照舊定稅則稍爲增益期在收足二百萬之數以爲整頓衛生之費云

韓國 韓京官報刊布新定貨幣制度云本國貨幣現以金作本位自本年六月一日始凡貨幣品位分量及形體與所

定貨幣相同者不論公私概許行用凡以前之通貨與新貨幣相交換或收回當照以下各款辦理一凡舊貨幣以與新貨幣相當之比較遵照政府之意漸行交換或收回二舊白銅貨幣之交換及收回自本年七月一日為始三舊白銅貨幣交換之期限約在一周年以上當由度支大臣定之四白銅貨交換期限既滿後即不准通用但自禁止通用後六個月間尚得於納租稅用之 韓外部大臣近將韓皇所發內幣銀十八萬四千七百五十元交付日使蓋即十年前韓人開罪日人所議定之償款也

暹羅 暹羅近發出外國國債票計英金一兆磅在英京倫敦募集不逾三刻鐘即行停止而購者已溢原額數倍矣
英國 大藏大臣張伯倫呈度支年表於下議院內開千九百四年至五年盈餘英金一兆四十一萬四千磅又核計千九百五年至六年之盈餘當有二兆九千七百二十萬二千磅今將於千九百五年七月一日起將茶稅每磅減輕二辨士至糖稅及入項稅悉仍其舊又稱已將度支上盈餘之款預備贖回國債云 管理印度事務大臣布羅得力克曾於下議院答復阿巴典議員比來司氏聲請英國派兵西藏本為印度利益起見故用去軍費八十一萬二千七百三十磅應由印度籌撥云

俄國 據倫敦太晤士報巴黎通信員所調查之俄國軍費自開戰至華歷甲辰十月十七日由國庫撥出四百七十六兆羅卜該款由陸軍省用去三百念三兆羅卜海軍省用去八十二兆羅卜由他項用去七十一兆羅卜又由特別軍費投票撥出之款自華歷甲辰十月十七日至乙巳正月十一日共用三百五十二兆羅卜該款由陸軍省撥用一百六十六兆羅卜海軍省撥用六十二兆羅卜由他項用去二十四兆羅卜統計由華歷癸卯十二月二十九日至乙巳正月十一日足十二越月共用去七百二十八兆羅卜 俄國發行本國公債票計合英金二千四百萬鎊週息五釐九七折收限五十年歸還 二月十九日柏林電云俄又征抽新稅凡官場廉俸產業及麥與石油渣均在其內
德國 二月初二日柏林電云德政府已請多籌六十兆馬克以供經營西南非洲之用

商 務 印 書 館 出 版 類

續 像 小 說

預 定 第 二 十 五 冊 至 第 四 十 八 冊 全 年 四 元

歐美化民多由小說博采編起推波助瀾其從事於此者本皆名公鉅卿魁儒碩彥察天下之大勢洞人類之曠理潛推往古預揣將來然後抒一己之見著而為書以醒齊民之耳目或對人羣之積弊而下砭或為國家之危險而立鑑揆其用意無一非裨國利民中國建國最古作者如林然非怪誕荒誕之言即記穢褻邪淫之事求其裨國利民者幾幾乎百不獲一夫今樂忘倦人情皆向說詞唱歌感化尤易本館有鑒於此於是鳩合同志首創此編遠撫泰西之良規近挹海東之餘韻或手著或譯本隨時甄錄月出兩期藉思開化夫下愚遠計貽譏於大雅嗚呼庚子一役近事可稽愛國君子倘或引為同調暢此宗風則請以茲編為之嚆矢著者雖為執筆亦祈嘉焉

各 種 編 譯 目 錄

- | | |
|----------|-------------|
| 文明小史 | 老殘遊記 |
| 活地獄 | 癡人說夢記 |
| 醒世緣彈詞 | 月球殖民地小說 |
| 泰西歷史演義 | 以上編纂 |
| 京話演說英日日記 | 汗漫游 (譯英文本) |
| 維新夢傳奇 | 天方夜談 (譯英文本) |
| 經國美談新戲 | 回頭看 (譯東文本) |
| 益智問答 | 珊瑚美人 (譯東文本) |
| 時調唱歌 | 賣國奴 (譯東文本) |
| 鄰女語 | 以上翻譯 |
| 負暈閒談 | |

商 務 印 書 館 出 版 類

三國志演義

每部
價洋一元

東周列國志演義

每部
價洋七角

水滸傳

每部
價洋

岳傳

每部
價洋

聊齋志異

每部
價洋七角

釐異。蓋攝影人皆撥使爲者。役數人私守之。出必躡其後。乃以六辨士資先白諸報曰。法人其慎旃。吾跡君將與併命。非君死不已。署買來白克名。翌日持而入白里酷肆。撥數飲此。備保皆與習。撥忽把瓊微笑。顧白曰。有一事。乃警告貴國某君者。曰。何事。撥授以報。且指之曰。在此言次。飲自若。陽不留意。取閱他報。絕不一視白。蓋於壁鏡中早覩其嗒然色變矣。撥意決。而又慮人之侵分其勞動也。擬往蘇谷蘭耶之警察局告之。先於五日前乞一日休沐。念此五日中午。證當益集。至四日午。撥又赴白肆飲。周囑。杳不見白。并所役者亦無之。意白或偶出。即欲遁。有躡之者。不虞脫。逾六時。撥歸。甫思啜茗。一電自培克司山至。文曰。速來警局。即撥所役者發。大驚不解。初度白或乘火車往倫敦。而役各攜金鎊一。必能密從之。乃電由培克司山來。何耶。立附火車。抵培克司山下。車役逆謂曰。吾等正不知所爲。君來幸甚。撥急問曰。白何在。曰。不知也。君令吾等常躡白。不使之見。旋聞白欲乘十時四十分之火車。由海四丁至培克司山。吾等先彼購券。隨之上車。抵海四丁。復遠尾之。少頃。白忽入死者舍。撥聞之駭絕。役又曰。守良久。白不出。又逾數小時。乃電君。撥曰。有他人出否。曰。有口繫繫而鏡其目者。曰。此何人也。曰。著述家賴華也。曰。賴華盲者。甯事鏡。曰。吾曹受愚矣。彼非盲者。彼直行至車站。無起趨狀。購車券。乘十二時之火車往倫敦。吾隨而目覩其舉動。其見物也。無異人。

人。決非盲者。撥悵然躅足。謂白里已僞髮易服遁矣。比抵賴舍前。詰守舍之他役。亦謂非白實賴。曾於海四丁書肆見賴小象。故識之確。撥益艷然。蓋知賴已遠出。其必白爲僞也無疑。即飭役仍嚴守賴舍。復度白即懼罪走。何以肆仍設。或陽示如平常。以文其非遁也者。凡行險者跡多詭。往往有是。徒恨破案在旦夕。而入陸之獸。忽決羅而逸。即欲掩捕之。時日胡可計耶。垂成之隙。轉啓鹵莽者之笑。雖欲不悞。烏能已哉。

第十一章 誌約翰生捕犯事

約翰生任石末警察局時。嘗閱書。有某警員者。謝事後。築數椽於鄉。圃植諸果蔬。供採擷。樹扶疏繞屋。雜叅時鳥。飛鳴下上。景幽適。怡心目。不復知世間有佛鬱事。宜樂澹寂。外榮利矣。而不遇之感。時復流露於蕭寥廓落中。約不禁局局然笑曰。慎哉。其內熱也。自予之役於倫敦南部。荷艱鉅。執掌日夕。遘一疑險。饋寢不復能甯帖。形神俱瘁。劬勞無以喻。脫抽身得自暇逸。放跡田野間。評風量水。絕不聞車馬喧。白首此鄉足矣。亡幾何。約果得辭職。移居幽邃地。覽花蒔。玩景光。以爲樂。人亦相與羨其閒適。然而林泉皋壤。樂未畢而哀且繼之。靜極思動。蟄久思起。不知其所繇然。約固振奇人。非奄奄者。常逸則積。積則喪。意志漸搖落。無復有生人趣。即又奮而欲出。嚮之慎人者行且自慎。約不覺自悔其雌黃之妄矣。一日。約獨就廊

下坐。藤蘿垂屋角。晴日若晦。有小蟲時墜頸。甚擾。往在倫敦。事麻集。稍暇。與淡巴菰偶聯臭味。則大快。今時時以此遣岑寂。轉覺寡味。約自鄉居。門無轍跡。即偶有登然過者。先於籬頭見其冠。常以爲驗。是日有蠹然循籬自遠而近者。知有客至。俄而闖然入。其容若感疾。重有戚者。非他人。乃箸述家賴華也。謂約曰。君無恙。曰。勞君過。君之初見余。以麥監脫案故。命余具錄其讞。當時君非以見刑者爲無罪乎。曰。然。曰。君其仍疑乎。曰。不徒疑。且有證。知惠廉白。克果無涉於麥監脫案者。約咋舌。呼冤不止。曰。往見君。即知君敏。且善法言。故慕慕君。曰。君何以見枉。曰。趨石末謁君。遇君友。道君歸隱。余告以有請於君。彼謂君必不辭。以君近有厭靜心。信否。約道爾而笑。賴曰。并訊得君居處。故亟附車來。曰。余久無所事事。亦苦頹放。意躍躍。即人嗤余以復操故業。余亦不避。其何以教我。曰。脫吾不遇君。亦必思得一敏練如君者。委以鄙事。恐猝不可得。今余實大幸。願委心於君。惟君從事。將日以二十一先令爲酬。更代僦車馬。君其有意。曰。必盡力。其示余端緒。曰。君已謝警局役。姑不必徹究吾所欲爲。吾之煩君者。特某某耳。彼繫獄者二載。期方訖。吾當與君偕行赴法。察其釋以何日。故事法獄於釋犯。必詳列其罪狀。及其路照。其優於英獄者在此。曰。此易訪耳。獲之何爲。曰。所欲承教者畢於斯。誠獲之。願以五十金鎊奉君。君第值得其踪跡。而令吾與相語。則君大利存焉。曰。善。惟

君婦之罹慘也。良爲嗟怛。曰。君愛吾。幸勿復言。言令吾悲痛。即面屏立。凄苦之色。驟布於面。知其毒仇人也。且次骨。已回步。容稍稍復。手拭額汗。曰。幸君恕吾言。請勿復及此事。吾於吾婦也。偶念及。大戚莫能遺。幾至狂易。君愛吾者。其幸語他事。約曰。君謂有確據證惠廉白克之無罪。即可知君亦有確據證他人之實有罪矣。曰。然。曰。將祕此不洩乎。曰。否。曰。然則請示有罪者。曰。然。無遠。彼將自告之。曰。何時。曰。在我曹獲彼時耳。曰。君謂二年前者。時適與麥監脫之命案值。乃今始知所欲得之人。即彼案罪犯也。曰。然。曰。若是則不能奉命。曰。何也。曰。有國法在。曰。君已非警員。胡作爾許語。曰。雖謝事。法不可玩。設一旦獲兇。吾焉肯許君以僅畢所委事。必處以國法而後已焉。曰。君誤會矣。吾豈欲使其脫應得之刑耶。曰。君言良是。雖然。愚拙如余者。亦知君欲使非警員而爲警員。所不願爲之事。於心頗悵。曰。假君而仍役於石末之警局也。則吾往法。焉能與子偕。曰。君亦誤會矣。余所慮者。非在彼。在跡兇而不循常例耳。曰。然。約曰。然則何必循常例。曰。吾恐常例不能得彼也。彼狡而詐。非出奇。無由獲。余爲此。實非得已。曰。願與君約。脫彼受禽也。則必付余。余將上於有司。能乎。賴徐答曰。得必付君。任君處分耳。賴之爲此言也。甚突兀。約亟問曰。然則將生致彼以授余耶。賴作色起曰。君何多慮。倘就禽。君甯生彼而危已乎。約不能釋。慮期必與賴共事。目擊以解其疑。蓋賴之言動。

實有祕不可推測者。而約婦近以約意志索索無歡。懣甚。知其欲與賴偕詣法。得消散結。轉喜可知也。為治嚴。約與言別。乃偕賴由倫敦。道巴黎。至買山里。即詣警長。詢某繫何所獄。答以宜姆。復謁其主者。以英警員通。主者以禮送。曰。犯里末。罪止繫二年。已出獄。彼乖戾狡黠甚。圈之記過者。恆浮於記功。出時。尚挾其約指一。表一。練一。及五百佛郎之錢鈔去。皆其下獄時所挈來者。我法例。凡出獄者必留指印於冊。備督察。今里末指印俱在。君得毋欲見之。約謝厚意。并勾得其指印。里居處具載冊。仍寓買山里之克立却路。四十三號。與捕逮時同。是時賴色若不懌。余莫測其意所在。詰之。則曰。無望矣。董董得之。先所期者不止此。言次。欲回買山里。約說以共詣里寓。賴目視約。山聳其肩。徐曰。余知彼處所。無庸訪。雖然。姑過之。至則室已虛。問鄰。則以鍵二年餘對。有紙揭其楣。為賣宅帖。署以欲得者至買山里拍來加路十四號之仇爾骨路趙公司中議。遂相與歸逆旅。賴曰。余疲甚。君倘能支。乞復出偵。余候君於此。即就坐。伸紙欲作札。約出。賴即械抵仇爾骨路趙公司曰。

僕與雅各里末友。渠曩居克立却路四十三號室。今揭賣宅帖。知代為覓主者。當必悉末頃住何所。乞示。付步克求逆旅。賴華白。

頃之得復函曰。

里末不知寓何所。或已去歐。未去前。託其友維禿白里經其業。白里寓英海四丁之歇姆。乃逆旅。里末宅已購去。值送白里許。君欲買宅。惜晚。倘覓里末。可往詢白。徵此人無由知其踪跡也。仇爾骨路趙公司復。

二書約未之知也。翌晨。賴謂約曰。君獲消息也未。若未也。誰其獲之。吾曹甯久淹此。行且歸耳。約未覺其語之含諷也。曰。君言良是。是日午後即就道。越宿別於倫敦。賴如約贈金。且語約曰。昔嘗與君約。兇受禽。即付君處分。然乎否乎。約怪其語閃爍。瞠目視。賴又曰。後三日君當在家。約曰在。曰甚善。余將寓書於君。曰。豈所事有端倪乎。賴不答微笑。約曰。然則君果知彼居所乎。曰。知之。大驚。約翰生。迺今自知不逮。賴遠甚。特怪其不明示吾。何也。即曰。君得之。應踐前約。曰。諾。知君必欲生得彼。余決不忘。期三日。將郵君。往取。曰。君勿爲後悔事。曰。子言過矣。余所爲。無後悔者。曰。國法者。至有勢力物也。勿藐。倘已跡得。願亟示。當立捕。曰。余固言之矣。必付君。惟余已設誓。言至此。賴勃然盛怒。此誓余必死守。其應得之刑。未捕前。余必先處之。約瞿然曰。勿復爾。以私刑處。例當罪君。賴趨持約肩。曰。約翰生。余爲人。豈食言者。與君約。不出三日。必以彼屍付君。其自取咎也。非吾忍。吾無他言。逝矣。即去。終已不顧。約喏口結足。立視其去遠。不敢踵武。良久乃返。形貌神茹。乖喪無俚。三日郵書至。印有倍克司山沿海

字發視內儲鑰大小各一書曰。

僕約以三日內寓書。並以兇徒付執事。今悉如約。鑰二。持以啟敞廬。當見有鑲繫於壁者。惟君處分之。僕已發。走某國。不復返。君亦不必見僕矣。麥監脫案本末。別紙上。賴華白。

書至。日已暮。約不及視別紙。立起。服而冠。左挾琴。右手槍。衣囊置牛眼燈一。走車站。時車至倫敦。適末次往培克司山之火車將發。乘以往。抵時已夜分。詢賴別墅。走詣之。賴屋距大道數十武。手燈抵其門。甫按鍵。聞嘯聲起。知爲警察之戒人者。已復聞聲。約四顧。夜黝黑。寂無人。以鑰開戶入。至室前。復啓鍵。闐無所聞。槍彈具。以燈徧射。見賓室及著梯所。又一廊。達後兩扉在右。止聽。恍聞有下鍵聲。約驟旋身閉前扉。復俯舉燈。聞樓上若啟窗者。向前二武。至梯末。潛側耳。忽履聲起於樓。約疑駭。旋燈伏暗陬。俄扉啓。燈光射梯壁。約大悸。汗濡背。毛髮爲悚。疑盜至。已見握燈者。狀陋。目下視。約伏處適不值光線。未之見。復見其循梯下。直趨前扉。以爲盜先開戶爲遁逸計也。卽寘燈室隅。暴起要攫之。彼亦力撲。燈墜地。熄。相糾結黑闇中。約慮其挾利器。亟手扼其吭。彼號而呼救。凡盜卽見。僮必不肯呼以驚衆。約此時知其非盜也。又以地僻寂。雖大呼無聞者。或以招其外伏之黨。扼益急。並搜其身無械。釋之。卽又大呼。移時聞擊前扉聲。約以爲果盜黨來援應也。聞戶外有人曰。我曹乃警察員。戶不亟關。將

破以入。至是約始知已有警員守此。度彼或預知盜至。而狙伺之。而盜已爲予得。乃復力持之。卽啟扇。二人入。非警察裝。約復疑盜黨。卽左持盜項。右手槍欲發。忽戶外有手牛眼燈者。問曰。爾何人斯。約曰。余亦欲詰爾。余所爲悉遵法律。賊已受執。汝曹復欲破戶。何故。曰。余警察員也。起外服以隱記示之。約曰。然則汝曹以捕此賊來乎。曰。此非賊。乃與我共事者。約駭絕。彼又曰。釋君手。吾任其無他。約曰。吾在倫敦職警察。歷二十一年。無論其爲主捕從捕。未見所爲有若此者。言次。前二人入圍。僅手燈者語約曰。若輩並與偵事。日夜守此宅者。已三日。蓋室中有重係樓。以下各牖悉扃。不得入。故令一人梯入其樓之後牖。啟前扉。使我曹可進而從事。約曰。余固知君輩所欲得之兇徒。必在其中。無疑義。手燈者聞言。目爍爍視約。約曰。君盍與二人守圍。卽向室隅取燈。燭前所持者。非他人。探長撥膝耳。約遂啓前室門。中寂然。相與偕入。約曰。今日余得此主室者之書。撥曰。其賴華耶。曰。然。且附鑰二。謂已繫兇徒舍中。於二年前麥監脫案。語未畢。撥驚問曰。麥監脫案乎。君誤矣。此兇乃斃賴華婦者。三日前入此。君以爲卽賴華所云麥監脫案犯乎。約曰。否。彼僅言兇徒耳。曰。予尾此兇。數星期矣。彼法人也。約曰。法人耶。若是則案益顯。曰。吾窺之夙。吾以攝影法。已得其血中之鞣印。及指摹。約亦探囊出指印。乃得自法主獄所者。謂撥曰。符否。撥用鏡展較之。曰。悉類。無毫末差。約撫

商務印書館出版類
歷史

希臘史

每部一冊
價洋七角五分

日本泰原啓一著中國國民叢書社譯○泰西文化發源希臘欲知歐洲諸國今日之盛不可不知溯流而尋其源是書記載最詳譯筆雅飭蔡民友先生序謂必為歐化家所歡迎非虛言也

羅馬史

每部二冊
價洋八角五分

日本占部百太郎著鄒縣陳時夏章起潛章師兼鎔海胡鈺疇同譯○羅馬為歐洲繼古開今之一大關鍵其歷史之關係重要不問可知是書取材繁富紀事詳明著者自序謂英雄豪傑志士仁人聖君賢相文學哲學美術雄辯之輩雲集颯舉肩望踵接驚天動地變幻出沒幾如山陰道上使人應接不暇洋洋乎誠史乘之大觀也書中附名人小像十餘幅英姿颯爽面目如生尤為本書之特色

蘇格蘭獨立史

每部一冊
價洋二角

美國那頓著本館譯○蘇格蘭當十三四世紀間陷於英國其受壓制之慘澹不忍言厥後豪傑輩出卒能光復舊物再造新邦是編紀其先後戰績及修明內政恢復獨立之事有志者事竟成願我國人取以為鑒也

商務印書館出版
類史

法蘭西史

每部一册

價洋三角五分

本館編譯○凡五卷一上古政治二封建時代政治三立君政治四革命時代政治五今世政治自紀元前迄十九世紀一切人物政教風俗文治武略先後敘載詳審精密我國繙譯史書尚無法蘭西史此可爲之嚆矢矣

俄羅斯史

每部一册

價洋五角

俄國伊羅瓦基伊著日本八代六郎原譯本館重譯○俄於我國最有關係其國內情亦最複雜是編起列侯時代迄前皇亞歷山德三世疆域之開拓政治之變遷鄰交之得失君權之隆替原原本本記敘賅博

日耳曼史

每部一册

價洋七角

英國沙安著江甯張鑄譯○書凡二十章三百八十三節自古以至近世其中盛衰分合吞併攻奪之迹靡不具載日耳曼處歐洲中原其先爲無數小邦互相軋轢幾無常日自威廉第一勝法後克成一統之業內安外攘遂稱雄於世界世有抱轉弱爲強之志者不可不熟觀其書

埃及近世史

每部一册

價洋四角五分

日本柴四郎著本館譯○埃及久困於土耳其洎護罕默德阿梨起能與土抗雖未能完全自主而英名德續固已炳耀寰區祇以繼體無人遂爾凌替其弊在國是不定舍己從人一切變法皆爲取悅外人之具故其事有損而無益終不免於亡國之慘誠我國之殷鑒也

雜俎

光緒三十一年三月中國事紀

▲為記者知此事之有於是日也
▲為記者以見報之在是日也

三月初一日。△吏部奏定嗣後漢廕生准與滿蒙廕生一律免考。△川督錫良電奏瞻對改土歸流。秦甯寺喇嘛煽亂槍斃所派弁兵。奉 電旨著駐藏大臣鳳全就近剿辦。△庫倫辦事大臣奏達賴喇嘛遷延不行。△四川健為匪亂旋即剿平。▲德國親王利物浦至京。親見 皇太后。皇上。 皇太后旋以頭等第二雙龍寶星賜之。△江淮巡撫恩壽奉 廷寄賞加兵部尚書銜。△兵部尚書鐵良奏請整頓兩淮鹽務。△政務處復會議江淮分省事。△外務部照會日使請撤新民府日軍所設軍政局。▲駐藏幫辦大臣鳳全因力持瞻對改土歸流事。巴塘番人戕之。△駐法使臣孫寶琦派隨員嚴璠考察越南一帶情形。△署江督周馥以德人赫盤西為製造局監察官。△

雜俎

四十三

乙巳

香港英官封禁華官所設開平煤礦分局。△廈門鷺江報館因誤登金門教案失實。被英領事封禁。初二日。△政府電召山東登萊青道川彥昇入京。將詳詢德人在山東築路事也。△美使賡外務部請速開奉天安東青泥窪三處商埠以踐前約。△日本議於日軍所據滿洲境內一律抽稅。初三日。▲以希廉授秦甯鎮總兵兼總管內務府大臣。△直督袁世凱電請再調陸軍數營駐防關外。△奧使賡外務部謂已派駐滬奧總領事為會議商約委員。請催商約大臣速議商約。△俄兵入吉林長春。據之。築輕便鐵路。初四日。▲以升允調補陝甘總督。崧蕃調補閩浙總督。△川督錫良奏報瞻對改土歸流。土司抗拒不服。政府電命川提馬維祺率兵剿之。▲駐滬俄總領事以華官任聽日本在公共租界舉行祝誕會為違背中立。詰問江海關道。初五日。▲以林紹年授貴州巡撫。而 命貴州巡撫柯逢時駐紮宜昌。辦理八省膏捐事務。▲奉天將軍增祺奉 旨開缺來京。陛見。以廷杰攝其任。▲以蔣雲

龍調補江西南贛鎮總兵。邱開浩補浙江處州鎮總兵。
△英使牒外務部。請開廣西百色廳龍州梧州等處為商埠。政府電飭粵督體察覆奏。△美商公利公司不允廢去合辦吉林理春府屬天寶山銀礦合同。初六日。△直督袁世凱奏設北洋軍醫學堂。△江督周馥奏蘇淮不宜分省。△練兵處議定通用槍式。△鄂武衛右軍二千人往駐南苑。△意使牒外務部。言將於明年在秘拉諾地方舉行賽會。並設漁務分會。△鎮江武成新軍裁兵聚衆滋事。駐鎮英領事電請江督周馥查辦。△南非華工罷工。為警察所擊。有傷亡者。初七日。△考察外埠商務兼管閩粵路礦大臣張振勳。舉美人葛雷為路礦參贊員。△外務部電飭浙撫孫揖梁。廢浙紳高爾伊與法商所訂浙江礦務合同。△政府電告吉林將軍。飭令松花江沿江船隻停駛。免為外人利用。△膠州德人具呈江督。請准敷設山東遼上海之海底電線。△四川重慶府法主教擅行鎮押官立學堂之學生。初八日。▲諭飭各省督撫。著地方官保護大

小寺院及一切僧產。不得勒捐兩產。△練兵處覆駐美使臣梁誠請設貴冑學堂並派各國留學一摺。奉旨依議。▲御史阿查本為山東商人李選龍奏請承造京張鐵路。奉旨以該御史希圖漁利。實屬荒謬。交部議處。△浙江紹興府天主教士強佔寺產。紳民電請同鄉京官轉致浙撫孫揖梁力阻。▲安徽洪澤湖梟匪滋事。初九日。△鄂督張之洞川督錫良會奏請設鐵路學堂於武昌。△日使告外務部。請飭預防上海俄艦逃逸。△政府電飭張勳。統其所部淮軍。移駐張家口。▲中德兩國全權委員在上海開議商約。△停泊南京下關之德國兵輪統帶官。要求署江督周馥。借獅子山礮臺操場為德兵習操地。△日本僧人設教堂於廣東之佛山。初十日。△政府議將崇文門稅務改歸商部辦理。△福建全省士民。電達商部。請阻止法商要索閩省礦權。△日本在營口創收魚稅。△浙江湖州民教爭地案在上海議結。十一日。△政府以調查礦產事。聘技師於日本。日政府命西山省督就聘。△德

使請外務部禁止華人在莒州及日照縣開採煤礦。△湖南擬開湘潭常德爲商埠。△俄軍竄入蒙古。蒙王以有違中立。勒令留下兵械。送之出境。十二日。▲以連魁爲科布多參贊大臣。並賞給副都統銜。壽勳補授鎮紅旗漢軍副都統。▲吏部奏裁書吏。考用舉貢。期滿後酌量升授小京官。又附片奏請教職佐雜各官停選。概歸外補。奉旨依議。△直督袁世凱署江督周馥會商。以江南製造局之機器鍋爐木工輪船生鐵熟鐵六廠。劃歸籌防局辦理。札委廣東水提葉祖珪爲督辦。△江南陸師學堂學生以不服督練公所議改陸軍章程。全堂解散。十三日。△飭各省迅速籌解練兵經費。△日本立學傳教於奉天之安東縣。十四日。△皇上特賞駐濟南德領事二等寶星。德警察官森脫吾四等寶星。德教士監督階希二品頂戴。△戶部籌撥北洋新餉三百萬兩。△日本擬在廣州府添設領事。△日本派佐藤伊國至北京理藩院及戶部刑部各衙門調查則例。△英人在威海衛招募華兵千餘名而

雜俎

訓練之。十五日。△諭飭演習丁振鐸嚴飭邊防各營。竭力兜剿廣西土匪。毋任竄越。△政務處會同練兵處覆奏各省製造廠。統歸練兵處節制。以期槍礮一律。將設中局於湖北。設南局於萍鄉。設北局於山東。並在江北另設分廠。專造藥彈。△政務處議定各省銅元廠均歸戶部經理。△練兵處奏提江海關所存歷年武衛軍月餉銀兩。△川督錫良電告政府。言健爲匪首已獲。紅燈教匪亦已解散。△德人索借鄱陽湖屯練水師。且請於揚子江擇一妥善地方。屯儲煤斤。△雲南土民立一保地會。相約不售地與法人。爲築造鐵路之用。十六日。△川督錫良派遣員趙爾豐錢錫寶統常備軍二營。並另招新軍前往巴塘剿匪。▲俄使雷薩爾病卒於使館。命振貝子前往。賜唁。及其葬也。外務部堂官復奉。命往送。並賜極大花圈。△浙江餘杭縣屬匪徒滋事。擊傷美教士坎納德。駐杭美副領事克裏統兵前往查辦。十七日。▲奉。旨裁撤江淮巡撫。改淮揚鎮總兵爲江北提督。而。命恩壽來京。陛

四十五

乙巳

見。▲以潘萬才署理江北提督。▲以郭殿邦調補河南南陽鎮總兵。孫萬林調補四川松潘鎮總兵。洪永安調補直隸大名鎮總兵。馬金叙補授福建漳州鎮總兵。▲鄂督張之洞電請政府緩修貢院。從之。▲粵督岑春煊以俄艦將次東來。電請外務部轉商直督。速派兵艦兩艘至南洋協防。十八日。▲練兵處奏定陸軍小學堂章程。▲練兵處奏准提取各海關關平不餘銀兩。▲電飭署理奉天將軍廷杰整頓地方。安撫難民。十九日。▲以四川雅州府知府聯豫為駐藏幫辦大臣。並賞給副都統銜。▲以程儀洛調補山西按察使。沈瑜慶調補廣東按察使。濮子澐仍留安徽按察使之任。▲兵部尚書長庚侍郎徐世昌覆奏考驗北洋陸軍情形。奉旨嘉獎。直督袁世凱及各統領官有差。▲鐵路大臣盛宣懷以收回福公司澤道鐵路事奏聞。奉旨依議。▲政府電飭督岑春煊專員偵察波羅的海艦隊。隨時報告。▲庫倫辦事大臣電請外務部照會俄使。飭禁俄人假道庫倫。轉運車輛。▲美使牒外務部。以

廣增鐵路有礙合興公司利權。請飭停築。▲頒賞法主敦樊國樑治葬銀五百兩。並飭沿途地方官。於靈柩回國時。妥為保護。二十日。▲允修律大臣伍廷芳沈家本之請。頒詔通飭。嗣後死罪至斬決而止。凌遲及梟首戮屍三項。著即永遠刪除。又緣坐各條除知情者仍治罪外。餘著概予寬免。其刺字等項。亦概行革除。▲戶部以東撫楊士驥請將解款留存開辦濟南等商埠事奏聞。奉旨允准。▲外務部與各國公使議定賠款辦法。▲法使至外務部聲明法國艦隊已在廣州灣之小都灣及洛修島與紫都等海面警備。保護中立。二十一日。▲修律大臣伍廷芳沈家本奏請飭禁止刑訊拖累變通管杖辦法。並清查監獄羈所。奉旨依議。並諭各督撫嚴飭各屬實力奉行。▲署江督周馥電聘英人藍福洛為南洋顧問官。▲北洋常備軍准照定章三年期滿者。均退伍為續備兵。二十二日。▲清江浦商民以漕標散勇肆行劫掠。相繼罷市。▲怡和公司之元和輪船被燬於通州。焚溺死者百有餘人。

二十三日。▲任命署江督周馥赴淮。籌畫吏治海防河工捕務。△德國利物浦親王由京取道張家口庫倫恰克圖前往日俄戰地。△川督錫良電告巴塘土番聚衆仇敵。又設自立會。將謀作亂。二十四日。△政府擬成藏約十條。電致查辦藏事大臣唐紹儀。△英美德意奧五國公使將商標註冊修改章程送外務部。△刑部擬仿日本改良監獄。△俄廷以北京道勝銀行總辦瑛科第爲駐華公使。△湖北改正各府州縣衛田辦法。二十五日。△英法二使以四川土番謀亂。請外務部轉飭保護在蜀教士。△駐比使臣楊以鑒在比京。發售汴洛鐵路股票。二十七日。△駐俄使臣胡惟德電告外務部。言俄國將派新募兵二十萬。往吉林哈爾濱。▲英國二等巡洋艦奧斯脫黎。噸艦司奈。鏗沙。駛入鄱陽湖。▲上海工部局不準在租界行用蘇省所鑄當五銅錢。△上海英商以中國不遵按前訂中英商約辦理。聯名電達本國外部核辦。二十八日。▲以特圖慎署理廂藍旗滿洲都統。△直隸候補道吳懋鼎報

効銀五萬兩。開辦京師考工廠。旨以四品京堂候補。△法使以法教士四名在贛對遇禍。請外務部電命川督錫良從速查辦。△美使奉本國命。勸我政府對於俄國逃艦之現受保護者。須嚴守中立。二十九日。▲以白金柱調補雲南開化鎮總兵。蔡標調補廣東瓊州鎮總兵。韓立本補授四川重慶鎮總兵。



雜
遊



四
十
八

四
月

商 務 印 書 館 出 版

光 緒 三 十 一 年 歲 次 乙 巳

日 用 必 備

袖 珍 日 記

我國文明之氣運與年俱進凡我國民莫不勤勉自矢以與歐美人士角逐於競爭場裏文通愈廣則事務愈繁求所以助記憶審因果增見識者莫妙於有簡便之日記簿不但政治家實業家教育家所必備凡學校之學生商店之夥友得此日記獲益非淺雖家庭之間婦女幼孩亦宜用之以習練記錄之方法養成專一有恆之性質以為應世之豫備此則本館發行日記之希望也洋裝布面每本價洋二角五分

目 錄

國朝紀元 月令 帳略 人名
錄 雜錄 往來書信表 各省
府廳州縣指掌 中國電報章程
摘要 中國郵政章程摘要 中
國郵政寄費清單 滬滬鐵路表
山海關營口鐵路表 蘆漢鐵
路北路表 蘆漢鐵路南路表
蘆漢鐵路三水支線表 申至各
埠客腳價目表 蘇杭各處小火
輪價目表 上海洋涇浜租界章
程摘要 上海英法租界居民控
案章程 良方摘要

商 務 印 書 館 出 版 類 地

中 國 通 覽

每部一本
價洋五角

是書於中國地理政治工商業等記載明晰揭要刪繁適於實用原本係日文乃為日人來吾國者導引之書
吾國政治界實業界中人苟取而讀之則於己國情勢瞭如指掌即用為中學堂課本亦可稱完善者也

最新 滿洲朝鮮地圖

每幅價洋五角

滿韓一隅為近日世界之爭點東亞大局關係於此日俄戰後尤為世界所注目我國士大夫有經營宇內之
志挽回時局之心者不可不備此圖

滿 洲 地 志

每部一本 (洋裝)
價 洋 七 角

日本參謀部原本本館譯○日俄交戰實錄編於我東三省滿洲一隅愈為世人注意之點本館先印最新滿
洲朝鮮地圖以備世人研究惟有圖無志終嫌未便昔人龍沙紀略松漠紀聞等書皆嫌陳舊茲覓得日本參
謀本部近刊滿洲地志記載精詳圖查明確特譯印行世以供留心時事者之參考

附錄商務印書館徵文

我國各地交通不便語言因以參差今汽車汽船既未徧通有何良策能使語言齊一

歟

李惜霜

語言之變遷其與進化相關。歟。荒裔野人。匪語言詞。蟠屈其指。作式以代。蠻野之狀。吾不論矣。獨夫弱劣之族。語。國語歧異。每不相通。又其甚者。鄰毗之間。家各異言。室人告語。他人聞之。輒為瞠目。既靡合羣之力。無復愛國之想。漸滅之原。實基於是。黑奴紅種。其彰彰者。惟我祖國。語言雜遝。外人箸述。頗有以是相譏訕者。輒近以還。健躑之士。僉認語言歧異之為我國大傑也。於是。有改良語言之議。雖然。謀之不臧。獲效靡自。余心恫焉。不揣樸味。為懷中國語言齊一說。

語言豈歷久而不變者歟。究語言之學。攷世界國語所肇祖。奚不自一幹。迺遞嬗遞變。迄於今茲。其種類蓋三千有奇矣。雖然。古昔之時。交通隔絕。其日趨於異也固宜。今則舟車交馳。千里俄頃。交通之利。遠古所無。痛之由同而異者。今且有由異而同之勢焉。特由異而同。其為變蓋漸。匪吾人所及窮詰。然吾敢言。京垓年歲。後世界言語。必有大同之一日也。

我國國語凡涉及新學術新製造新動植物多借他國字音以為名此亦一體 以一國言之。其變遷之蹟。尤為鑿鑿可據。日本九州大坂。語言痛與東京不相埒。迺自交通頻繁。不十餘載。變遷有劃一之風。變遷之速。蓋有如此。若以我國言之。進步之速。遠不逮日本。然其曠亦有可按者。自遠古迄近世。黃河流域。若豫若魯若燕若晉若秦。僉為帝都。舉中原衣冠之士。湊集焉。故其語言多相若。厥後隋場滬運。河南北統一。而南方之語言一變。金陵為帝都。垂四百年。長江之交通日繁。而南方之語言又一變。迄今長江流域。與黃河流域之語言相似者多。職是故也。自茲而外。若滇若黔若粵西。其民族土著。蓋多來自他鄉者。居秦半。故語言變遷最

附錄

一

著。無。擇。羣。孤。塗。之。病。若。夫。吳。越。南。境。閩。南。粵。東。兩。省。輒。近。交。通。始。盛。語。言。之。變。遷。猶。未。顯。著。故。與。他。省。較。然。不。相。似。以。上。所。言。蓋。其。大。畧。晰。而。言。之。彼。黃。河。長。江。流。域。之。語。言。雖。曰。畧。同。豈。無。歧。異。者。在。矧。夫。以。全。國。計。之。語。言。之。歧。異。者。實。居。其。多。數。也。語。言。歧。異。為。國。之。差。齊。一。之。法。夫。何。可。緩。汽。船。汽。車。既。未。通。通。聽。諸。天。然。近。效。莫。得。無。已。其。假。諸。人。力。乎。

假。諸。人。力。必。自。教。育。始。矣。教。育。之。道。有。二。(甲)設。官。話。學。堂。(乙)學。堂。設。官。話。學。科。準。茲。二。者。則。乙。為。優。設。官。話。學。科。於。中。學。小。學。不。若。設。於。蒙。學。年。愈。稚。習。語。言。愈。易。其。利。一。教。育。普。及。其。利。二。習。此。可。以。兼。通。文。法。大。綱。依。文。法。大。綱。排。列。其。利。三。蒙。學。畢。業。入。小。學。即。一。例。用。官。話。凡。尋。常。應。對。課。堂。授。受。無。須。再。用。土。白。其。利。四。此。其。學。制。也。若。夫。教。授。之。法。近。人。論。者。蓋。魁。然。以。華。人。授。外。人。土。白。之。例。行。之。則。未。可。也。今。擬。教。授。之。法。數。端。如。左。

一、設。官。話。師。範。講。習。所。官。音。以。北。京。官。音。為。準。非。指。各。地。官。音。亦。非。指。北。京。土。音。其。間。區。別。通。北。京。語。音。者。自。能。辨。之。擇。通。達。國。文。而。能。操。純。官。音。者。入。堂。講。習。授。以。教。授。之。方。法。蓋。精。於。語。言。者。未。必。長。於。教。授。故。師。範。講。習。所。必。不。可。闕。

二、官。話。教。科。書。當。因。地。制。宜。各。省。土。音。互。異。者。無。論。矣。即。一。縣。之。內。鄉。鎮。與。城。市。土。音。亦。有。微。異。者。宜。專。訂。教。科。書。無。稍。假。借。蓋。教。授。官。話。必。用。土。音。為。之。比。較。也。

三、教。科。書。編。輯。法。大。綱。凡。二。(甲)區。別。區。別。為。三。類。一。曰。異。音。即。字。同。而。音。異。者。如。黃。字。滬。音。作 Wong。官。音。作 Whong。之。類。是。二。曰。異。字。分。兩。種。意。同。而。用。字。異。者。如。滬。稱。曉。得。官。話。作。知。道。之。類。是。用。字。反。背。者。如。有。人。持。束。速。駕。滬。語。則。應。之。曰。就。來。官。話。則。應。之。曰。就。去。來。與。去。為。反。背。詞。此。種。異。字。雖。少。然。亦。不。可。不。知。三。曰。異。文。法。即。句。法。微。異。者。如。滬。語。儂。阿。會。曉。得。官。話。作。你。知。道。嗎。阿。會。即。嗎。字。皆。有。疑。問。口。吻。唯。一。則。列。於。中。間。一。則。列。於。語。尾。之。不。同。是。(乙)次。序。每。課。次。序。如。英。文。法。程。式。最。便。初。學。首。列。單。字。括。有。異。音。異。字。兩。類。其。排。列。秩。序。宜。依。通。行。文。法。為。之。分。類。

例如第一課單字皆列名詞。第二課皆列形容詞。與英文法程單字排列法相同。唯排列既依文法例。則異音異字。兩類不妨攙雜。可以助學者強記之力。單字下列異文法。唯此種無多。不必每課皆列入。次列官話十數句。即用從前已讀之字拼成者。教授時。教員口誦。由學者譯成文理。默出。如近日學堂課程中譯俗之例。約翰書院中文課程有譯俗一門。其法由教員用土白誦文一首。學者譯成文理。默出。今則易土白為官話。是其精義處。又次列土白十數句。即用從前已讀之字拼成者。教授時。教員口誦。土白由學者口譯為官音。

四、練習法。習官話半年。尋常應對。即可通用官話。偶有訛誤。無須苛責。練習既久。自能純一。期年小成。二年大成。苟教授得法。雖中材以下。亦能臻此程度。按蒙學堂學期。第四年官話學科宜編入第三年蒙學課程內。每星期占二時。

烏乎。英。俄。波。蘭。僉以滅絕國語為首務。然則國語顧不重哉。文明之進步。繫於是。國家之安危。亦繫於是。改良齊一。未可緩也。我國數稔以還。負牀之孫。乳臭未脫。輒能牙牙學西語。趨承彼族。伺其顰笑。極奴顏婢膝之醜態。及聞本國語言。反多瞠目不解者。沈沈支那。哀哀同胞。其將蹈印度之覆轍邪。抑將步波蘭之後塵邪。烏乎。吾國民其何擇。

學堂用經傳宜以何時誦讀何法教授始能獲益

李惜霜

吾國舊學。經傳尚矣。獨夫秦漢以還。門戶攸分。入主出奴。波瀾未已。逮及末流。或以箋注相炫。或以背誦為事。驚其形式。舍其精神。而矯其弊者。則又鄙經傳若芻狗。因噎廢食。必欲剷除之。以為快。要其所見。皆偏於一。非通論也。迺者學堂定章。特立十三經一科。讀其方法。坐舊已甚。迂闊難行。有斷然者。不佞沈研茲道有年矣。姑較所見。以箸於篇。知言君子。或有取於是焉。

(甲)區時。我國舊俗。乳臭小兒。入塾不半稔。即授以學庸。夫大學之道。至於平天下。中庸之道。極於無聲臭。豈弱齡之子。所及闕測。不知其不解。而授之。是大愚也。知其不解。而強授之。是欺人也。今別其次序。區時為三。一蒙養。授十三經。

大意。此書尙無編定本。宜由通人撮取經傳綱領總義。編輯成書。文詞尙簡淺。全編約三十課。每課不逾五十字。俾適合於蒙養之程度。凡蒙學堂末一年用之。每星期授一課。一年可讀畢。二十課。示學者以經傳之門徑。二小學授孝經論語爾雅。孝經爲古倫理學。雖於倫理學全體未完備。然其程度適合小學。論語爲古修身教科書。於私德一義言之。兼翔莊子稱孔子內聖之道在論語。極有見爾雅爲古辭典。爲小學必讀之書。讀此再讀古籍。自有左右逢源之樂。三中學授詩。孟子書春秋三傳。三禮。易。中庸。詩。經。爲古之文集。事誠齊詩教。有言情達志。敷陳諷諭。抑揚涵泳。諸趣意。宜用之。爲中學唱歌集。其曲譜取歐美舊製。多合用者。余曾取一剪。稱喝火令。如夢。諸詞。填入法蘭西曲。譜亦能合拍。可見樂歌一門。雖有中西古今之別。如畧有參差。則稍加點竄。亦無不可。歐美曲譜。原有隨時編訂之例。毋徒膠柱以求也。孟子於政治哲學。僉有發明。近人有言曰。舉中國之百億萬羣書。莫如孟子。持論至當。書經爲本國史。春秋三傳爲外交史。皆古之歷史也。劉子元判史體爲六家。而以尚書春秋左傳列焉。可云卓識。三禮皆古制度書。言掌故者所必讀。晰而言之。周禮屬於國儀。禮屬於家禮。記條理繁富。不拘一格。爲古學堂之普通讀本。此其異也。若夫易經。中庸。同爲吾國古哲學書。漢儒治易喜言數。宋儒治易喜言理。然其立言皆不無偏宕。學者宜會通觀之。中庸自漢書藝文志裁篇別出。後世刊行者皆單行本。其理想精選。決非小學所能領悟。中學程度授之。以此庶幾近之。

(乙)竄訂。竺舊小儒。其斥人輒曰離經叛道。是謬說也。經者。世界上之公言。而非一人之私言。聖人。不以經私諸己。聖人之徒。不以其經私諸師。茲理至明。靡有疑義。後世儒者。以尊聖故。並尊其書。匪特尊其書。並其書之附出者亦尊之。故十三經之名以立。而揚雄作法言。人譏其擬論語。作太玄。人譏其擬易。王通作六籍。人譏其擬聖經。他若毛奇齡作四書改錯。人亦譏其非聖無法。以爲聖賢之言。互萬古。表九垓。斷無出其右者。且非後人可以擬議之者。雖然。前人尊

其義。因重其文。後儒重其文。轉舍其義。箋注紛出。門戶互爭。大學明德二字。漢儒據爾雅。宋儒襲佛典。其攷據動數千言。秦廷君說典。篇目兩字之說十萬言。說曰若稽古四字三萬言。甚至一助詞一接續詞之微。亦反覆辯論。不下千言。一若前人所用一助詞一接續詞。其間精義。已不可枚舉。亦知聖賢之微言大意。斷不在此區區文字間乎。矧夫較近以遠。新學新理。日出靡已。所當研究者何限。其理想超軼我經傳上者又何限。而經傳所以不忍遽廢者。亦以國粹所在耳。一孔之儒。喜言高遠。猶且故作偉論。強人以難。夫強人以難。中人以下之資。其教育斷難普及。是挾其亡。適以促其亡也。與其故作高論促其亡。曷若變通其法。斷其存。變通其法。舍刪。竄外無他術。刪其冗復。存其精義。竄其文詞。易以淺語。此刪竄之法也。若夫經傳授受之源流。古今經師之家法。諸儒箋注之異同。必一一研究。最足善學者之腦力。是求益適以招損。今編訂經傳釋義。特以通行之注釋為準。凡異同之辨。概付闕。如免清學者之耳目。此訂正之法也。

孝經論語。皆小學教科書。刪其冗復。存者約得十之六七。易其章節體為問答體。如近編之地理問答。歷史問答之格式是。眉目清晰。條理井然。學者讀之。自較章節體為易領會。唯近人編輯問答教科書。其問題每多影響之處。答詞不能適如其的。不解名學故也。脫以精通名學者。任編輯事。自無此病。

爾雅前四篇。豈可刪者。其餘凡有冷僻名詞。不經見者。宜酌為刪去。原文簡明。甚便初學。母俟潤色。爾雅圖。可以助記憶之力。宜擇其要者補入焉。

詩經作唱歌用。體裁適合。無事刪潤。

孟子亦宜改為問答體。刪潤其原文。以簡明為的。近人孟子徵。頗有新意。可以參證。

尙書原文。最爲奧衍。宜用問答體。演成淺近文字。

春秋三傳。唯左傳紀事最爲翔實。劉子元申左篇嘗言之矣。今當統其事實之本末。編爲問答體。或即用左傳紀事本末。以爲課本。其公穀二傳。用紀事本末體。略加編輯。作爲參攷書。

近人孫詒讓撰周禮政要。取舍蒸當。比附亦精。頗可用爲教科書。近今學堂用者最多。唯論詞太繁。宜總括大義。加以潤色。每節論詞。不可逾百字。

儀禮宜刪者十之八。僅通大綱已足。禮記宜刪者十之六。以上兩種。皆用問答體。

我國言易中庸。多涉理障。宜以最淺近文理。用問答體爲之。日儒著支那文明史。支那哲學史。言易理頗有精義。可以參證。

問答體教科書。歐日小學堂有用之者。我國今日既革背誦之舊法。而驗其解悟與否。必用問答以發明。唯經傳意義艱深。條理紊雜。以原本授學者。行問答之法。匪特學者不能提要鉤元。爲適合之答詞。即教者亦難統括大意。爲適合

之問題。今約翰書院讀書經禮記孟子論語等。皆用原本。本教授而行問答之法。教者學受其旨。吾謂編輯經傳教科書。泰半宜用問答體。職是故也。

鳥乎。處今日之中國。吾不敢言毀聖經。吾尤不忍言尊聖經。曷言之。過渡時代。青黃莫接。殫之聖經。脫驟棄之。若敝屣。橫流之禍。吾用深。然使千百稔後。聖經在吾國。猶如故而社會之崇拜聖經者。亦如故。是尤吾所恫心者。也不觀英儒顏德之言乎。物不進化。是唯母死。死也者。進化之母。其始則優者勝。劣者死。厥後最優者出。羸所謂優者。亦寔相形而劣而死。其來母始。其去母終。遞嬗靡已。文化以進。我族開化。早於他國。二千稔來。進步蓋渺何莫。非聖經不死。有以致之。歟。一孔之士。爾猶尊之。若鬼神寶之。若骨董誓諸日月。經天江河。行地是亦未審。天演之公例也。前途茫茫。我愛孔多。饌學堂

用經傳議既竟。附書臆見如此。願與大雅宏達共商榷焉。

醫學與社會之關係

海 蟻

海蟻子曰。悲哉。天地間之足以亡國者。莫如亡種乎。天地間之足以亡種者。必自亡醫乎。無以醫人。何以醫國。今之策富強者。第知以兵戰。以商戰。以學戰。而不知實以種類戰。種類能戰勝。然後有兵有商有學。如歐美各大國是也。種類不能戰勝。有兵有商有學。與無兵無商無學等。如斐澳各土人是也。然則人種強而後社會始克爭存於天地。故種類者。社會之原質也。社會者。種類之屯特也。而為之樞紐關鍵者。則醫學也。何則。種類之強。強於衛生。衛生之精。精於醫學。有醫學則種強。種強則社會文明。無醫學則種弱。種弱則社會腐敗。文明則社會繁盛。而足以弱人。腐敗則社會凋喪。而動為人弱。弱人者。國強。為人弱者。國亡。

海蟻子曰。危哉。醫學與社會。其關係之大。固若是哉。中國者。守個人主義。而無社會思想之國也。無社會思想之國。亦無醫學。故無社會。何則。世界醫學發達之國。則其社會亦有發達之象。茲列泰西與中國可對鏡者於下。

一、泰西學堂。有衛生學。以衛生者。無中國衣食污穢致疾。及扑責傷腦之事。故其學力堅樸。智識日滄。凌轢黃種。一、泰西軍營。有紅十字會。以衛兵弁。無中國傷者垂死。死者暴露之慘。故其兵民忠憤。有不戰而勝之概。一、泰西各埠。有保險公司。以衛居民。無中國天壽有定。不知挽救之弊。故範圍全國於醫學保護之中。而種類獨強。一、泰西各口。有檢疫院。以衛商旅。無中國自棄其民。為他國驅逐焚殺之害。故其商業殖民。日見繁盛。一、泰西國家。有公設醫院。教會。有善舉醫院。及一切盲啞各院。以衛窮民。無中國貧民束手待斃。殘疾流為乞丐之苦。故其國無棄民。廢民。亦不知技藝。工業日見發達。據此以觀。則西人軀幹之雄偉。實業之殷阜。卓絕寰球。占社會之特色。擅社會之名譽者。莫不由醫學發達之故。雖然。醫

學之有益社會。吾既言之矣。吾且更即無醫學之足阻社會進化而馴至亡國者更微述之。

吾考西史。如東南洋之散得維斯羣島。百年前人口尚存三十餘萬。今僅數萬。又如日本北海道土人。以及斐澳兩洲之土人。其減量亦相等。豈盡弱種為強種所凌殺乎。非也。大都以文化程度。既卑無防護身體之學。以日即於死亡。耳。謂予不信。請即以我亞東諸國證之。近年如印度。如希利耶。如咖克利。皆以不明醫學。病死之數。印度則十年間達一百五十餘萬。希利二國。則僅每存人口一二千而已。嘻。可畏哉。得醫則生。不得醫則死。就其小者言之。死生關於個人之利害。似無與於社會也。就其大者推之。則至於亡種。至於亡國。且不止。關於社會已也。嘻。可畏哉。吾中國人。吾不暇泛論他國。吾為吾母國痛陳之。

吾中國非各國羨為生齒最繁之國乎。吾中國又非各國嘖為東方病夫之國乎。夫合全國而皆為病夫。雖多亦奚以為。故人慮中國將來有人滿之患。吾慮中國將來有人少之患。何以無醫學以發明衛生之法。則病夫永為病夫。而社會何由改良。無醫學以發明強種之法。則病夫生。病夫生。殖愈繁。種類愈弱。弱必病。病必死。而社會何由繁盛。此由原理論之也。若即現象觀之。則前年之腥紅症。即霍亂。喉痧。即傷寒。去年之虎列拉症。即霍亂。我東南數省。死者達數十萬。亦奇慘也。生齒雖繁。可恃乎。說者曰。此天行時疫。雖有良醫。不及措手。駁之曰。非也。疫蟲由不潔而生。故各國疫症。謂由中國傳染。經日本吉醫生。法國雅醫生考察。於未患前藥死空際之蟲。既患後挑出肉核之蟲。而疫禍遂平。比較各國疫死之數。中國百中死九十三人。印度百中死八十八人。日本百中死五十餘人。歐洲則僅百中死十八人而已。生死之繫於醫學。其驗若此。雖然。非凡大疫。或非常有。吾獨不解。吾國士夫。耀瘠疲軟。其平時病者之多。亦甲於各國。則又何也。蓋半由於鴉片之耗其精血。半由於不明醫理。無天然涵養之方。以運動其腦血。而滲淪其靈魂。故神經質。腦液質之人不多見。而粘液質則充塞全

國焉。夫以粘液質之人種。而更日居污穢不潔之區。日啗微菌混雜之物。其不至於如印度如希利耶如咖克利之續者不止。此非吾忍言也。然吾不得不將吾國醫學不發明。而爲害於社會之弊。揭出之。

一、由於吾國無公共衛生之事。二、由於吾國國家無防護之法。三、由於吾國醫生無發見病症之學識。無對證病情之藥劑。

有此三因。故無病者必病。有病者必劇。病劇者必死。不必死於列強之槍林彈雨也。不必死於頻年之寇亂災饉也。卽此國之自弱。其民與民之自戕。其命者不知何所底止。吾故慮中國將來有人少之患者。此也。欲彌此患。必自請求醫學。始且醫學不特關係全國之生命已也。而其關係全國各等社會之影響者。尤鉅。吾更即吾游歷所經。向所習聞者。畧述數事以證之。

吾聞某省省會。向無良醫。而俗醫索醫金復昂。以致都會之地。死者枕藉。官吏充斥。親者罔睹。前歲某善士以美國卒業生回國。建醫院施診。並調查死亡人數。則設醫院後與未設前。死者歲減十之四焉。考察米肆銷數。亦十增其二。

又聞粵省某富家。僅一子。甚羸弱。日進濃膩之藥劑。甘肥之食品。而弱日甚。嗣延某教士。課西文。勸令屏除一切。祇日服牛乳麪包。遂日壯健。一家化之。一家壯健。化及鄰里鄉黨。而開設麪包牛酪專肆於其里巷者六家。於中國內地所罕睹。又聞該之某郡。民婦生產。向由不學無術之某媪。把持接生事業。需索不遂。則橫生倒產。其禍立見。莫可如何。嗣由某女士以西法接生。百無一失。外埠踵至迎迓。一時爭習其業。門下濟濟焉。

又聞鄂之某村。僻陋頑固。向嫉西法。十年前以天行痘傳染。至全村無一幼孩。越年以官方設牛痘局。勸令嗣有生者。一歲即送種。違者罰其父母。至今丁口加增兩倍。而每春各村之稚負來求種者。以千百計。商家旅店日增。遂成大埠。

由上觀之。非惟醫學發明之地。其保全生命甚衆。且善政未舉者由此舉。風氣未開者由此開。操業不精者由此精。商業不暢者由此起色。地方冷落者由此繁盛。其有益於社會爲何如也。設使化及全國。其有益又何如也。

然而吾國之現象。國爲病國。民爲病民。豈易驟與語此。夫病在肌膚者易醫。病在神經者難醫。以全國文弱之軀。幹而又乘懶惰游移之性質。萎靡不振之志氣。所謂病在神經也。法國專門神經醫生富羅禮之言曰。意思薄弱者。神經必遲鈍。消化力亦弱。消化力弱。則知覺運動無一不弱。此正鑄成我國民現象。而東方病夫之說所由來也。於此而欲望其社會之文明發達。可得乎。不可得乎。

今欲振起其社會。必先療治其神經。欲療治神經上之宿病。必先發明學術上之醫學。中國無格致之學術。故無精良之醫學。通醫學必先通各學。通心理學而後知調攝身心。通物理學而後知飲食衛生。通理化學而後知配合藥劑。通光電各學而後知考察微生物及考察一切病情療治之法。

海樓子曰。吾請決言之曰。吾國社會發達。必在醫學發達之後。吾國醫學發達。必在學術發達之後。何則。學術發達。而後普及之醫學。皆由學術上考驗而來。合全國人民而範之於學術上醫學之中。如是而肌膚病可醫。而神經病亦可醫。必能改換其神經。而國民乃皆強健。而國民乃有才智。化粘液質而爲神經質者。非學術烏賴乎。非學術烏賴乎。是故學術能改良。而後醫學能改良。醫學能改良。而後人種能改良。人種能改良。而後社會能改良。此千古不易之理也。吾日夜馨香禱祝之矣。

中日二國同在亞洲同爲黃種又同時與歐美通商而強弱懸殊至此其故何歟

丁達甲

上下五千年。縱橫九萬里。時有盛衰。國有隆替。世界有通塞。我以一身蜉蝣其間。亦何暇一一詳論。獨有觸於目。感於衷。激刺於腦筋。爲今日東方一大問題。不得不焦心苦思。凝神壹志。以研究之者。蓋莫如中日二國現狀。夫中國之弱。日本之強。既彰彰在人耳目。而欲求其所以懸殊之故。下一確當之判語。雖智者幾無以處此。謂亞洲不讓歐洲。則中日同在亞洲。何中國獨墮乎。居後。謂黃種不讓白種。則中日同爲黃種。何中國獨望而卻步。謂先時者昌。後時者蹶。則中日又同時與歐美通商。何中國獨奄奄而不振。況地之廣狹。人之多寡。物產之繁簡。礦藏之盈虛。並一一反比例。而成敗異勢。功業相反至此。此固揆諸情而情難合。度諸理而理難通者也。雖然。萬事不能憑虛而起。有良結果者。必有良原因。有惡結果者。必有惡原因。尋其原因所在。察之。則中日所由一強一弱。自昭然而若揭。吾嘗案諸學說。訶諸國情。驗諸人心。徵諸世變。就種種方面。研究此問題之真相。而知其強弱之所自來者。有數大端。

一曰。日本人愛國。而中國人不愛國。積民成國。國與民有密切關係。國昌則民蒙其福。國亡則民受其害。美洲新族。到處歡迎。猶太遺孽。時加護恤。其明證也。日本朝野之間。聯絡一氣。人人有國家觀念。務合羣以謀同胞之利益。弼他族之欺侮。平時歌吟愛國。義重尊王。燕衆一心。絕不浮動。一遇外擾內訌。國家多故。則又輿情大動。民氣憤張。慷慨悲呼。不可遏抑。苟有利於我國。雖殞命殺身。毀家蕩產。亦復毅然直前。百折不回。甚至黃口小兒。不受敵人之餽物。青年弱婦。亦脫簪珥。以助軍志。激昂如是。如是。遠大前途。曷可限量。中國上下隔絕。呼應不靈。人民與國家。分而爲二。上不欲民與聞。國事民亦不以國事爲己事。故雖土地日削。權利日失。外侮日橫。而絕無休戚與共利害與同之足動其心。其下焉者。惟身家得失之是計。其上焉者。則高談哲理。罔念時艱。神州陸沈。置不問顧。其不肖者。則并爲虎作倀。引狼入室。藉洋奴勢力。以害本國。尊外人如神明。賤同種如犬馬。質而言之。視己爲私人。視國爲公國。順民之幟。飄搖乎北京。頌德之碑。矗立

於。臺。島。嗚。呼。此。我。同。胞。普。通。之。性。質。而。將。遺。珍。絕。隱。憂。於。來。日。者。也。豈。元。氣。渾。淪。旭。日。方。升。之。東。邦。所。可。同。日。語。耶。中。日。之。所。以。強。弱。懸。殊。者。此。其。一。

一曰。日本尙武而中國不尙武。優勝劣敗。不在虛橋之客氣。而在競爭之毅力。不在公法約章之得宜。而在黑鐵赤血之占勝。日人剽疾輕死。樂於戰鬪。日取其所謂武士道。大和魂者。鼓吹而提倡之。從軍樂。祈戰死之雄風。播滿於扶桑三島。前則攘夷復幕。既有赴湯蹈刃。奮不顧身之概。後則勝華制俄。更有滄霧奔潮。舉國同仇之勢。東海風雲。突然變色。一輪紅日。湧現靖州。駭駭乎有凌轢亞洲。睥睨全球之志。中國輕武重文。浸成風俗。國以黷武爲非。士以冒險爲戒。民以當兵執戟爲羞。秦皇排外。指爲貪功。漢武開邊。譏其召靈。以及杜甫兵車之什。李華弔戰之文。類皆詠出征苦況。描流血奇狀。不獨讀者神寒。并令聞者色沮。強悍之氣。漸滅無存。加以男子嗜煙。婦人纏足。遺傳種類。日益頹唐。以此等民族。立於天演物競。最酷烈之世界。雖使淮陰復生。武穆再世。亦無以善其後。無役不諱。有戰必敗。揆諸現象。亦固其宜。中日之所以強弱懸殊者。此其二。

一曰。日本善變而中國不善變。變法之道。必從本原處入手。而又有因勢利導之功。乃可掃舊政而開新運。日本維新伊始。羣情惶惑。當國者目光腦電。獨破機先。獨能確立方針。決然放棄其千百年之積弊。以制定全國更新之局。觀其改革內部。挈領提綱。開議會。更憲法。用投票選舉之制。立地方自治之法。遷都。以植控馭四維之勢。下詔以示君民共治之心。由是有利必興。無弊不革。自官制。刑律。吏治。俸章。理財。兵政。工商。學校。服色。無不一一更新。實事求是。其折衷至當者。尤在能以他國所長。參酌本國所短。融日本歐西之法。神而明之。變而通之。使盡善盡美。不偏不倚。用能功效卓著。煥然改觀。中國仿行西法。徒襲皮毛。一再敷衍。朝三暮四。變其末。不變其本。變其小。不變其大。變其甲。不變其乙。變其名。目不

變其事實。變其形式。不變其精神。通商已數十年。而民政不修。憲法不立。惟取一二小節。改頭換面。彌縫補苴。畫虎效顰。支支節節。不成片段。造至強至富之國勢。則不足。讓不痛不癢之時局。則有餘。中日之所以強弱懸殊者。此其三。

一曰。日本得人。而中國不得人。國家當窮變通久之交。必先得一二英雄豪傑。握政治全權。審權要所在。施之煥然而日月新。旬然而雷霆奮。乃可震一世精神。易萬衆觀聽。日本新舊銜遞。轉變之機括。全特得人。首革幕府之蠹政。開明治之新天地。彼都人士。稱爲維新奇傑者。莫如西鄉隆盛。大保久利。通木戶孝允。三條實美。諸人一切大措施。大興革。皆賴提倡贊成。遂以收回已失之國權。挽救瀕危之種類。而伊藤山縣。榎本陸奧等。又各出其學於泰西者。先後接踵。以與其邦。有真精神。然後有好氣象。至今猶縣縣延延。英才輩出。得人者昌。不強何待。中國互市至今。雖良莠如雲。朝士如鯽。試以東鄰人才。求諸吾華。則如鈞天之樂。霓裳之舞。音響尙絕於塵界。其一二稍稍負時望有權力者。又但知苟安。不知有競爭。知有西法。不知有民政。不然。則才氣有餘。而學識不足。不然。則閱歷有餘。而血性不足。不然。則容忍有餘。而強毅進取不足。以如是政府。而望人心風俗國勢之不變。蓋亦難矣。中日之所以強弱懸殊者。此其四。

一曰。日本務遠。而中國不務遠。立國於地球大通之世。不可無偉大思想。膨脹魄力。愈畏事則事愈多。愈讓人則人愈肆。故外治宜修。而外勢亦不能不植。日本發揚蹈厲。有長駕遠馭之雄心。自明治維新後。君臣士庶。日以拓商埠。闢新土。大航海之業。行殖民之策。爲事。郵船四達。兵船紛馳。燦燦國旗。飄揚海道。龍朝鮮。以阻西比里亞之進步。索臺灣。以扼東太平洋之咽喉。覬覦福建。立約不讓。以備異日逐鹿中原。染指分羹之地。其眼光之鉅。手腕之靈。謀慮之遠。真有昂頭四海。濯足萬里之概。中國憑藉之厚。十倍日本。而了無施爲。蟄伏圈內。井蛙遠豕。偷息一時。凡限於國勢。不能遽行者。姑置勿論。其可以致力者。亦苟且儉安。絕不厝意。有如勸界一誤。而邊地動失千里。此不務遠之一。宗教互傳。而孔道猶限本。

國。此。不。務。遠。之。一。招。商。僅。及。內。地。而。郵。船。不。偏。駛。外。洋。以。爭。航。業。中。國。亦。有。海。軍。而。兵。船。不。一。弋。他。洲。以。衛。僑。民。此。又。不。務。遠。之。一。不。擴。張。我。勢。力。惟。縮。小。其。範。圍。既。自。節。節。退。讓。何。怪。歐。勢。東。來。愈。逼。愈。緊。岌。岌。乎。有。反。客。爲。主。之。勢。耶。中。日。之。所以。強。弱。懸。殊。者。此。其。五。

不但此也。以地理言之。便於呼應者。國雖小而可與。不利交通者。國雖大而難振。日本三島剋然。四面環海。綜其形勢。絕似英吉利。故編輿之速。亦與英彷彿。左提右挈。操縱易施。呼吸靈通。風從草偃。天道無往不復。地球氣運已行至太平洋。日本正當其衝。而又有適宜之地理。以應之。其輿勃然。原無足怪。中國版圖式廓。腹地面積。多於江海流域之面積。內地道路之險惡。舟車之粗笨。山林之隔絕。旅館郵遞。種種交通機關之不備。皆足阻礙文化。閉塞風氣。欲其運動敏捷。消息靈通。聲教流行。億兆團合。收使臂使指之效。亦幾無術。脈管不通。故多敗血。敗血既多。故積成臃腫麻木諸病。此古今所無如何者也。以歷史言之。日本一統相傳數千年。未嘗受外人之管轄。雖強悍如元。亦爲北條氏所敗。古人文化。不致受胡馬蹂躪。其功列比於希臘之扼波斯。法人之扼回教。故日人擁護君權。尊重自主之性質。至今未泯。粹遇內外變象。一觸即動。而熱度更增十倍。亦固其宜。中國二十四姓。興亡不一。有朝名而無國號。屢歷代之變易。且開創至今。五千年。大率混一之時多。分裂之時少。國人靡然自大。視環列皆小蠻夷。通商而後。尙有藐視外國不屑效法。不籌抵制之謬見。亦其遺傳之性所存。而頹唐不振之遠因也。以人種言之。集一國之種族。以建邦。則改革較易。合數種族以成國。則振作較難。日本民族。有共同之血統。共同之習慣。語言文字。其於羣具天然之關係。即其於國多自然之感情。發揮而光大之。鼓舞而振興之。自有事半功倍之效。中國種類不一。曰漢。曰滿。曰韓。曰圖伯特。曰江南諸蠻。其間風俗宗教性情容貌。各不相同。若蒙古。若回疆。若西藏。若雲貴。湖廣。諸邊。或設藩王。或設土司。但寓羈縻。悉仍舊俗。既足爲一道同風之阻礙。而

滿漢兩種互起猜疑國敵在門戈換同室自官吏以至士民各執一見政策不能確定風氣不能盡通尤足爲文明進化之妨害此尤可感喟者也合觀以上所言中日強弱懸殊之故概可想見而其總根源大要素則一言以蔽之曰立憲與專制立憲則強立憲而善用其道則強益速故日本不惟與德意志齊名直將與英吉利比列專制則弱專制而并替其權則弱益甚故中國不獲與俄羅斯並駕竟將與土耳其同譏頽首東鄰方與未艾哀吾震旦來日大難謂之何哉謂之何哉。

附 錄



廿 六

四 月